

Uunga

## siunnersuut

Ulloq: 2. juni 2023  
Allaffik: Nordatlantkontoret  
Sulia. suli: Maria Thstrup Jakobsen  
Suliap normua.: 2022-490-0349  
Takussutissiaq: 2775667

### Kalaallit Nunaanni eqqartuussisarnermik inatsisip allanngortinneqarnera pillugu inatsit

(Inatsisit unioqputinneqarneranni pinerluttoqarsimaneramik  
paasiniaanermut ilaatillugu politiit kilitsissianik atuinerat)

#### § 1

Kalaallit Nunaanni eqqartuussisarnermi inatsimmi, tak. inatsimmut nalunaarut nr. 1581, 13. december 2016-imeersoq, kingullermik inatsisikkut nr. 414-ikkut, 25. april 2023-imeersukkut allanngortinneqartumi § 2 malillugu, makkuninnga allannguisoqassaaq:

1. § 114, imm. 2-mi, nr. 1-ip kingorna normutut nutaatut ilanngunneqassaaq: »2) politiit tjestemandimit immikkut ittumik kiffartuussinermik ingerlatsisumit, aamma tamanna immikkut ittumik kiffartuussineq eqqarsaatigalugu kinaassutsip isertuunneqarnissaa pisariaqartinneqarpat,« Tamatuma kingorna nr. 2-3, nr. 3-4-nngussapput.

2. § 114, imm. 3-imi, »imm. 2, nr. 3« ima allanngortinneqassaaq: »imm. 2, nr. 4«.

3. § 115-imi imm. 3-tut ilanngunneqassaaq:

»Imm. 3. Politiit tjestemandi imaluunniit politiini atorfeqartoq iliuitsinik § 349 a-mi taaneqartunik suliaqarsimatillugu, unnerluussisusaatitaasut piumasarippassuk, taassuma nassuiaanerani matut matuneqassapput.«

4. § 144-imi imm. 4-itut ilanngunneqassaaq:

»Imm. 4. Ilisimannittoq iliuitsinik § 349 a-mi taaneqartunik suliaqarsimappat, aamma suliap qanoq issusia pineqartumullu akuusumut imaluunniit inuiaqatigiinnut pingaaruteqarnerata tamanna naapertuuttut isigisariaqartippagu, pisuni imm. 2-mi nr. 3-mi taaneqartuni eqqartuussiviup aammattaaq ilisimannittoq nassuiaateqaqqullugu peqqusinnaavaa.«

5. § 153-imi »ilisimannittup kinaassusaa«-ta kingorna ilanngunneqassaaq: »; taamaattoq § 458, imm. 2 aamma 3 takukkit«

6. Kapitalip 34-ip kingorna ilanngunneqassaaq:

»Kapitali 34 a

*Pinerluttoqarsimaneranik paasiniaanermi immikkut ittumik iliuutsit*

§ 349 a. Inatsisinik unioqqutitsineq pillugu pinerluttoqarsimaneranik paasiniaanermut atatillugu, kialluunniit inatsimmik unioqqutitsinissaanut imaluunniit inatsimmik unioqqutitsinerata ingerlatiinnarnissaanut kajumissaarneqarnissaa siunertaralugu, ikiuinissamik neqeroorfigineqarnera imaluunniit iliuutsinik aalajangiisoqarnera, politiit peqataaffigissanngilaat, ima pisoqartinnagu:

- 1) inatsimmik unioqqutitsisoqalersoq imaluunniit inatsimmik unioqqutitsineq misilinneqarsimasoq pillugu pissutissaqartumik pasitsaassisoqartoq,
- 2) pinerluttoqarsimaneranik paasiniaanermi iliuseq pinerluttoqarsimaneranik paasiniaanermi pingaarutilimmik kinguneqartussatut isumaqarfigineqartoq, aamma
- 3) pinerluttoqarsimaneranik paasiniaaneq immikkut ittumik sakkortuumik inatsisinik unioqqutitsinermut imaluunniit pinerluttulerinermi inatsimmi § 85, imm. 1-ip imaluunnit 2-ip, § 104-ip, § 105-ip, § 108-ip, § 111, imm. 1-ip, imaluunniit § 111 a-p unioqqutinneqarnerannik tunngassuteqartoq, inatsisinillu unioqqutitsineq internetti atorlugu unioqqutitsinerutillugu, Ikiaroonartut pillugit Inatsisartut inatsisaannik imaluunniit Sakkut pillugit Kalaallit Nunaannut inatsimmik unioqqutitsinermik tunngassuteqartoq.

*Imm. 2.* Kialluunniit inatsimmik unioqqutitsinissaanut imaluunniit inatsimmik unioqqutitsinerata ingerlatiinnarnissaanut kajumissaarneqarnissaa siunertaralugu iliuutsit, politiit inatsimmik unioqqutitsisoqartillugu pissutsit pingaarutilimmik sunniivigissanngippassuk, imaluunniit taamatut kajumissaarineq taamaallaat pisinnaatitaaffinnik, pequtinik tigussaasunik imaluunniit atortussanik allanik, erseqqinnerusumik annertussusilinnik internettikkut tuniniarneqartunik taamaallaat pissarsineruppata, iliuutsit kialluunniit inatsimmik unioqqutitsinissaanik imaluunniit ingerlatitsiinnarnissaanik kajumissaarinissaq siunertaralugu aalajangerneqartut, imm. 1-imi ilaatinneqassanngillat.

**§ 349 b.** Iliuutsit § 349 a-mi taaneqartut, inatsisinik unioqquitsinerup annertussusaata peqqarniisaarnerulluunniit annertusineqarnissaanik kinguneqassanngillat.

*Imm. 2.* Politiini tjenestemandinit aamma politiini atorfilinnit pinerluttoqarsimaneranik paasiniaanissamut immikkut ittumik piginnaasaqartunit iliuutsit taamaallaat suliarineqarsinnaapput. Taamaattoq, ikiuineq tunniunniunneqartoq, inatsisinik unioqquitsinerup mut naleqqiullugu killilerujussuuppat, inuit uniformeqaanngitsut politiinik isumaqatigiissuteqarnikkut inatsimmik unioqquitsinerup, pinerluttoqarsimaneranik paasiniaaffigineqartup, ingerlanneqarnissaanut nanginneqarnissaanulluunniit ikiuissinnaapput.

**§ 349 c.** § 349 a malillugu iliuutsit akuersissutigineqartut eqqartuussiviup aalajangereratigut pissapput, taamaaliernerlu tunngavilersorneqassaaq. Tamanna pillugu apeqqut eqqartuussivimmi, unnerluussutip saqqummiunneqarfissaani imaluunniit saqqummiunneqarfissaatut naatsorsuutigineqartumi saqqummiunneqassaaq, imaluunniit sumiiffimmi allami iliuutsit naammassiniarlugit politiit aalajangiiffigisaanni pissalluni.

*Imm. 2.* Eqqartuussiviup aalajangiinerani suliame pivirusiit taaneqassapput, tassanilu iliuutsit naammassineqarnissaanut piumasqaatit naammassineqarsimanerat taparserneqassaaq. Aalajangerneq qaqugukkulluunniit allanngortinneqarsinnaavoq.

*Imm. 3.* Iliuutsit siunertaat maangaannartinneqassappata, eqqartuussiviup aalajangernera utaqqineqassappat, iliuutsit naammassineqarnissaat politiit aalajangersinnaavaat. Taamaattoqarpat iliuutsit aallartinneqarnerannit piaarnerpaamik aamma kingusinnerpaamik akunnerit 24-it iluanni politiit suliaq eqqartuussivimmut saqqummiutissavaat. Iliuutsit akuerineqarsinnaanersut, kiisalu atatiinnarneqassanersut eqqartuussiviup aalajangernermigut aalajangiiffigissavai. Iliuutsit suliarineqarsimasussanngikkaluartut eqqartuussivik isumaqarpat, eqqartuussiviup tamanna pillugu Inatsiseqarnermut ministereqarfik nalunaaruteqarfisavaa.

**§ 349 d.** § 349 a-mi iliuutsit taaneqartut pillugit aalajangiisoqarsimappat, aamma inatsisinik unioqquitsineq pillugu unnerluussisoqarpat, iliuutsit pillugit illersuisumut nalunaarutiginnittoqassaaq. Naalagaaffinnut pissaanilissuarnut, naalagaaffiup isumannaatsuunissaanut, suliap paasinarsisinneqarnissaanut, imaluunniit inummut pingajuusumut qaqutigoortumik tamanna pisariaqartissappagu, oqaaseqatigiit siulliit malillugit paasissutissat illersuisup tigusimasaasa

ingerlateqqinneqannginnissaat politiit illersuisumut  
peqqussutigisinnaavaat.

§ 349 e. 349 a-miit 349 d ilanngullugu malittarisassat pinerluttulerinermi inatsimmi kapitali 7 aamma §§ 27-imiit 35 ilanngullugu malillugit unioqqutitsisoqarsimanersoq pillugu pinerluttoqarsimaneranik paasiniaanermi atorneqassanngillat.«

7. § 443-imi imm. 2-p kingorna immikkoortutut nutaatut ilanngunneqassaaq:

»Imm. 3. Politiini tjenestemandit imaluunniit politiini atorfillit, § 349 a-mi iliutsinik taaneqartunik suliarinnissimasut, aamma politiini tjenestemandit immikkut ittumik kiffartuussinermik ingerlatsisut, tassani immikkut ittumik kiffartuussinermik ingerlatsineq eqqarsaatigalugu kinaassutsip isertuunneqarnissaa pisariaqartinneqarluni, atimik allamik nammineq aterinngisaminnik taaneqarsinnaapput aamma najugaqarfik taanagu.«

8. § 448, imm. 1, nr. 5-imi, »§ 155, imm. 3, imaluunniit,« ima allanngortinneqassaaq: »§ 155, imm. 3,«

9. § 448, imm. 1, nr. 6-imi, »imm. 1«-ip kingorna ilanngunneqassaaq: »imaluunniit 4, imaluunniit«.

10. § 448-imi nr. 6-ip kingorna nutaatut normutut ilanngunneqassaaq: »7) § 458, imm. 3 malillugu politiini tjenestemandip atia najugaalu nalunaarutigineqassanngitsuq.«

11. § 458-imi imm. 1-ip kingorna immikkoortutut nutaatut ilanngunneqassapput:

»Imm. 2. Politiini tjenestemandiusoq imaluunniit politiini atorfilik, § 349 a-mi taaneqartunik iliutsinik suliaqarsimasoq, nammineq atini taanagit nassuiaasiorsinnaavoq.

Imm. 3. Ilisimannittup immikkut ittumik sullissinerata pingaarutilimmik eqqarsaatigineqarnissaata tamanna tunngavissaqartippagu, aamma paasissutissat unnerluutigineqartup illersorneqarneranut kingunertussaannngitsutut isigineqarpata, politiini tjenestemandiusup immikkut ittumik kiffartuussinermik ingerlatsisup, ilisimannittut nassuiaasup atiata paasissutissiissutigineqannginnissaat eqqartuussiviup siulittaasuata aalajangersinnaavaa.

*Imm. 4.* Politiini tjenestemandiusoq imaluunniit politiini atorfilik, § 349 a-mi taaneqartunik iliuitsinik suliaqarsimasoq, imaluunniit tamanna politiini tjenestemandip imaluunniit atorfillip kinaassusaata isertuunneqarnissaa eqqarsaatigalugu pisariaqartinneqarpat, politiini tjenestemandi immikkut ittumik kiffartuussinermik ingerlatsisoq killisiorneqartillugu, aamma unnerluunneqartup illersorneqarneranut tamanna pingaarutilimmik kinguneqartussaangitsutut isigineqarpat, unnerluunneqartup eqqartuussinermi ini eqqartussiffiusoq qimassagaa, eqqartuussiviup siulittaasuata aalajangersinnaavaa.

*Imm. 5.* Imm. 3 aamma 4 malillugit noqqaassutit pillugit sioqqutsisumik isumaqatigiinniarnit nalaanni unnerluunneqartup ini eqqartuussiffiusoq qimassagaa, eqqartuussiviup siulittaasuata aalajangersinnaavaa.

*Imm. 6.* Imm. 3 aamma 4 malillugit politiini tjenestemandip imaluunniit atorfillip atiata najugaqarfialu isertuunneqarnissaat pillugu aalajangiineq, eqqartuussiviup aalajangiineratigut aalajangerneqassaaq, taannalu tunngavilersorneqassaaq. Aalajangiinerani suliami piviusuiit taaneqassapput, tassanilu isertuussinissamut piumasqaatit naammassineqarsimanerat taparserneqassaaq. Aalajangerneq qaqugukkulluunniit allanngortinneqarsinnaavoq. Imm. 3 aamma 4 malillugit eqqartuussiviup aalajangernera suliareqqitassanngortinneqarsinnaavoq.«

Imm. 2 tamatuma kingorna imm. 7-inngussaaq.

**12.** § 458, imm. 2, oqaaseqatigiinni siullerni, imm. 7-imi oqaaseqatigiit siullinngortumi, »imm. 1«-ip kingorna: »imaluunniit 4« ilanngunneqassaaq.

## § 2

Inatsit 1. juli 2024 atuutilissaaq.

# *Inatsisissatut siunnersuummut oqaaseqaatit*

*Oqaaseqaatit nalinginnaasut*

*Inatsisissatut siunnersuutip imaata allassimaffia*

<b><u>1. Aallaqqaasiut.....</u></b>	<b>8</b>
<b><u>2. Inatsisissatut siunnersuutip immikkoortui pingaarnerit.....</u></b>	<b>11</b>
<u>2.1. Inatsisit atuuttut .....</u>	11
<u>2.2. Kilitsissianik atuinermi aamma nalinginnaasumik pinerluttoqarsimaneranik paasiniaanermi illiuitsit akornanni killiliussaq (appasinnerpaamik killiliussaq).....</u>	11
<u>2.3. Kilitsissianik atuinerup aallartinneqarnissaanut piumasaqaatit.....</u>	19
<u>2.3.1. Pasitsaassineq pillugu piumasaqaat.....</u>	19
<u>2.3.2. Ilisarnaatit pillugit piumasaqaat .....</u>	20
<u>2.3.3. Pinerluttuliorneq pillugu piumasaqaat .....</u>	21
<u>2.3.3.1. Meeqqanik kanngunartuliorneq.....</u>	25
<u>2.3.3.2. Peqquserlunneq, paasissutissat pillugit peqquserlunneq, aamma aningaasatigut peqquserluutunik malunnarunnaarsaaneq</u>	26
<u>2.3.3.3. Tillitanik niuerneq.....</u>	27
<u>2.3.3.4. Ikiaroornartut .....</u>	28
<u>2.3.3.5. Sakkut qaartartullu .....</u>	29
<u>2.4. Erseqqinnerusumik annertussusilinnik pisinnaatitaaffinnik, pigisanik tigussaasunik imaluunniit atortunik allanik internettikkut tuniniarneqartunik politiit pissarsinerat.....</u>	29
<u>2.5. Kilitsissianik atuinerup akuerisaasup kilitsissianillu atuinerup inerteqqutigineqartup akornanni killiussaq (qutsinnerpaamik killiliussaq)</u>	36
<u>2.6. Politiini atorfillit kilitsissiatut sulisinnaasut.....</u>	38
<u>2.7. Inuit uniformeqanngitsut .....</u>	39
<u>2.8. Sioqqutsilluni eqqartuussivimmit aalajangiineq aamma unnerluussisoqartillugu illersuisumut nalunaarutiginninneq .....</u>	43
<u>2.9. Kilitsissiap eqqartuussivimmi nassuiaanera.....</u>	44
<u>2.9.1. Politiini kilitsissiap kinaassutsimi isertuunnissaanut periarfissaa .....</u>	44

2.9.2. <u>Suliani politiini kilitsissianik atuisoqarsimatillugu matut matuneqartarnerat</u> .....	48
2.9.3. <u>Ilisimannittunut peqqussutit</u> .....	49
2.9.4. <u>Eqqartuussivimmi inuit uniformeqanngitsut killisiorneqarnerat</u> .....	50
2.10. <u>Allatigut politiini tjenestemandit eqqartuussivimmi nassuiaanerat</u>	51
<b><u>3. Pisortanut aningaasaqarnikkut kinguneri aamma atuutilersitsinerup kinguneri</u></b> .....	54
<b><u>4. Inuussutissarsiorturnut il.il. aningaasaqarnikkut allaffissornikkullu kinguneri.</u></b> .....	54
<b><u>5. Innuttaasunut allaffissornikkut kinguneri.</u></b> .....	54
<b><u>6. Avatangiisinut kinguneri</u></b> .....	54
<b><u>7. EU-mi inatsisitigut tunngassuteqartut</u></b> .....	54
<b><u>8. Oqartussat suleqatigiiffillu il.il tusarniaaffigineqartut.</u></b> .....	54
<b><u>9. Immersugaq eqikkaaffiusoq</u></b> .....	55
<b><u>Inatsisissatut siunnersuummi aalajangersakkanut ataasiakkaanut oqaaseqaatit</u></b> .....	57
<b><u>Inatsisissatut siunnersuutip inatsimmut atuuttumut ataatsimoortinneqarnera</u></b> .....	85

## 1. Aallaqqaasiut

Kalaallit Nunaanni qallunaat akisussaaffeqarfiisa ineriartortinneqarnissaat Naalakkersuisullu ataatsimoorlutik naalakkersuisut kissaatigaat. Danmarkimi Kalaallillu Nunaanni pissutsit immikkut ittut assigiinngissutillu ataqqillugit, qallunaat akisussaaffeqarfiisa Danmarkimi tamanut atugassianut atorneqartunut malinnaanissaat, naalakkersuisut Kalaallit Nunaat peqatigalugu sulissutigiumavaat. Qallunaat akisussaaffeqarfiini inatsisiliornerup nutarsarneqartarnissaa tassunga atatillugu naalakkersuisut ingerlaavartumik pingaarnersiuinerminni sallitikkumavaat, soorlu aamma Kalaallit Nunaanni politiit suli ineriartortinneqarnissaannik pisariaqartitsineq naalakkersuit ingerlaavartumik nalilersortassagaat.

Qallunaat eqqartuussisarnermik inatsisaanni, eqqartuussisarnermik inatsisip allanngortinneqarnera pillugu inatsisikkut nr. 319, 4. juni 1986-imeersukkut (Inatsisit unioqquatinneqarneranni pinerluttoqarsimaneranik paasiniaanermut ilaatillugu politiit kilitsissianik atuinerat) eqqunneqartumi, kilitsissianik atuinermi politiit peqataasinnaanerat pillugu malittarisat inatsisissatut siunnersuummi tunngavigineqarput. Nalunaaruteqartarnermi isertuussinissamut politiit akuliuttarnerat aamma kilitsissiat atorneqarnerat pillugu Pillaasarnermik eqqartuussisarneq pillugu ataatsimiititaliap isumaliutissiissutaanik nr. 1023/1984-imit inatsit tunngaveqarpoq. Malittarisassat kingusinnerusukkut pillaasarnermik inatsisip eqqartuussisarnermillu inatsisip allanngortinneqarneri pillugit inatsisikkut nr. 436, 10. juni 2003-imeersukkut (Rockerit pinerluuteqartarnerat amma aaqqissuussaasumik pinerluuteqartarnerit allat akiorneqarnissaat) aamma eqqartuussisarnermik inatsisip allanngortinneqarnera pillugu inatsisip nr. 967, 26. juni 2020-imeersumit (Internettikkut pinerluuteqartarnerup pinerluttoqarsimaneranik paasiniaavigineqarneranni politiit periarfissaasa patajaallisaavigineqarnerat) allanngortinneqarput.

Politiit inatsisinik unioqquutitsisoqarnerani pinerluttoqarsimaneranik paasiniaanerminnut atatillugu – piumasaqaatit killiliussallu erseqqissumik taaneqartut ilaasa ataanni – kialluunniit inatsimmik unioqquutitsinissaanut imaluunniit inatsimmik unioqquutitsinerata ingerlatiinnarnissaanut kajumissaarneqarnissaa siunertaralugu, ikiuinissamik neqerooruteqarsinnaasut imaluunniit iliuitsinik aalajangiisinnaasut, kilitsissat pillugu malittarisassat kinguneraat.

Kilitsissiat atorneqarnerat aamma Kalaallit Nunaanni politiinut pinerluttoqarsimaneranik paasiniaanermi sakkuusoq sunniuteqarluartoq,



2020-imi inatsisip allanngortinneqarneranut uiggiullugu nalilerneqarpoq. Ilaatigut nunat tamat akornanni pinerluttuliornerit nalinginnaasumik ineriartorerisa annertunerujartortumik killeqarfinnik qaangiinertut pissuseqarnerat, kiisalu internetti atorlugu pinerluuteqarnerit pillugit unammilligassat Danmarkimut naleqqiullugu Kalaallit Nunaani erniinnaartumik annikinnerunnginnerat, taamaammat tassunga tunngaviuvoq.

Tamanna tunngavigalugu qallunaat kilitsissiat pillugit malittarisassaasa assinginik Kalaallit Nunaanni eqqartuussisarnermik inatsimmi ilanngussisoqarnissaa Naalakkersuisuit noqqaassutigisimavaat.

Taamaalilluni inatsisunik unioqqutitsinerit pinerluttoqarsimaneramik paasiniaaffigineqarneranni Kalaallit Nunaanni politiit periarfissaasa patajaallisaavigineqarnissaat inatsisissatut siunnersuutip siunertaraa, matumani kilitsissiat atonerisigut ikiaroorartut pillugit pinerluttuliornerit, pinerluttuliornerit aaqqissugaasut aamma internettikut pinerluttuliornerit pinerluttoqarsimaneramik paasiniaavigineqarnerat ilanngullugit.

Kalaallit Nunaanni eqqartuussisarnermik inatsimmi kilitsissianik atuneq pillugu malittarisassanik (§§ 349 a-miit 349 e ilanngullugu), qallunaat eqqartuussisarnermik inatsisaanni tamanna pillugu malittarisassat atuuttut assinginik ilanngussinissaq, inatsisissatut siunnersuutikkut taamaammat aallarnerniarneqarpoq.

## **2. Inatsisissatut siunnersuutip immikkoortui pingaarnerit**

### **2.1 Inatsisit atuuttut**

Kalaallit Nunaanni eqqartuussisarnermik inatsimmi kapitali 34 pinerluttoqarsimaneramik paasiniaaneq killisiuinerlu pillugit malittarisassanik nalinginnaasunik imaqarpoq, matumani § 338 ilaatigut inatsisip unioqqutinneqarnerani pinerluttoqarsimaneramik paasiniaanerup aallartinneqarnissaa pillugu, taannalu eqqunngitsuliorfigineqartoq ilaatinagu unnerluussisussaasunit ingerlanneqartarpoq.

Politiit inatsimmik unioqqutitsisoqarsimanerani pinerluttoqarsimaneramik paasiniaanerminnut atatillugu, kialluunniit inatsimmik unioqqutitsinissaanut imaluunniit inatsimmik unioqqutitsinerata ingerlatiinnarnissaanut kajumissaarneqarnissaa siunertaralugu, ikiuinissamik neqerooruteqarsinnaanerit imaluunniit

iliuutsinik aalajangiisinaanerat pillugu Kalaallit Nunaanni eqqartuussisarnermik inatsimmi ullumikkut malittarisassaqaanngilaq.

Kisianni, inuk kajumissaarinermit, siunnersuinermit imaluunniit iliuseqarnermit, iliuserineqartumi peqataasimasoq, inatsimmi unioqqutitsinermi aalajangersakkamut aalajangersimasumut ilaatinneqartoq, pinerluttulerinermi inatsimmi § 13-ip malitsigaa.

Politiit annertuumik kilitsissianik atuinissamut pisinnaatitaanerat eqqartuusseriaatsimi atuuttumi aalajangerneqarsimasutut isigisariaqartoq, kilitsissianik atuneq pillugu malittarisassat Danmarkimi atuutilersinneqarnerat sioqqullugu inatsiseqartitsinermi pissutsit pillugit, Nalunaaruteqartarnermi isertuussinissamut politiit akuliuttarnerat aamma kilitsissiat atorneqarnerat pillugu Pillaasarnermik eqqartuussisarneq pillugu ataatsimiititaliap isumaliutissiissutaani nr. 1023/1984-imi qupperneq 135-imi takuneqarsinnaavoq. Taamaattoq taamatut iliuseqarnermi tassani politiit pinerluuteqarnermik, pinerluutigineqartussaangikkaluamik, pilersitsissanngillat. Taamatuttaaq Kalaallit Nunaanni inatsisit atuuttut malillugit taamaattoqartoq nalilerneqarpoq.

## **2.2 Kilitsissianik atuinermi aamma nalinginnaasumik pinerluttoqarsimaneranik paasiniaanermi iliuitsit akornanni killiliussaq (appasinnerpaamik killiliussaq)**

Sakkortuumik aaqqissuusaasumillu pinerluutit pillugit politiit pinerluttoqarsimaneranik paasiniaanerat, matumani ikiaroorartut pillugit pinerluuteqarnerit ilanngullugit, ajornartorsiutinik annertuumik katitigaasinnaapput, Pinerluttuliornerit, assersuutigalugu ikiaroorartut pillugit pinerluuteqarnerit, pisuni amerlasuuni aaqqissugaasumik suleqatigiissunit suliarineqartarput, taakkulu nunat tamat akornanni aggulunneqartarput. Eqqugaasoq nammineerluni tuniniaasutut ilaakkajuttarpoq aamma politiinik ikiuinissaq qaqutigut soqutigisarlugu. Nunat tamat akornanni aaqqissugaasumik pinerluuteqartarneq aamma ima issinnaavoq, politiit ilisimannittui saqqummernissaminnut, suliallu paasineqarnissaanut atatillugu eqqartuussivimmilu malitseqartitsinermi ikiuinissaminnut annilaangasarlutik. Eqeersimaarnerusumik pinerluttoqarsimaneranik paasiniaasinnaanerup politiit atorneqarnissaa, siullerpaamik kilitsissianik atuinertut ilusilik, pinerluttuliornerit aaqqissugaasut akiorneqarnissaanut pisariaqarpoq.

Suliat suussusaat sorliit malittarisassani ilaatinneqassanersut pillugit apeqqut, aamma kilitsissianik atuinerit akuerisaasut aamma nalinginnaasumik pinerluttoqarsimaneranik paasiniaanermi iliuitsit (appasinnerpaamik killiliusaaq) taamaalillunilu pinerluttoqarsimaneranik paasiniaanerit suussusaat inatsisikkut malittarisassiuinermi ilaatinneqassanersut pillugit apeqqut, qallunaat kilitsissianik atuineq pillugu malittarisassaannik piareersaatitut Nalunaaruteqartarnermi isertuussinissamut politiit akuliuttarnerat aamma kilitsissiat atorneqarnerat pillugu Pillaasarnernik eqqartuussisarneq pillugu ataatsimiititaliap isumaliutissiissutaani nr. 1023/1984-imi qupperneq 155-imiit 162 ilanngullugu peqqissaarussamik oqallisigineqarput.

Eqqarsaatigisassat assingi danskit eqqartuussisarnermi inatsisaanni kilitsissiaqarnermut malittarisassat aamma Kalaallit Nunaanni atuuttut nalilerneqarmata, iliuuseq kinaassusersiunngitsumik isigalugu pinerluttulerinermi inatsimmi § 13-imi peqataanermut oqaatsip imarisaani ilaatinneqarpat, imaappoq uani siunertaqarsimaneq apeqqutaatinneqarani, pinerluttoqarsimaneranik paasiniaanermi iliuuseq, eqqartuussisarnermik inatsimmi kilitsissianik atuineq pillugu malittarisassani siunnersuutigineqartuni ilaatinneqarnissaa siunnersuutigineqarpoq. Inuit kajumissaarinerikkut, siunnersuinerikkut imaluunniit iliuuseqarnermikkut, iliuuserineqartumi peqataasimasut, inatsimmi unioqqutitsinermi aalajangersakkamut aalajangersimasumut ilaatinneqartut, pinerluttulerinermi inatsimmi § 13-ip malitsigaa. Tamatuma saniatigut iliuuseq pinerluttulerineq pillugu inatsiseqartitsinermi aalajangersagaq immikkut ittoq malillugu pinerluutinngortinneqarsimasinnaavoq.

Iliuitsit piumasaaqaatit erseqqinnerusut ataanni taamaallaat pisinnaanerat, matumani pasitsaassineq pillugu piumasaaqaat, ilisarnaatit pillugit piumasaaqaatit aamma pinerluttuliorneq pillugu piumasaaqaat ilanngullugu, soorlu aamma immikkoortuni 2.3-mi aamma 2.8-imi erseqqinnerusumik aallaaserinninnerit malillugit, aallaaviatigut eqqartuussivimmit politiit sioqqutsisumik akuersissummik pisimanissaat, pinerluttoqarsimaneranik paasiniaanermi iliuitsit kilitsissianik atuineq pillugu malittarisassani ilaatinneqarnerisa kinguneraa.

Kilitsissianik atuineq nammini aalajangersagassatut siunnersuutigineqartumi § 349 a, imm. 1-imi periaatsini marlunni pisinnaavoq. Aalajangersakkami pineqartoq siulleq malillugu politiit nammineerlutik suliniuteqarnermikkut kimulluunniit inatsimmik

unioqutitsinissamut imaluunniit inatsimmik unioqutitsinerup nangiinnarnissaanut *ikiuinissamut neqerooruteqarnerat* pineqarsinnaavoq. Suliniuteqarneq pasineqartumit namminermit aallarnerneqarpat, oqaaseqatigiinni pineqartumi siullermi kilitsissiaqarnermi oqaatsip imarisaata ataanut suliniuteqarneq pitissinnaangilaa.

Pisut, tassani suliniuteqarneq pasineqartumit namminermit aallarnerneqarluni, aamma tamatuma malitsigisaanik politiit kialluunniit inatsimmik unioqutitsinissaa imaluunniit inatsimmik unioqutitsinerminik ingerlatsiinnarnissaa siunertaralugu *iliuusissanik aalajangiinerat*, § 349 a, imm. 1-imi pineqartup aappaani kisianni ilaatinneqarput. Paarlattuanik oqaaseqatigiit oqaluutitaanni aaqqissuussaasumik aaqqissuisoqarsimanera aamma pisut nalaatsornerinnakkut pinngorsimannginnerat, aaqqissuinerlu taanna immikkut ittumik arlaata inatsimmik unioqutitsinerminik suliaqarnissaata siuarsarneqarnissaanik imaluunniit ingerlaannarnissaanik siunertaqarnera piumasaqaataavoq.

§ 349 a, imm. 1-imi oqaatsit atukkat pinerluttulerinermi inatsimmi § 13-imut tikkuaapput, taamaalilluni politiit pissusilersuutaat kinaassusersiunngitsumik tunngatillugu taaguummi kilitsissianik atuinermi politiit iliuusaat ilaassaguni, pinerluttulerinermi inatsimmi § 13-imi peqataaneq pillugu malittarisassat ataaniitinneqartussaassaaq. Tamatuma saniatigut politiinit immikkut ittumik suliaqarnerup takutinneqarnissaa piumasaqaataavoq.

Kilitsissianik atuineq aamma pisumi, inatsisitigut teorimi ima taaneqartartoq ”*concursum neccessarius*”, pisuni ilaatinneqartoq Nalunaaruteqartarnermi isertuussinissamut politiit akuliuttarnerat aamma kilitsissiat atorneqarnerat pillugu Pillaasarnermik eqqartuussisarneq pillugu ataatsimiititaliap isumaliutissiissutaata nr. 1023/1984-ip quppernerani 159-imi aammattaaq takuneqarsinnaavoq, tamannalu pisuni pinerluttoqarnera pillaasoqarnissaalu pillugit inatsisini aalajangersakkani attuuttuni iliuitsip imaani inuit arlallit peqataasimanissaa piumasaqaataavoq (assersuutigalugu inatsisit unioqutillugit pisinerit tunisinerillu pineqartillugit), kisianni taamaallaat akuusup aappaata (assersuutigalugu tunisisup) iliuusaa inatsisit malillugit pinerluutaalluni, aappaa (imaappoq pisisoq) inatsimmik unioqutitsinerminni “*eqqugaasutut*” isigineqarsinnaalluni.

Qallunaat inatsisissatut siunnersuutaata suliarineqarneranut atatillugu, pisuni politiinit imaluunniit kilitsissiamit immikkut ittumik suliniuteqartoqarnerani, imaluunniit iliuseq aaqqissuinerminni

piareersarneqareersumi ilaappat, kilitsissiat pillugit malittarisassat taakkunungalu piunasaqaatit ilaasut qulaani taaneqartutut taamaallaat atorneqartariaqartut, Inatsiseqarnermut ministereqarfik isumaqarpoq. Eqqarsaatigisassat assingi danskit inatsisissatut siunnersuutissap sananerani atuutilersinneqartut ministereqarfiup isumaa malillugu malittarisassat Kalaallit Nunaanni atorneqarnissaannut atuupput. Kilitsissianik atuinermi oqaatsit imarisai, pinerluttoqarsimanermik paasiniaanernut ilutsit, taamatut suliniuteqarnerunngitsut, assersuutigalugu inuup aalajangersimasup isertortumik malersorneqarnera, najugaqarfiit aalajangersimasut nakkutigineqarnerat aamma pasianik misissuinermi ilutsit allat imaluunniit avatangiisit pinerluuteqartartut najuuffigisaasa »nakkutigineqarnerat« taamaammat avataaniitinneqartariaqarput.

Kilitsissianik atuinermi oqaatsit imarisai, inunnt, politiinik isumaqatigiissuteqarnerup kingorna, politiit paasissutissanik tuniniarlugit avatangiisit pinerluuteqartartut najuuffigisaanni attaveqarnerani, atuuttariaqanngilaq. Avatangiisini taakkunani tutsuiginarniassagami naak pineqartoq pinerluuteqarnermi peqataagaluartoq, tamanna aamma atuuppoq. Kisianni pineqartoq inatsisunik unioqqutitsinerpiami, pinerluttoqarsimaneranik paasiniaanermik tunngassuteqartumi, akuliuppat, iliuusaasinnaavoq appasinnerpaamik killiliussaqaqaangerlugu iliuusaasoq, aamma taamaammat malittarisassiornermi ilaatinneqartoq. Pinerluttoqarsimaneranik paasiniaaneq, inatsimmik unioqqutitsinerup, kilitsissianik atuinermiit sunniuteqarfigineqartup akornanni kinaassuseqartitsisoqarpat, inatsimmik unioqqutitsinermut tunngatillugu inatsisunik unioqqutitsineq pillugu pinerluttoqarsimaneranik paasiniaanermut atatillugu, kialluunniit inatsimmik unioqqutitsinissaanut imaluunniit inatsimmik unioqqutitsinerata ingerlatiinnarnissaanut kajumissaarneqarnissaa siunertaralugu, ikiuinissamik imaluunniit iliuutsinik aalajangiinissamik neqerooruteqartoqartarnera pillugu malittarisassat siunnersuutigineqartut taamaallaat atuummata, tassunga atatillugu maluginiarneqassaaq. Tamanna § 349 a, imm. 1-itut siunnersuutigineqartumi taaneqarpoq, tassa inatsimmik unioqqutitsisoqarsimaneranik paasiniaanermut atatillugu kialluunniit inatsimmik unioqqutitsinissaanut imaluunniit inatsimmik unioqqutitsinerata ingerlatiinnarnissaanut kajumissaarneqarnissaa siunertaralugu, ikiuinissamik imaluunniit iliuutsinik aalajangiinissamik neqerooruteqarneq malillugu inatsimmik unioqqutitsineq, kilitsissiap sunniuteqarfigisassaa, pinerluttoqarsimaneranik paasiniaanerup assigissagaa, takuuk Nalunaaruteqartarnermi isertuussinissamut politiit akuliuttarnerat aamma kilitsissiat atorneqarnerat pillugu Pillaasarnermik eqqartuussisarneq pillugu

ataatsimiititaliap isumaliutissiissutaani nr. 1023/1984-imi qupperneq qupperneq 160.

Paasissutissiisartut aallaaviatigut inatsimmik unioqqutitsinermut tunngatillugu inatsisinik unioqqutitsineq pillugu pinerluttoqarsimaneramik paasiniaanermut atatillugu, kialluunniit inatsimmik unioqqutitsinissaanut imaluunniit inatsimmik unioqqutitsinerata ingerlatiinnarnissaanut kajumissaarneqarnissaa siunertaralugu, ikiuinissamik imaluunniit iliuutsinik aalajangiinissamik neqerooruteqartoqarnermik isumammi ilaangillat. Inuk politiit avataaniittoq, systematiskiusumik annertussusilimmik politiit isumaqatigiissuteqarfigalugu piffissap ilaani, inuit allat pinerluttuliornissamik pilersaaruteqarnerat imaluunniit pinerluttuliorsimanerat imaluunniit inuit allat, avatangiisit pinerluuteqartartut najuuffigisaat pillugit politiinut paasissutissanik tunniussisartut, paasissutissiisartutut paasineqassapput. Paasissutissiisartuq politiit isumaqatigiissuteqarfigalugit kilitsissianik atuinerup atornerqarneratut taaneqassaaq.

Tamatuma peqatigisaanik pisuni, kialluunniit imaluunniit sunaluunniit inatsimmik unioqqutitsinermik eqqugaanera politiit iliuuseqarnerisa kingunerippassuk (pisoq inuup uupakaatitsinikkut usserneqarneramik kingunilik), suliassaqarfimmi malittarisassiuunneqartumi ilaatinneqannginnera inatsisissatut siunnersuutip kinguneraa, pissutigalugu inuk pineqartoq taamaallaat eqqugaasuummat, matumuuna pinerluttulerinermi inatsimmi peqataaneq pillugu § 13-imut ilaasumik suliniuteqanngimmat.

Tunniussinerni nakkutigineqartuni, politiinit iliuusissanik allanik aalajangiisoqartinnagu, kisianni ingerlatsinermik pilersaarutaareersumik nakkutilliineq pitillugu, kilitsissiaqarneq pillugu malittarisassat aammattaaq ilaatinneqartariaqanngillat. Tunniussineq nakkutigineqartoq ima paasineqassaaq, assersuutigalugu ikiaroorartumik annertuumik eqqussisoqarnissaa pillugu politiit ilisimasaqalerpata, kisianni assersuutigalugu nunap killeqarfiani akuliutinngippata, tassani tassunga taarsiullugu ikiaroorartup nunami assartorneqarnera malinnaavigigunikku, aamma piffissami naleqquttumi aatsaat akuleruppata, taamaalilluni uppersaasersuineri suleqatigiit amerlanerpaartaat sapinngisamik eqqorneqarneqarsinnaaniassammata.

Kisianni iliuuserineqartup ingerlanerani politiit akuliuttariaqarnerat, allanit politiunngitsunit aalajangerneqartoq, pisarpoq. Tassunga atatillugu politiit

iliuseqarnissaat pisariaqartoq, pilersaarutigineqartumik iliuseqarnerup ingerlanerani akuliunneq, politiit isumaqatigiissuteqarfigalugit pisoq, inatsimmik unioqqutitsinermut tunngatillugu inatsisinik unioqqutitsineq pillugu pinerluttoqarsimanerani paasiniaanermut atatillugu, kialluunniit inatsimmik unioqqutitsinissaanut imaluunniit inatsimmik unioqqutitsinerata ingerlatiinnarnissaanut kajumissaarneqarnissaa siunertaralugu, ikiuinissamik imaluunniit iliutsinik aalajangiinissamik neqeroruteqartoqarnerani malittarisassanut ilaatinneqarnissaa tamatuma kingunerinngilaa.

Qallunaat inatsisissatut siunnersuutaata suliarineqarneranut atatillugu, politiit uppernarsaatinik qulakkeerinninnissaannut – assersuutigalugu elektroniskiusumik atortoqarluni allat oqaloqatigiinnerannik tusarnaarsinnaanerat – periarfissaannut pingaaruteqartoq, Inatsiseqarnermut ministereqarfik isumaqarpoq – assersuutigalugu aatsisoq paasineqarpat aamma tamatuma kingorna pilersaarutaareersumik isumaqatigiissutaasumillu angallassinini nangiinnassallugu akuersippat, politiit aatsisoq ikiortigalugu assersuutigalugu piffissamik aamma/imaluunniit tunniussinermi sumiiffinnik allanngortitsippata, allanngortitsinerli taanna kilitsissiaqarneq pillugu malittarisassanut ilaasutut isigineqanngitsoq taamaammallu inatsisit unioqqutillugit kilitsissianik atuinermut malittarisassanik ilaanngitsutut isigineqartoq. Inatsisit unioqqutinneqarneranni pinerluttoqarsimanerani paasiniaanermi uppernarsaatit qulakkeerneqarnissaannut eqqarsaatigisassat assingi atuuttut, ministereqarfik isumaqarpoq.

Pinerluttut paasineqarnissaat siunertaralugu, eqeersimaartumik pinerluttoqarsimanerani paasiniaanermi politiit iserlutik pinerlunnermut tunngasunik ingerlatsinermi peqataanerat, qutsinnersaasumik killiliussap (imaappoq pinerluuteqarnermut, siunnersuummi § 349 b, imm. 1 malillugu pinerluutaasussaannngikkaluamut, kilitsissiat atorneqarnissaannut inerteqquteqarnerup) qaangerneqarnissaanut aarlerinaateqaleriataarsinnaanera, taamaammat nangaanartoqartitsisinnaavoq. Qallunaat inatsisissatut siunnersuutaata suliarineqarneranut atatillugu, akuliunnerit annikinnerusut, ingerlatsinermi pilersaarutaareersumi politiit suliaat, taamatut nangaassuteqarnissamut pissutissaqartitsinngitsut, uani politiit taamaallaat allannguinerneq annikinnerusunik, pinerluuteqarnerup ingerlanerani sunniisunik, kisianni pinerluuteqarnerup annertussusaanik ingasassusaanilluunniit sunniuteqanngitsunik suliaqarnissaat piumasaqaataalluni,

Inatsiseqarnermut ministereqarfik isumaqarpoq. Taamatuttaaq Inatsiseqarnermik ministeriaqarfik isumaqarpoq Kalaallit Nunaanni politiit periarfissaqartinneqartariaqartut annikitsumik siumut aaqqissuuteriikkamut allannguisinnaanissaminut, kilitsissianik atuinermut malittarisassanik kalluinngikkaluarlutik.

§ 349 a, imm. 2-mi, oqaaseqatigiinni siullerni siunnersuutaasutut, iliuitsit, politiit matumuuna inatsisinik unioqutitsinermi pissutsit pingaarutilimmik sunningippatigit, kikkulluunniit inatsisinik unioqutitsinissaat imaluunniit inatsisinik unioqutitsinerminnik ingerlatsiinnarnissaat siunertaralugu iliuitsit aalajangerneqartut, kilitsissianik atuinermi oqaatsit imarisaanni ilaatinneqassanngitsut, Inatsiseqarnermut ministereqarfiup tamanna tunngavigalugu siunnersuutigaa.

Pisuni, kilitsissianik atuinermi oqaatsit imarisaannit matumuuna mininneqartut, pisimasuupput aaqqissukkamut aaqqissuussaareersumut atatillugu, politiit kikkulluunniit inatsisinik unioqutitsinissaat imaluunniit inatsisinik unioqutitsinerminnik ingerlatsiinnarnissaat siunertaralugu iliuitsit aalajangiinerat (kilitsissianik atuinermi oqaatsit imarisaat pillugit oqaaseqatigiinni pineqartup aappaa).

Pinerluuteqarnermik ingerlatsinermi sioqquillsilluni aaqqissuussaareersumi politiit annikinnerusumik akuliussinnaanerat, matumuuna kilitsissianik atuinem pineqarani, § 349 a, imm. 2, oqaaseqatigiit siulliatut siunnersuutigineqartup siunertaraa. Taamaalilluni, kilitsissianik atuinem pillugu malittarisassanik suliniutit ilaalersinnagit, assersuutigalugu ikiaroorartut nassiussorneqarnerisa naammassineqarnissaannut politiit killilimmik sunniisinaanissaat periarfissaqassaaq. Siunnersuut malillugu nassiussukkat atortussanik navianaateqanngitsunik politiit taarsersinnaalissavaat, aatsisullu inunnik tunuliaqutaasunik assigisaannillu oqaloqatiginninnera elektroniskiusumik atortut atorlugit isertortumik tusarnaarsinnaalissallugit. Aatsisoq politiit kajumissaaruteqarneratigit aamma inuit tunuliaqutaasut peqatigalugit immikkuualuttut, pinerluuteqarnerup naammassineqarnissaannut immikkoortuni pingaanginnerusuni sunniisut pillugit, oqaloqatiginnissinnaavoq. Assersuutigalugu naapinnissamut piffissaliussat aamma naapiffissat sumiinnerisa allanngortinneqarnissaat kiisalu angallassinermi aqquutit nutaat pillugit aatsisoq isumaqatigiissusiorsinnaassaaq, taamaalilluni inuit tunuliaqutaasut kinaassusersineqarnissaannut politiit periarfissaat pitsaanerulerniassammat.



§ 349, imm. 2-mi, oqaaseqatigiit siullianni aalajangersagassatut siunnersuutigineqartup, uani kilitsissianik atuineq matumuuna pineqarnani, taamaallaallu tassunga immikkut ittumik piunasaqaatit naammassineqarsimappata suliarineqarsinnaasut, ingerlatsinermi pilersaarutigineqareersumi allannguinerneq annikitsunik allannguissamik taamaallaat politiit periarfississavai. Kisianni pissutsit kilitsissianik atuineq pillugu malittarisassanik ilaatinneqartinnagit, iliuutsinik, nutaamik pinerluuteqarnermik suliniuteqarnissamik aallarniisitsisunik, assersuutigalugu aatsisoq aqutugalugu nutaamik ikiaroorartumik nassussinissamik isumaqatigiissuteqarneq, politiit suliaqarsinnaanngillat.

Aatsisup nammineerluni politiinut saaffiginninnera, imaluunniit pineqartup aqputaani paasineqarnera aamma inuit tunuliaqutaasut paasineqarnissaat siunertaralugu ingerlaannariarluni akuersissuteqarnera, siunnersuut malillugu apeqputaanngilaq.

Aalajangersagassatut siunnersuut malillugu, § 349 a-mi ilaatinneqartumi, iliuutsit politiini kilitsissiap suliniuteqarneranut atatillugu suliarineqarnissaat piunasaqaataanngimmat maluginiarneqassaaq. Iliuutsit, inuunnaap politiit isumaqatigiissuteqarfigalugit suliarisaasa, pinerluttoqarnera pillaasoqarnissaalu pillugit inatsisini aalajangersakkat atuuttut malillugit iliuutsinut tulliummata, aamma pissutsinut taanna sioqqullugu pisunut politiinik isumaqatigiissuteqarnerup pineqaatissinneqannginnissaq kingunerinngimmagu tamatumunnga tunngaviuvoq. Aatsisoq pineqartoq, pinerluttoqarnera pillaasoqarnissaalu pillugit inatsisini aalajangersakkat atuuttut malillugit iliuutsiminut taamaalilluni pinerluttoqarnera pillaasoqarnissaalu pillugit inatsisini aalajangersakkat atuuttut malillugit malersorneqarsinnaavoq. Pissut, pinerlunnerup paasineqarnerani pineqartup politiinik ikiuisimanera, pineqaatissiinerup aalajangerneqarnerani taamaallaat pingaaruteqarsinnaavoq, kisianni, politiinik atassuteqarneq/isumaqatigiissuteqarneq sioqqullugu iliuuserineqartup pinerluttoqarnera pillaasoqarnissaalu pillugit inatsisini aalajangersakkat atuuttut malillugit malersorneqarsinnaanera pillugu apeqqummut attuumassuteqarani. Inuup inuunnaasup iliuusaasa tamarmik kilitsissianik atuineq pillugu malittarisassani ilaatinneqannginnissaasa siunnersuutigineqarnerannut tamanna tunngaviuvoq.

Kilitsissianik atuineq taamaalilluni pinerluttoqarsimaneranik paasiniaanermi iliuutsinut nalinginnaasunut illuatungiliullugu killilerneqarsinnaavoq (appasinnerpaamik killiliussaq). Killiliussap

alliusup aalajangersarneqarnera taamaalilluni pissutsinut, politiit kilitsissianik atuinerannut attuuttunik immikkut ittumik piumasagaatinik malittarisassanillu isiginiagaqarnissaannut pingaaruteqarpoq.

## **2.3 Kilitsissianik atuinerup aallartinneqarnissaanut piumasagaatit**

Inatsiseqarnermut ministereqarfiup isumaa malillugu, qallunaat eqqartuussisarnermik inatsisaanni eqqaasassat qallunaat kilitsissiaqarnermik atuinerup aallartinneqarnissaanut piumasagaatit aamma Kalaallit nunaannut atuutsinneqassapput.

Kilitsissianik atuinerit suussusaasa ilaat tamakkiisumik inertequtaasariaqarmata tassunga ilaavoq (aalajangersimasumik qisuariatitsiniarnermik inerteqquteqarnermik taaneqartartoq – Nalunaaruteqartarnermi isertuussinissamut politiit akuliuttarnerat aamma kilitsissiat atorneqarnerat pillugu Pillaasarnermik eqqartuussisarneq pillugu ataatsimiititaliap isumaliutissiissutaani nr. 1023/1984-imi aamma qutsinnersaasumik killiliussatut taaneqartartoq). Apeqqummut tassunga immikkoortoq 2.5 ataaniittoq innersuussutigineqarpoq.

### **2.3.1. Pasitsaassineq pillugu piumasagaat**

Killissianik atuinerup aallartinneqarnissaanut pinngitsoornani naammassisassamik politiit pasilluteqarnerisa sakkortussusaannut piumasagaateqartariaqartoq, Inatsiseqarnermut ministereqarfiup siullertut siunnersuutigaa.

Qallunaat inatsisissaattut siunnersuutissap sananerani Inatsiseqarnermut ministeriaqarfiup isumaa malillugu piumasagaataassaaq kilitsissianik atuinerup aallartinneqarnissaanut pinerluuteqarneq pilersoq imaluunniit pinerluuteqarneq misilinneqarsimasoq pillugu tunngavissalimmik pasitsaassisoqarnissaa. Qallunaat eqqartuussisarnermut inatsisaani piumasagaataasut ministeriaqarfiup isumaa malillugu aamma Kalaallit Nunaannut atuutsinneqassapput. Pasitsaassineq pillugu piumasagaat taanna tigummigallagaaneq pillugu eqqartuussisarnermi inatsip § 359, imm. 1-imi aalajangersakkamut pasitsaassineq pillugu piumasagaatip assigaa, kiisalu § 403, imm. 1 malillugu timip misissorneqarnerani, aamma § 434, imm. 2 malillugu pinerluuteqartut ilimagineqartup assingata tamanut saqqummiunneqarnerani pasitsaassineq pillugu piumasagaatit assigalugit. Pinerluttoqarsimaneranik paasiniaanerni iliuitsinut soorlu uppennarsaatissanik ujaasinerni (§ 410) aamma arsaarinninnerni (§ 418)

pasitsaassineq pillugu piumasaqaatit sakkukinnerit atuupput (“naleqquttumik tunngaveqarluni inatsimmik unioqqutitsisutut pasineqarneq”).

Pasitsaassineq pillugu piumasaqaat taama oqaasertalerneqarpoq ilatigut pisuni, politiit paasissutissiisumit inatsimmik unioqqutitsinerup pilersaarusionerqarneranik imaluunniit aallartinneqarneranik paasissutissanik taamaallaat pissuteqartillugit, kilitsissiat atorneqarnerat periarfissaaniassammat, tamannalu assersuutigalugu aqqissuussaasumik pinerluttuliornermi amerlanertigut pisarpoq.

Pasitsaassineq – tigummigallagaaneq pillugu § 359-imisuunngitsoq – pisariaqartinneqartumik inummut aalajangersimasumut tunngatinneqartussaangimmat, kisianni illuatungaani pissutsimut inatsimmik unioqqutitsinerup pilernerani imaluunniit misilinneqarsimanerani tunngatinneqarmat maluginiarneqassaaq. Taamatut taasaqarnikkut aammattaaq pasitsaassineq pillugu piumasaqaatip aamma kilitsissianik atuinermi qutsinnerpaamik killiliussaq pillugu § 349 b, imm. 1-itut siunnersuutigineqartup akornanni ataqatigiinneq ersersinneqarpoq. Inatsimmik unioqqutitsinerup ingerlanerani imaluunniit misilinneqarfiani pasitsaassineq taamaallaat tunngassuteqarpat, politiit kilitsissianik atuinissamik aallartitsisinnaanerata akuerisaavoq. Illuatungaani misiliilluni iliuutsit aallartinneqarsimanerata pillugu isumaqartoqanngippat, inatsisip unioqqutinneqarumaarnerata pasitsaanneqarnera naammangilaq.

### **2.3.2. Ilisarnaatit pillugit piumasaqaat**

Aammattaaq politiit kilitsissianik atuisinnaanissaannut piumasaqaataasutut, pasitsaassineq pillugu piumasaqaatip saniatigut, ilisarnaatit pillugit piumasaqaateqartoqarnissaa Inatsisunik ministereqarfiup siunnersuutigaa. Pinerluttoqarsimaneranik paasiniaanermi iliuuseq taanna pinerluttoqarsimaneranik paasiniaanermut pingaarutilimmik kinguneqartussatut isumaqartoqartillugu, kilitsissianik atuneq § 349 a, imm. 2-mi siunnersuutigineqartup taamaallaat pitissinnaagaa taamaammat tamatuma malitsigaa. Taamaalilluni eqqartuussisarnermik inatsimmi paasissutissat isertuuneqarnissaannut akuliunneq pillugu § 384, imm. 1, nr. 2-tut siunnersuutigineqartumi ilisarnaatit pillugit piumasaqaat pillugu oqaasertalersuineq piumasaqaatip assigaa.

Qallunaat inatsisissatut siunnersuutaata suliarineqarneranut atatillugu, kilitsissiat pisuni, pinerluttoqarsimaneranik paasiniaanermut periarfissat allat takuneqarsinnaatillugit, kisianni periarfissat taakku assersuutigalugu

nalorninaateqarpata, pinerluttoqarsimaneranik paasiniaanerup ingerlaqqinnissaanut aseruinnissamik aarlerinaateqarpata imaluunniit allanut naleqqiullugu isumalluutunik annertuumik piumasqaarfiuppata, atorneqarsinnaanissaat Inatsiseqarnermut ministereqarfiup nalilerpaa. Malittarisassat Kalaallit Nunaanni atuunnissaannut eqqarsaatigisassat assingi aamma atuuttut ministeriaqarfimmit isummerfigineqarpoq.

### **2.3.3. Pinerluttuliorneq pillugu piumasqaat**

Kilitsissianik atuineq pinerluttoqarsimaneranik paasiniaanermi iliuusiuvoq annertoq – qallunaat inatsisissatut siunnersuutaanni pinerluttuliorneq pillugu piumaasaqaat aalajangersarneqartariaqartoq Inatsiseqarnermut ministereqarfik isumaqarpoq, taamaalilluni kilitsissianik atuineq aallaavimmigut pinerluttuliornermi ilungersunarnerpaani taamaallaat atorneqarsinnaassalluni. Ministeriaqarfiup isumaa malillugu tamanna aamma kalaallit Nunaannut atuutissaaq. Politiit kilitsissiamik atuisinnaanissaannut piumasqaataasutut, pasitsaassineq pillugu- aamma ilisarnaatit pillugit piumasqaatit saniatigut, pinerluttuliorneq pillugu piumasqaat piumasqaateqartariaqartoq, Inatsiseqarnermut ministereqarfiup taamaammat siunnersuutigaa.

Kilitsissianik atuineq taamaallaat pinerluttoqarsimanerani paasiniaaneq immikkut ittumik sakkortuumik inatsimmik unioqqutitsinermik tunngaveqarpat, aatsaat akuersissutigineqarsinnaasoq, *imaluunniit* pinerluttulerinermi inatsimmi § 85, imm. 1-imik imaluunniit 2-mik (meeqqanik kanngunartuliorneq pillugu siaruarterineq imaluunniit piginnineq), § 104 (peqquserlunneq), § 105 (paasisutissat pillugit peqquserlunneq), § 108 (pinngitsaaliilluni iliuuseqartitsineq), § 111, imm 1 (tillitanik niuerneq), imaluunniit § 111 a (aningaasatigut peqquserluutunik malunnarunnaarsaaneq), inatsisinillu unioqqutitsineq internetti atorlugu unioqqutitsinerutillugu, Ikiaroorartut pillugit Inatsisartut inatsisaannik imaluunniit Sakkut pillugit Kalaallit Nunaannut inatsimmik unioqqutitsinermik tunngassuteqarpat, akuersissutigineqarsinnaasoq, § 349 a, imm. 1, nr. 3-mi siunnersuutigineqartukkut siunnersuutigineqarpoq.

“Immikkut ittumik sakkortuumik inatsimmik unioqqutitsinermik” pisoqarsimanissaanik aalajangersakkami pineqartumi siullermi piumasqaammut tunngatillugu, qallunaat malittarisassaanni assingusuni (qallunaat eqqartuussisarnermik inatsisaanni § 754 a, imm. 1, nr. 3, pineqartut siullianni) ukiuni 6-linni imaluunniit taakku qaangerlugit parnaarusnaanissamik piumasqaateqarmat maluginiarneqassaaq. Qallunaat eqqartuussisarnermik inatsisaanni pillaanissaq pillugu

eqqartuussisutigoortitsisoqartillugu aalajangersakkat allat pillugit akuliunnerit, pinerluuteqarsimanerup kingunerisaanik minnerpaamik ukiuni 6-linni paarnaarussaansamik killiliussamik imaqartuni, kalaallit eqqartuussisarnermik inatsisaanni pinerluuteqarsimanerup kingunerisaanik pineqaatissiinissaq pillugu aalajangersakkanik assigisaanik peqarpoq, tamatumalu kingorna immikkut ittumik sakkortuumik inatsimmik unioqquitsineq pineqassaaq. “Immikkut ittumik sakkortuumik” inatsimmik unioqquitsineq malittarisassaq pingaarneq malillugu inatsimmik unioqquitsinertut, piumasaqaatitaqanngitsumik inissiisarfinni inissiinermik, Kalaallit Nunaanni eqqartuussisarnermik inatsimmi nr. 305-imi, 30. april 2008-imeersumi oqaaseqaatini nalinginnaasuni imm. 4.5.5.2 malillugu, sivisuumik sivisussusilimmik eqqartuussisoqarnissaanik piviusumik ilimasuttoqarneranik paasisariaqarpoq.

Pinerluutit ilusaasa ilaat, internetti atorlugu pinerluutigineqartut, pillugit aappaattut pineqartumi piumasaqaammut tunngatillugu internettip ineriartornerata siammaassimaneratalu politiit arlalinnik unammilligassaqalerannik kinguneqarsimavoq. Tamanna ingammik pinerluutit ilusaasa ilaasa pinerluttoqarsimaneranik paasiniaaffigineqarneranni atuuppoq, tassani internetti pinerluttut akornanni atassuteqaatit atorneqartarluni. Amerlanertigut pinerluttut Facebook-imi imaluunniit internettikku oqallifinni allani ilisarititsissutit ilumuunngitsut atortarpaat, soorlu aamma internetti taartutut taaneqartartup (dark web)-ip pinerluttuliortut nassaarinissaannut politiit ajornakusoortilertarai.

Internettimi pinerluttoqarsimaneranik politiit paasiniaanerrannut atatillugu kilitsissianik atuisinnaanerup, internettimi pinerluttuliortarnerup eqeersimaarnerusumik akiorneqarsinnaaneranut ilapittuutaasinnaanera nalilerneqarpoq.

Pinerluttuliortarnerit internettikku pinerluutigineqartartut eqeersimaarnerusumik akiorneqarniarneranni tillitat tuniniakkat, ikiaroorartut kiisalu inatsisit unioqquutillugit sakuutit qaartartullu kaaviaartinneqarnerisa annertussusaasa killilerneqarnissaat taamatuttaaq siunertaraa.

Pinerluttuliortarnermi ilutsit arlallit, ullumikkut internettikku pinerluutigineqartartut Rigspolitiit sunaassusersisimavaat, aamma pinerluttoqarsimaneranik paasiniaanermi malittarisassat ullumikkut atuuttut killissarititaasa iluanni politiinit pinerluttoqarsimaneranik paasiniaaffigissallugit ilisaqunnartumik ajornakusoortut. Pinerluutit

taakku ilusaannut ataatsimoorussaavoq ingammik taakku, immikkut ittumik sakkortuumik aamma ilungersunartumik pinerluutit pineqartinnagit, aallaaviatigut sakkortuumik inatsisunik unioqutitsinertut pissuseqartutut taaneqarsinnaannginneri, taamaalillutillu pinerluttoqarsimaneranik paasiniaanerup immikkut ittumik sakkortuumik inatsimmik unioqutitsinermik tunngassuteqartuunissaa pillugu siunnersuutigineqartutut § 349 a, imm. 1, nr. 3-mi pineqartup siulliup avataanut pjarlutik. Uani meeqqanik kanngunartuliornernik siaruarterineq imaluunniit piginnineq, kiisalu tillitanik, ikiaroomartunik, sakkunik qaartartunillu internettikkut tuniniaaneq pineqarput.

Internettikkut inatsisunik unioqutitsinerit kilitsissianik atuineq pillugu suliasaqarfimmut ilaatinneqalernerisigut unammilligassat taakku akiorniarneqarsinnaasut Rigpolitiit nalilerpaat.

Internetti atorlugu peqquserlunneq, paasissutissat pillugit peqquserlunneq, aamma aningaasatigut peqquserluutinik malunnarunnaarsaaneq pinngitsaaliillunilu iliuuseqartitsineq pineqartillugit, pinerluuteqarnerit maannakkut ingerlanneqartut unitsinneqarnissaannut tunngatillugu, kilitsissiat pillugit malittarisassat aamma pinerluutsit ilusaannut taakkununga tunngatillugu iluaqutaasumik sakkutut atorneqarsinnaanerit nalilerneqarpoq.

Qallunaat inatsisissatut siunnersuutaata suliarineqarneranut atatillugu, Inatsiseqarnermut ministereqarfiup isumaa malillugu, politiit pinerluttoqarsimaneranik paasiniaaneranni kilitsissiat atorneqarnerit pillugu pissutsit arlallit eqqumaffiginarneqartariaqarput. Ilaatigut politiit innarligassaannginnerat, politiit pinerluuteqarnerup ingerlanneqarnerani eqeersimaartumik ilanngunnerannut peqataanerannullu nalinginnaasumik atasusserneqarmat, aamma inatsimmik unioqutitsinerup annertussusaata imaluunniit sakkortussusaata politiit sunnerneqarsinnaanerannut piviusumik aarlerinaateqarnera uani pineqarsimapput. Ministereqarfiup isumaa malillugu malittarisassat Kalaallit Nunaanni atuunnissaannut eqqarsaatigisassat assingi aamma atuupput.

Illuatungaani pinerluttuliortut “internettip iluani toqqoqqasinnaajunnaarnissaat” qulakkeerneqassaaq. Taamaalilluni internettikkut inatsisit unioqutillugit isertuannigitsumik suliniuteqartoqarpat, politiillu tamassuma iliuuseqarfiginissaanut sunniuteqarluartunik sakkussaqaanngippata, inuiaqatigiinni innuttaasut

inatsisitigut naapertuilluartoqarneranik misigisimanerannut  
nalinginnaasumut innarliinerusaaq.

Inuit avatangiisini aaqqissugaasumik pinerluttuliorfusuni  
pinerluttulerinernut taama ilusilinnut annertuumik tunuliaqutaasarnerat,  
tillitanik, ikiaroomartunik, sakkunik qaartartunillu internettikkut  
tuniniaanermi ataatsimoorunneqarpoq, aamma pinerluuteqarnerit taama  
ilusillit suliarineqartarnerannut internetti pingaarutilimmik periarfissiivoq.  
Taamaalilluni pinerluttuliornerit taama ilusillit aaqqissugaasumik  
pinerluttuliornerit isertittagaasa tunngaviinut pingaarutilimmik ilaapput.

Tamanna tunngavigalugu suliani meeqqanik kanngunartuliorneq pillugu  
siararterinermut imaluunniit piginninnermut, peqquserluuteqarnernut,  
paasissutissat pillugit peqquserluuteqarnernut, pinngitsaaliilluni  
iliuuseqartitsinernut aamma aningaasatigut peqquserluutinik  
malunnarunnaarsaanernut kiisalu tillitanik, ikiaroomartunik, sakkunik  
qaartartunillu internettikkut tuniniaanernut kilitsissiaqarneq pillugu  
malittarisassat – Danmarkimisulli – aamma atuutsinneqarnissaat,  
Inatsiseqarnermut ministereqarfik isumaqarpoq.

Pinerluutit ilaannut amerlasuunut internettip siararteriffittut  
atorneqarnerani unammilligassat eqqartuussisarnermik inatsimmi § 349 a,  
imm. 1, nr. 3-mi pineqartup aappaattut aalajangersagassatut  
siunnersuutigineqartup saaffigissavai. Internettikkut pinerluuteqarnerit  
meeqqanik kanngunartuliornerup siararterneqarneratut imaluunniit  
pigineqarneratut, peqquserluuteqarnertut, paasissutissat pillugit  
peqquserluuteqarnertut, pinngitsaaliilluni iliuuseqartitsinertut aamma  
aningaasatigut peqquserluutinik malunnarunnaarsaanertut kiisalu tillitanik,  
ikiaroomartunik, sakkunik qaartartunillu internettikkut tuniniaanertut  
ilusillit, inatsisitigut naapertuilluartoqarneranik misigisimanermik  
naammattumik innarliinertut taasariaqarput, taamaalilluni  
pinerluttuliornerit ilusaat taakku kilitsissiaqarneq pillugu malittarisassanut  
ilaatinneqarnissaminnut naleqqullutik.

Meeqqanik kanngunartuliornermik siararterinerit imaluunniit  
pigisaqarnerit pineqartillugit, uani pineqarput atortussanik siararterineq  
aamma pigisaqarneq, taakkulu amerlanertigut meeqqanik sakkortuumik  
kinguaassiutitigut pinerluuteqarnernik aallaaveqartarput. Meeqqanik  
kanngunartuliornermik siararterinerit imaluunniit pigisaqarnerit pillugit  
pinerluttoqarsimaneramik paasiniaanernut eqqartuussisutigoortitsinernut  
suliarinnissinnaanerit patajaannerusut taamaammat atortut taakku

piumaneqarnerinut, taamaalillunilu aamma timikkut innarliinernut, ilaatigut meeqqanik kanngunartuliornernik immiussinissaq siammarterinissarluni siunertaralugu iliuuserineqartunut, killiliinermik sunniuteqarsinnaavoq.

Taamatuttaaq pinerluuteqarnerit, immikkut ittumik inunnut qajannartunut sammitineqartut uani pineqarput. Meeqqat inerisimannginnermik malitsigisaanik – inuttut allatulli – pinerluuteqarfigineqarnissaminnut imminnut illersorsinnaanngillat, taamaammallu meeqqat inuttut innarligassaanninnerannut tunngatillugu sakkortuumik illersuinissamut tunngassuteqartut eqqarsaatigisariaqarput.

Aalajangersakkanut inatsisinullu taaneqartunut, eqqartuussisarnermik inatsimmi § 349 a, imm. 1-imi nr. 3-mi pineqartut aappaattut siunnersuutigineqartumi taamaalilluni ataatsimooruffiuvoq, taakku ingasattumik inatsimmik unioqqutitsisimanissaq pillugu pineqartumi siullermi pinerluuteqarsimanissamik piumasaqaammi siunnersuutigineqartumi ilaanissaat pisariaqanngimmat.

Inatsisissatut siunnersuummi matumani, uani computeri, oqarasuaat angallattagaq imaluunnit elektroniskiusumik attaveqatigiinnermut atortut allat atorlugit attaveqatigiinnerit pinerat apeqqutaatinnagu, internetti ima paasineqassaaq, paasissutissanik tunngavilimmik attaveqatigiinneq.

Politiit pasineqartullu akornanni aallaqqaataasumik attaveqarneq internetti atorlugu pisimappat, politiit pasineqartullu akornanni ingerlanerup tamarmiusup nalaani attaveqatigiinneq tamarmi internetti atorlugu pinissaa piumasaqaataanngimmat tassunga atatillugu maluginiarneqassaaq.

Inatsimmi aalajangersakkat inatsisillu, § 349 a, imm. 1, nr. 3-mi ilaatinneqartussatut siunnersuutigineqartut, tulliuttuni erseqqinnerusumik allaaserineqarput.

### *2.3.3.1 Meeqqanik kanngunartuliorneq*

Aaqqissuussineq sunnersuutigineqartoq malillugu, inatsisinik unioqqutitsineq internetti atorlugu pisimappat, suliani meeqqanik kanngunartuliornernik siammarterineq pigisaqarnerlu pillugit pinerluttulerinermi inatsimmi § 85, imm. 1-imi imaluunniit 2-mik unioqqutitsinerit pillugit pinerluttoqarsimaneranik paasiniaanermi politiit kilitsissianik atuisinnaalissapput.



Eqqartuussisarnermik inatsimmi § 349 a, imm. 1, nr. 3-tut aalajangersagassatut siunnersuutigineqartumi pinerluttulerinermi inatsimmi § 85, imm. 1-imut innersuussinikkut, taamaalilluni pisut tassani inatsimmik unioqqutitsinerit, immikkut ittumik sakkortuumik inatsimmik unioqqutitsinerunngitsut taamaallaat eqqorniarneqarput, tassami immikkut ittumik sakkortuumik inatsisinik unioqqutitsinerit aalajangersakkami pineqartumi siullermi ilaatinneqartussaammata.

Assersuutigalugu pinerluuteqartut internetikkut oqaloqatigineqarnissaat siunertaralugu, meeqqanik kanngunartuliornernik siammarterineq pigisaqarnerlu pillugit pinerluttoqarsimaneranik paasiniaanerminni politiit kilitsissianik atuisinnaanerisa periarfissinneqarnissaat, pinerluttulerinermi inatsimmi § 85, imm. 1-imut aamma 2-mut innersuussinermi siunertarineqarpoq.

Tassani kilitsissiat pillugit malittarisassat aamma suliani meeqqanik kanngunartuliornernik tunngassuteqartuni, suliani kilitsissiap oqaloqatiginnissinnaanissaminut atortussanik paarlaasseqatigiinnissamik piumasqaatinik piumasqaateqarfigineqannginnerani, pinerluttoqarsimaneranik paasiniaanerni aaqqissuussineq siunnersuutigineqartoq annertuumik kivitsissasoq nalilerneqarpoq, pissutigalugu tamanna pinerluttuliortut kikkuunerisa sukkanerusumik paasineqarnissaannut peqataasinnaammata, taamaalillunilu innarliinerit amerlanerusut pinngitsoortinneqarsinnaammata imaluunniit paasineqarsinnaammata.

Aaqqissuusinissatut siunnersuutigineqartukkut kilitsissiat atorlugit meeqqanik kanngunartuliornernik paarlaasseqatigiissinnaanerat imaluunniit allatigut ingerlatitseqqissinnaanerat politiinut periarfissaassanngilaq. Politiit meeqqap innarlerneqarneranut imaluunniit suli innarleqqinneqarneranut peqataanissamut navialineqassannginnerat, kiisalu taamaattunik meeqqanik kanngunartuliornernik ingerlatitseqqittoqassappat ingerlatitseqqinneq politiit nakkutigisinnaanaviannngimmassuk tassunga pissutaavoq. Aammattaaq taamaalillutik politiit pisuni, pasineqartup politiinit inummik taassuminnga qanorluunniit oqaloqatiginninnissamut tamanna piumasqaatigippagu, meeqqanik kanngunartuliornernik politiit ingerlatitseqqissinnaanngillat.

### *2.3.3.2 Peqquserlunneq, paasissutissat pillugit peqquserlunneq, aamma aningaasatigut peqquserluutininik malunnarunnaarsaaneq*

Aaqqissuussineq siunnersuutigineqartoq malillugu, unioqqutitsinerit taakku internetti atorlugu pinerluutigineqarsimappata, pinerluttulerinermi inatsimmi peqquserlunneq (§ 104), paasissutissat pillugit peqquserlunneq (§ 105), pinngitsaaliilluni iliuuseqartitsineq (§ 108), aamma aningaasatigut peqquserluutininik malunnarunnaarsaaneq (§ 111 a), pillugit pinerluttoqarsimaneranik paasiniaanermut atatillugu politiit kilitsissianik atuinissaminnut periarfissaqalissapput.

Pisuni peqquserlunnerit, paasissutissat pillugit peqquserlunnerit, pinngitsaaliilluni iliuuseqartitsinerit, aamma aningaasatigut peqquserluutininik malunnarunnaarsaaneq, immikkut ittumik sakkortuutut taaneqarsinnaanngitsut aaqqissuussinermi siunnersuutigineqartumi taamaallaat ilaatinneqarput. Assersuutigalugu taakku internetti atorlugu unioqqutitsinerit suliarineqarpata, tassaasinnaapput suliat internetikkut niuernermi peqquserluuteqarnernut imaluunniit aningaasatigut peqquserluutininik malunnarunnaarsaanernik tunngassuteqartut, taakkulu assersuutigalugu Kalaallit Nunaanni ikiaroomartunik tuniniaanernit pisinnaapput. Unioqqutitsinerit immikkut ittumik sakkortuutut taaneqarsinnaappata, taakku immikkut ittumik sakkortuumik inatsimmik unioqqutitsineq pillugu pinerluttoqarsimaneranik paasiniaaneq pillugu § 349 a, imm. 1, nr. 3-mi siullertut pineqartumi ilaatinneqassapput.

### *2.3.3.3 Tillitanik niuernerneq*

Inatsimmik unioqqutitsineq internetti atorlugu suliarineqarsimappat, aaqqissuussineq siunnersuutigineqartoq malillugu aammattaaq politiit suliani tillitanik niuernerneq pillugu pinerluttulerinermi inatsimmi § 111, imm. 1-ip unioqqutinneqarsimaneq pillugu pinerluttoqarsimaneranik paasiniaanermi kilitsissianik atuisinnaassapput.

Taamaallaat tillitanik niuernerit, ingasattumik inatsisinik unioqqutitsinertut taaneqarsinnaanngitsut, aaqqissuussinermi siunnersuutigineqartumi ilaatinneqarput. Unioqqutitsinerit immikkut inatsisinik unioqqutitsinertut ittumik ingasattutut taaneqarsinnaappata, taakku § 349 a, imm. 1, nr. 3-mi pineqartut siullertut siunnersuutigineqartumi ilaatinneqartussaassapput.

Inatsisinik unioqqutitsinernut annikitsuinnarnut aaqqissuussinerup siunnersuutigineqartup atorneqarnissaa eqqarsaatigineqanngilaq, tassani tuniniaaneq tillitanik aningaasanik nalikitsuinnarnik tunngassuteqarpat.

Pisuni taamaattuni politiit aaqquissuussinermi siunnersuutigineqartumi kilitsissianik atuineq pillugu malittarisassat atorsinnaanaviangilaat.

Aammattaaq pisinerup piviusumik tillinniarnernik nutaanik imissutaannginnissaa politiit qulakkiissavaat. Tamanna assersuutigalugu, politiit nioqqutissap tuniniarneqartup pisiarinera sioqqullugu tillitanik tuniniaasumut nioqqutissap ingerlaannarluni tunniunneqarnissaa, imaluunniit tuniniaasup ilassutitut nioqqutissap assiinik, politiitit erseqqinnerusumik ilitsersorneqarluni nassiussinissaanik piunasaqaateqarnikkut tamanna qulakkeerneqarsinnaavoq.

Tillitanik tuniniaaneq pillugu suliat pinerluttoqarsimaneranik paasiniaaffigineqarnerannut tunngatillugu qaqugukkut politiit kilitsissianik atuisinnaanerannut assersuutaavoq – nalinginnaasumik piunasaqaatit naammassineqarsimappat – pisumi, politiit inuk assersuutigalugu tillinniaq sinnerlugu internettikkut nioqqutissanik tuniniaasoq pasitsaakkunikku kilitsissianik atuisinnaassapput.

Tamanna ilaatigut internettikkut oqallittarfinni politiit pisiniap nioqqutissiamik tillitamik pisinissamik kissaateqarnera pillugu tillitanik tuniniaasup isumaqatigiissuteqarfiginissaa siunertaralugu, eqqunngitsumik ilisarititsissut ikiortigalugu tillitanik tuniniaasutut pasineqartup sunniivigeqatigineqarnerani kilitsissianik atuinissaq politiitnut naleqquttuusinnaavoq. Taamatut eqeersimaartumik pinerluttoqarsimanermik paasiniaaneq, politiit kilitsissianik atuineq pillugu malittarisassanik atuinissaannut piunasaqaataassaaq, tassami politiitit tamanna suleqataanermik iliuutsitut oqaatigineqarsinnaammat. Tassunga atatillugu assingusumik pisoq innersuussutigineqarsinnaavoq, soorlu Østre Landsret-ip eqqartuussutaani 14. marts 2012-imeersumi takuneqarsinnaasoq, taannalu Ugeskrift for Retsvæsen-imi 2012-imeersumi qupperneq 2225 quppernertilu tulliuttuni naqinneqarsimavoq.

Illuatungaani pisuni politiit pinerluttoqarsimaneranik paasiniaanermut tunngatillugu iliuutsinik iliuuseqarneranni, tassami kinaluunniit inatsimmik aalajangersimasumik unioqqutitsinissaa imaluunniit inatsimmik unioqqutitsinerminik ingerlatiinnartitsinissaa siunertaralugu ikiuinissamik neqerooruteqartoqartinnagit imaluunniit iliuusissanik aalajangiisimatinnagit, kilitsissianik atuineq pineqassanngilaq. Tamanna soorlu maannakkut taamaattoqartartoq, assersuutigalugu inatsimmik unioqqutitsineq piffissami politiit pinerluttoqarsimaneranik paasiniaanerat naammassereerneqarnerani pisimassaaq.

Internettikkut tillitanik tuniniaanermut tunngatillugu, inatsisissatut siunnersuummi nalinginnaasumik oqaaseqaatini imm. 2.4 malillugu eqqartuussisarnermi inatsimmi § 349 a, imm. 2-tut aalajangersagassatut siunnersuutigineqartumi immikkut aalajangersakkat iluanni ilaanngitsunut, aaqqissuussinerup siunnersuutigineqartup atorneqarnissaa eqqarsaatigineqarpoq.

#### *2.3.3.4 Ikiaroorartut*

Inatsimmik unioqqutitsineq internetti atorlugu pisimappat, suliani Ikiaroorartut pillugit Inatsisartut inatsisaata unioqqutinneqarneranik pinerluttoqarsimaneranik paasiniaanermi aaqqissuussineq siunnersuutigineqartoq malillugu politiit kilitsissianik atuisinnaassapput.

Ikiaroorartut pillugit Inatsisartut inatsisaanni § 5 malillugu § 2, imm. 4-imi inerteqquteqarnermik unioqqutitsineq pinerluttulerinermi inatsit malillugu pineqaatissiinermik aamma inatsisitigut kinguneqartitsinernik allanik kinguneqarsinnaavoq. Tassani ikiaroorartunik § 1 malillugu inerteqquteqarnermi, eqqussineq- avammut tunisineq, tuniniaaneq, pisineq, tunniussineq, tigusineq, sananeq, suliarinninneq aamma pigisaqarneq, ilaatinneqarput.

Internettikkut ikiaroorartunik tuniniaaneq pillugu suliani, inatsisissatut siunnersuummi nalinginnaasumik oqaaseqaatini imm. 2.4 malillugu eqqartuussisarnermi inatsimmi § 349 a, imm. 2-tut aalajangersagassatut siunnersuutigineqartumi immikkut aalajangersakkat iluanni ilaanngitsunut, aaqqissuussinerup siunnersuutigineqartup atorneqarnissaa eqqarsaatigineqarpoq.

Inatsisunik unioqqutitsinernut annikitsuinnarnut aaqqissuussinerup siunnersuutigineqartup atorneqarnissaa eqqarsaatigineqanngilaq. Pisuni taamaattuni politiit aaqqissuussinermi siunnersuutigineqartumi kilitsissianik atuineq pillugu malittarisassat atorsinnaanaviannngilaat.

Unioqqutitsinerup piviusup suliap annikitsuinnartut nalilerneqarnissaanut killissarititaasup iluaniinnera pillugu naliliinermi, politii inatsimmik unioqqutitsinerup annertussusaa navianaateqassusaalu ilaatigut pingaartissinnaavaat.

Aammattaaq Ikiaroorartut pillugit Inatsisartut inatsiaanni immikkut ittumik sakkortuumik unioqqutitsinerit § 349 a, imm. 1, nr. 3-tut

siunnersuutigineqartumi pineqartumi siullermi ilaatinneqassammata maluginiarneqassaaq.

#### *2.3.3.5 Sakkut qaartartullu*

Inatsimmik unioqquitsineq internetti atorlugu pisimappat, aaqqissuussineq siunnersuutigineqartoq malillugu Sakkut pillugit Kalaallit Nunaannut inatsisip unioqqutinneqarnera pillugu suliani politiit kilitsissianik atuisinnaassapput.

Rigspolitiininngaanniit paasissutissat malillugit Kalaallit Nunaanni internetti atorlugu inatsisit unioqqutillugit sakkunik niueruteqarneq pisarpoq, tassanilu ingammik sakkut eqittaannartakkat, inatsisit malillugit Kalaallit Nunaanni inuussutissarsiutigalugu piniartunit taamaallaat pissarsiarineqarsinnaasut aamma pigineqarsinnaasut pineqarput.

Inatsimmi aalajangersakkat arlallit kiisalu inatsisip malitsigisaanik najoqqutassiat unioqqutinneqarneranni pinerluttulerinermi inatsit malillugu pineqaatissiisoqarsinnaasoq, Sakkut pillugit Kalaallit Nunaannut inatsimmi § 13, imm. 1-ip malitsigaa. Tassani politiinit akuersissummik peqqaarani eqqunneqarsinnaannginnerat, sananeqarsinnaannginnerat, pissarsinerineqarsinnaannginnerat, pigisaqarnerineqarsinnaannginnerat, sakkut, imassat aamma qaartartut ilaasa, tigummineqarsinnaanerat imaluunniit atorneqarnerat ilaatinneqarput.

Internettikkut inatsisit unioqqutillugit sakkunik qaartartunillu tuniniaanermi, inatsisissatut siunnersuummi nalinginnaasumik oqaaseqaatini imm. 2.4 malillugu eqqartuussisarnermi inatsimmi § 349 a, imm. 2-tut aalajangersagassatut siunnersuutigineqartumi immikkut aalajangersakkat iluanni ilaanngitsunut, aaqqissuussinerup siunnersuutigineqartup atorneqarnissaa eqqarsaatigineqarpoq.

Inatsisinik unioqquitsinernut annikitsuinnarnut aaqqissuussinerup siunnersuutigineqartup atorneqarnissaa eqqarsaatigineqannginnera aamma maluginiarneqassaaq. Pisuni taamaattuni politiit aaqqissuussinermi siunnersuutigineqartumi kilitsissianik atuneq pillugu malittarisassat atorsinnaanaviannngilaat.

Unioqquitsinerup piviusup suliap annikitsuinnartut nalilerneqarnissaanut killissarititaasup iluaniinnera pillugu naliliinermi, politii inatsimmik unioqquitsinerup annertussusaa navianaateqassusaalu ilaatigut pingaartissinnaavaat.

Aammattaaq Sakkut pillugit Kalaallit Nunaannut immikkut ittumik sakkortuumik unioqqutitsinerit § 349 a, imm. 1, nr. 3-tut siunnersuutigineqartumi pineqartumi siullermi ilaatinneqassammata maluginiarneqassaaq.

#### **2.4. Erseqqinnerusumik annertussusilinnik pisinnaatitaaffinnik, pigisanik tigussaasunik imaluunniit atortunik allanik internetikkut tuniniarneqartunik politiit pissarsinerat**

Pisuni isertuannngitsumik inatsisit unioqqutillugit internettikkut suliniuteqartoqartillugu, pinerluuteqartup kinaassusaata paasineqarnissaa siunertaralugu sukkasuumik sunniuteqarluartumillu qisuariarnissaminnut politiit periarfissaqassapput.

Eqqartuussisarnermik inatsimmi aalajangersagassatut siunnersuutigineqartut § 349 a, imm. 2, oqaaseqaatigiit aappaani, politiit, pisuni isertuannngitsumik inatsisit unioqqutillugit internettikkut suliniuteqartoqartillugu, sukkasuumik qisuariaateqarnissaminnut aamma pissarsinissaminnut periarfissaqalersitsisumik aalajangersakkamik ilanngussisoqarpat, tamanna taamaammat politiinut tamanna sunniuteqarluartumik pinerluttoqarsimaneranik paasiniaanermi sakkuussaaq sunniuteqarluartoq, matumani nioqqutissanik inatsisit unioqqutillugit tuniniaaneq ilanngullugu. Soorlu qulaani allaaserineqartoq, internettikkut isertuannngitsumik pinerluuteqarneq pisinnaavoq, taamaaliornernilu ilaatigut nioqqutissanik tillitanik, ikiaroorartunik, sakkunik aamma qaartartunik inatsisit unioqqutillugit tuniniaanerit pisarput, kisianni aamma inatsisit unioqqutillugit suliniuteqarnerit allat arlallit aamma pisarlutik.

§ 349 a, imm. 1-itut siunnersuutigineqartup malitsigeriigaanik pisuni politiit pinerluttoqarsimaneranik paasiniaanerminnut atatillugu iliusaanni, tassani ikiuinissamik neqerooruteqartoqarani imaluunniit kikkulluunniit inatsimmik unioqqutitsinissamik aalajangersimasumik suliaqarnissaannut imaluunniit ingerlatsiinnarnissaat siunertaralugu iliutsinik kajumissaarutaasunik aalajangiisimatinnagit, kilitsissianik atuneq pineqanngimmat taamaattoq maluginiarneqassaaq. Tamanna assersuutigalugu pisumi, inatsimmik unioqqutitsineq pillugu politiit pinerluttoqarsimaneranik paasiniaaneranni naammassineqareersumi pissaaq.

Pisut, tassani pisinnaatitaaffiup, atortup tigussaasup imaluunniit atortup internettikkut immikkut ittumik aamma paatsuugassaannngitsumik annertussusilimmik tuniniarneqalereersimanerani, politiit taassuminnga pissarsissagunik pissarsinissaannut inatsimmik unioqquitsinerup annertusineqarnissaanut imaluunniit sakkortusineqarnissaanut kinguneqannginnissaa pillugu eqqartuussisarnermik inatsimmi aalajangersagassatut siunnersuutigineqartumi § 349 a, imm. 2, pineqartup aappaanni ilaatitsisoqarnissaa taamaammat pisariaqartinneqarpoq.

Pinerluuteqartup pisinnaatitaaffinnik, pigisanik tigussaasunik imaluunniit atortunik allanik erseqqinnerusumik annertussusilinnik internettikkut tuniniaanermigut taamaalilluni tunisinerup imaluunniit ingerlateqqillugu tunniunneqarnissaata naammassineqarnissaanik aalajangiussisimanagera naatsorsuutigineqarsinnaammat, politiit pinnaatitaaffinnik, pigisanik tigussaasunik imaluunniit atortunik allanik pissarsinissaat eqqartuussisarnermik inatsimmi aalajangersagassatut § 349 a, imm. 1-itut siunnersuutigineqartumi ilaanissaat pisariaqanngilaq.

Eqqartuussisarnermik inatsimmi § 349 a, imm. 2, pineqartup aappaanni aalajangersagassatut siunnersuutigineqartumi ilanngussisoqassasoq taamaalilluni siunnersuutigineqarpoq, tamatumalu kingorna politiit kialluunniit inatsimmik unioqquitsinissaanut imaluunniit ingerlatsiinnarnissaannut kajumissarinerat taamaallaat politiit pinnaatitaaffinnik, pigisanik tigussaasunik imaluunniit atortunik allanik erseqqinnerusumik annertussusilinnik internettikkut tuniniarneqartunik pissarsinerattut ippat, tamanna kilitsissianik atuinerussanngilaq.

Aalajangersagassatut siunnersuutigineqartup atuuffissaani ilaatigut tillitanik, ikiaroorartunik, sakkunik aamma qaartartunik pisinerit ilaatinneqarput. Taamaattoq aaqquissuussinermut siunnersuutigineqartumi pisinnaatitaaffinnut, pigisanut tigussaasunut atortunullu allanut aalajangersimasunut killiliisoqanngilaq, tamannalu tunngavigalugu assersuutigalugu sukasaatinut atortut, qummoroortaatit inatsisunik unioqquitsisut, takussutissiat ilumuunngitsut, tusarnaartitsinermut billettit il.il. aamma ilaatinneqassapput, soorlu aamma nioqquutissat, pigisat tigussaasut atortullu allat tigussaasuusinnaasut tigussaasuunngitsuusinnaasullu, matumani elektroniskiusumik tusagassiutit, filit imaluunniit innersuussissutit ilanngullugit. Taamatuttaaq assersuutigalugu inissiamik attartornissamut neqeroorummik

akuersissuteqarneq aamma immikkut aalajangersagassatut siunnertuutigineqartup atuuffissaani ilaatinneqassapput.

Piffissami politiit pinerluttoqarsimanerani paasiniaanerati naammassereersimappat, ullumikkutut kilitsissiani atui neq pillugu malittarisassat aamma § 349 a, imm. 2, pineqartut aappaattut siunnersuutigineqartoq atunngikkaluarlugit, politiit pigisanik tigussaasunik il.il. pissarsisinnaammata maluginiarneqassaaq.

Iliuutsit § 349, a, imm. 2, pineqartut aappaattut aalajangersagassatut siunnersuutigineqartumut ilaatinneqarnissaannut, pisinnaatitaaffiup, pigisap tigussaasup imaluunniit atortup allap erseqqinnerusumik annertussusillip internettikkut tuniniarneqarnissaa piumasqaataavoq. Matumuuna tamanna ima paasineqassaaq, assersuutigalugu pisinnaatitaaffiup, atortup tigussaasup imaluunniit atortussap suussusaa takuneqarsinnaassasoq, soorlu aamma aallaaviatigut tuniakkat amerlassusaat takuneqarsinnaassasut, assersuutigalugu oqimaassusaa, amerlassusaat imaluunniit sunaassusaa. Taamaalilluni suna tuniniarneqartoq, qanoq amerlatigisut tuniniarneqartut aamma qanoq akeqarnersut paatsuugassaassanngilaq. Taamaalilluni pisuni nalinginnaasumik inuttaasup internettikkut assersuutigalugu atisanik pequtinilluunniit niuerneranut, aamma nioqqutissat suut pisinermi tiguneqartussaansut nalornissutigineqannginnerannut tamanna assingussaaq. Pisuni taamaattuni § 349 a, imm. 2 pineqartup aappaani siunnersuutigineqartoq malillugu pigisanik tigussaasunik il.il. kilitsissiani atui neq pillugu malittarisassat atunngikkaluarlugit politiit pissarsisinnaassapput.

Internettikkut quppersakkami assigisaanniluunniit tuniniaanermi imaluunniit paarlaasseqatigiinnermi, pissarsineq sioqqullugu sioqqutsisumik pisinissamik taamatut soqutiginnittoqarnerata piumasqaataanera erseqqissumik takuneqarsinnaappat, pisuni § 349, imm. 2-mi, pineqartut aappaanni ilaatinneqartuni politiit taamaallaat sivikitsuaqqamik aamma qulaajaaviusumik tuniniaaratarsinnaasumik oqaloqatiginninnermik naammassinnissinnaanerati periarfissaqassaaq.

Taamaalilluni § 349, imm. 2, pineqartut aappaatuut siunnersuutigineqartoq malillugu, oqaloqatiginninneq qulaajaaviusooq pineqarsinnaavoq, tassanilu politiinngaanniit kialluunniit inatsimmik unioqqutitsinissaannut imaluunniit nangitsinissaannut kajumissaarut ilanngunneqarpoq.



Oqaloqatiginninneq qulaajaavioq qaqugukkulluunniit pisinnaatitaaffimmut, pigisamut tigussaasumut imaluunniit atortumut allamut, internettikkut tuniniarneqartumut, tunngassuteqassaaq, taamaalillunilu pisinnaatitaaffinnut, pigisanut tigussaasunut imaluunniit atortunut allanut, aallaqqaataani nioqqutigineqartunut ilaanngitsunut tunngassuteqartussaassanani. Tamatuma saniatigut, pinerluttoqarnera pillaasoqarnissaalu pillugit inatsisini aalajangersakkat atuuttut malillugit inatsisinik unioqqutitsisoqarsimaneranik politiit naleqquttumik tunngaveqarlutik pasitsaassippata oqaloqatiginninneq qulaajaavioq taamaallaat aallartinneqarsinnaavoq.

Pisuni, pigisap tigussaasup il.il. suussusaa taamaallaat tuniniagaasutut takuneqarsinnaappat, aamma paasissutissat amerlanerusut, matumani suussusaa, oqimaassusaa, amerlassusaat imaluunniit akia, taamaallaat tuniniaasup piviusumik oqaloqatigineqarnerani suussusersineqarsinnaatillugu, oqaloqatiginninneq qulaajaavioq assersuutigalugu pisariaqarsinnaavoq. Tassunga atatillugu pigisap tigussaasup il.il. taassuma pisiarineqarnissaa siunertaralugu amerlassutsit pisiarineqarsinnaasut ikinnerpaaffissaasa imaluunniit tuniniarneqartup suussusaata aalajangersarneqarneqarnissaanut, oqaloqatiginninneq qulaajaavioq taamaallaat atoruneqarsinnaavoq.

Pissarsinissamut siunertaasoq taamaallaat tuniniaasup attaveqarfiini tuniniaasup imaluunniit pinerluuteqartut allat kinaassusersineqarnissaannut atatillugu isiginiarneqassaaq. Sioqqutsisumik oqaloqatiginninnermi pigisap tigussaasup il.il. pissusaanut, suussusaanut, amerlassusaanut imaluunniit akianut sunninginnissaq taamaalilluni pingaaruteqarpoq.

Assersuutigalugu internettikkut quppersagaq, tassani hashimik isertuannngitsumik tuniniaasoqarluni, pineqarpat, politiit sioqqutsisumik oqaloqatiginninnerminni internettikkut quppersakkami pineqartumi naleqquttumik pissutsit malillugit amerlassutsit pisiarineqarsinnaasut minnerpaaffissaattut isigineqartumik pisinissamik soqutiginninnertik pillugu oqaloqatiginninneq killilissavaat. Internettikkut quppersakkami pineqartumi amerlassutsit pisiarineqarsinnaasut minnerpaaffissaattut isigineqartut imaluunniit nalinginnaasumik akigitinneqartut politiit nalornissutigigunikkut, assersuutigalugu annertussutsit minnerpaaffissaat qanoq annertutigisoq taassuma tunniussinnaaneraa, imaluunniit taanna akinut allattuiffimmik nassiussisinaanersoq, aamma tamanna tunngavigalugu annertussutsip pisiarineqarsinnaasup minnerpaaffissaanik

imaluunniit akitut nalinginnaasutut isigineqarsinnaasoq atorlugu pisinissaq politiit tuniniaasumut apequtugalugit saaffiginnissinnaapput.

Taamaalilluni, suliami pinerluttoqarsimaneranik paasiniaanermut atatillugu, sioqqutsisumik oqaloqatiginninnermikkut politiit allakkut kilitsissianik atuinissamut tunngavissaqarnerisooq pitsaanerusumik naliliisinnaanissaannut aamma kinguneqassaaq.

Pissarsiarineqartut tuniniaasup attaveqarfiini tuniniaasup imaluunniit pinerluuteqartut kinaassusersineqarnissaannik siunertaqanngippata, aallaaviatigut § 349 a, imm. 2-mi pineqartup aappaattut siunnersuutigineqartup killissarititaasa iluanni pigisat tigussaasut nioqquteqartumit taassuminnga tuniniarneqartut arlaleriarlutik pissarsiarineqarsinnaannginngimmata maluginiarneqassaaq.

Pisumi, assersuutugalugu tassani tuniniaasup aatsisua tigusarineqarsimappat politiinillu nakkutigineqarpat, aamma tamanna aqutugalugu tuniniaasup aatsisua alla kinaassusersiniarlugu suli piseqqinnissaq pisariaqarpat, tamanna pisinnaavoq. Aatsisoq nammineersinnaajunnaarsitaq iperagaappat tamatumalu kingorna aatsisarnini ingerlateqqippagu, taassuma assinga atuutissaaq.

Inatsisit unioqqutillugit pinsinnaatitaaffinnik, pigisanik tigussaasunik atortunillu allanik internettikkut tuniniaanerni periaatsit, taamaalilluni tuniniakkat internettikkut tuniniarneqartarlutik, tamatuma peqatigisaanik tuniniaanermi pissutsit erseqqinnerusut kiisalu tunisinerup naammassineqarnera immiini, assersuutugalugu naapeqatigiinnikkut, oqarasuaatikkut attaveqarnikkut il.il. ilisaqqunnartumik internettip avaatigut pisarmata, maluginiarneqassaaq.

Pisinnaatitaaffiup, pigisap tigussaasup imaluunniit atortup allap tuniniarneqarnera immiini internettikkut pinissaa pingaaruteqarpoq, tamatumali tunisineq pillugu kingusinnerusukkut attaveqarneq aamma tunisinermi naammassinninnissamut periaaseq, immikkut aalajangersakkap taassuma atorineqarnissaanut pingaaruteqanngilaq.

Assersuutugalugu pigisap tigussaasup imaluunniit atortup allap tiguneqarnissaanut naapittoqassappat naapinnermut atatillugu, pigisanut tigussaasunut imaluunniit atortunut allanut internettikkut tuniniarneqarsimasunut pasineqartumut attaveqarneq taamaallaat tunngassuteqassammat, tassunga atatillugu maluginiarneqassaaq.

Naapinneq assersuutigalugu nutaanik inniminniinernik assigisaanilluunniit isumaqatigiissuteqarnissanut imaluunniit oqalliginninnissamut tunngassuteqassanngilaq, tassani iliuutsit taamaattuut eqqartuussisarnermik inatsimmi kilitsissianik atuineq pillugu malittarisassat § 349 a, imm. 1-imi siunnersuutigineqartut iluanniissapput, aamma taamaalillutik § 349 c, imm. 1-itut siunnersuutigineqartoq malillugu eqqartuussivimmit sioqqutsisumik aalajangiinissaq tassani piumasagaataassaaq.

Soorlu pinerluttoqarsimaneranik paasiniaanermi suliat allat assigalugit, immikkut aalajangersakkat atorneqarnissaannut periarfissaq siunnersuutigineqartoq malillugu politiit suugaluartunilluunniit pissarsinerat sioqqullugu, aamma pinerluttoqarnera pillaasoqarnissaalu pillugit inatsisini aalajangersakkat atuuttut malillugit inatsimmik unioqqutitsisoqarsimaneranik pasitsaasisoqarnissaanik piumasagaat qulakkiissavaat.

Pisuni ikiaroomartunik sakkunilluunniit tuniniaasoqartillugu, pissutsit isertuannngitsumik inatsisinik unioqqutitsinerusuunerisa pasitsaassinissamik piumasagaat naammassereerpaat.

Pisuni allani, matumani ingammik nioqqutissianik tillitanik tuniniaanerni, nioqqutissiap tuniarneqartup pisiarineqarnissaa sioqqullugu, aalajangiinermi tunngaviit arlallit ataatsimut politiit naliliiffigissavat.

Nioqqutissiat tillitaanersut nalilernerqarnissaannut paasinarsisitsissutsit tulliuuttut ilaatigut pingaartissavaat: Nioqqutissiaq immikkut ittumik akikitsillugu tuniarneqarpoq. Nioqqutissiaq tuniniaasumit, piaaraluni kinaassutsiminik isertuiniartumit, assersuutigalugu kinaassutsiminik isertuussilluni saqqummertup imaluunniit isertuannngitsumik ilumuunngitsumik ilisarititsissut atorlugu kinaassutsiminik isertuussisoq. Nioqqutissiap tuniarneqartup tillitaanera pillugu innuttaasumit imaluunniit allatigut politiit ilisimatinneqartut. Tuniniaasup oqarasuaammut normua immertagaavoq nalunaarsorneqarsimanngitsoq. Tuniniaasopq siusinnerusukkut nioqqutissianik akikitsuarakasinnik tuniniaasarsimavoq. Tuniniaasopq nioqqutissiaq taannaqqissaaq amerlasoorujussuariarlugu internettikkut tuniartarsimavaa. Tuniniaasup e-maili taannaqqissaaq atorpaa, kisianni ilisarisititsissutit oqarasuaatilluunniit normui allanngorartippai.

Piumasagaatit piffissap ingerlanerani amerliartuinnavissut uani pineqanngimmata maluginiarneqassaaq. Paasinarsisitsissutit qulaani

pineqartut pingaartinneqarnerat politiit assigiinngitsumik oqimaalutarsinnaavaat, aamma naammattumik pasitsaassisoqarneraq pisuni tamani piviusumik naliliinermik taamaalilluni tunngaveqassaaq.

## **2.5 Kilitsissianik atuinerup akuerisaasup kilitsissianillu atuinerup inerteqqutigineqartup akornani killiliussaq (qutsinnerpaamik killiliussaq)**

Inatsiseqarnermut ministereqarfiup isumaa malillugu – soorlu qallunaat eqqartuussisarnermik inatsisaanni kilitsissiat pillugit malittarisassat malillugit – inatsisip oqaasertaani kilitsissianik atuinerup akuerisaasup kilitsissianillu atuinerup inerteqqutigineqartup akornanni killiliussamik aalajangiisoqartariaqarpoq (qutsinnerpaamik killiliussatut imaluunniit aalajangersimasumik qisuariatitsiniarnermik inerteqquteqarnermik taaneqartartoq).

Iliuutsip pinerluutinngortinneqartup suliarineqarnerani imaluunniit ingerlaannartinneqarnerani kilitsissiap sunniinera inatsimmik unioqqutitsinerup annertusitinneqarneranik imaluunniit sakkortusitinneqarneranik kinguneqannginnissaa pillugu killiliussaq taanna § 349 b, imm. 1-itut siunnersuutigineqartumi taaneqarpoq, tassanilu iliuutsit sorliit, – aamma eqqartuussivimmit akuerineqareeraluartumik – politiini tjenestemandinit aamma politiini sulisunit pinerluttoqarsimaneramik paasiniaanissamat immikkut piginnaaneqartunit suliarineqarsinnaasut malittarisassiuunneqarput.

Akuerisaasumik inerteqqutigineqartumillu kilitsissianik atuineru killiliussaq (qutsinnerpaamik killiliussatut imaluunniit aalajangersimasumik qisuariatitsiniarnermik inerteqquteqarnermik taaneqartartoq) Nalunaaruteqartarnermi isertuussinissamat politiit akuliuttarnerat aamma kilitsissiat atorneqarnerat pillugu Pillaasarnermik eqqartuussisarneq pillugu ataatsimiititaliap isumaliutissiissutaani nr. 1023/1984-imi qupperneq 162-imiit 168 ilanngullugu allaaserineqarpoq.

Inatsisunik unioqqutitsineq siulianili suliarineqalersimangippat imaluunniit misilinneqalersimangippat, politiit kilitsissianik atuinermik inatsimmik unioqqutitsineru pilersitsinnginnissaat, killissaliussanik nalunaaqutsiinerup taassuma malitsigaa. Aamma inatsimmik unioqqutitsineru suliarineqalersumi imaluunniit misilinneqartumi, politiit ima sunniuteqartigissanngillat, inatsimmik unioqqutitsineq taanna allatut

pissuseqalissalluni, tassami taamaaliornikkut inatsimmik unioqqutitsineq annertusineqassaaq imaluunniit sakkortusineqassalluni.

Qallunaat inatsisissatut siunnersuutaata suliarineqarneranut atatillugu aalajangersimasumik qisuariartitsiniarnermik inerteqquteqarnerup eqquutinneqarnissaa eqqarsaatigalugu – inatsimmi kilitsissiap inuttut atugai pillugit immikkut ittumik piumasaaqateqartoqartariaqartoq – Inatsiseqarnermut ministereqarfiup nalilerpaa. Ministereqarfiup isumaa malillugu eqqarsaatigisassat assingi malittarisassat Kalaallit Nunaanni atorneqarnissaannut atuuppoq.

Tassunga atatillugu illuatungaani inunnt taakkununga kilitsissiatut atorneqartussanut pisinnaasat pillugit assigiinngitsunik piumasaaqateqartoqassasoq tassunga atatillugu erseqqissarneqassaaq, taamaattoqarneratalu qallunaat politiini tjenestemandiusut immikkut ittumik qinikkat imaluunniit politiini atorfillit pinerluttoqarsimaneranik paasiniaanermi immikkut ittumik piginnaasallit, kilitsissiatut atorneqarnissaannut tungavilersuutaavoq. Illuatunganili pisut arlallit pisinnaapput, tassani assersuutigalugu oqaatsit- imaluunniit inuiaat ilisarnaasersuutaat pissutigalugit politiit nunanit allaneersut il. il. atorneqarnissaat pisariaqartinneqarluni illersorneqarsinnaallunilu. Aammattaaq inuit uniformeqaangitsut politiinik isumaqatigiissuteqareerluni annikitsuararsuarmik ikiuutaasut atorneqarnissaat pisariaqartinneqarsinnaavoq.

Politiitut kilitsissiamut piumasaaqatit erseqqinnerusut ataani immikkoortoq 2.6-mi allaaserineqarput, aamma inuit uniformeqaangitsut atorneqarnissaannut piumasaaqatit ataani immikkoortumi 2.7-imi allaaserineqarlutik.

## **2.6 Politiini atorfillit kilitsissiatut sulisinnaasut**

Eqqartuussisarnermik inatsimmi § 349 b, imm. 2, oqaaseqatigiit siulliit ima oqaasertalerneqassasut, politiini tjenestemandit aamma politiini atorfillit pinerluttoqarsimaneranik paasiniaanissamat immikkut ittumik piginnaanillit eqqartuussisarnermik inatsimmi § 349 a, imm. 1-ip malitsigisaanik kilitsissianik sulisinnaassasut siunnersuutigineqarpoq.

Pinerluttuliornerit amerlanertigut politiini atorfilinnit, politiitut ilinniakkamik tunuliaqutaqaangitsunit, ilinniakkamik allamik tunuliaqutalinnit, assersuutigalugu ilisimatusarfinni ilinniagaqarsimallutik

misissueqqissaartartunit, suliassa qarfinni attuumassuteqartuni immikkut paasisimasaqarluartunit pinerluttoqarsimaneranik paasiniaaffigineqartartut imaluunniit pinerluttoqarsimaneranik paasiniaanerni ikiuuttartut, Rigspolitiit tikkuarpaat. Taamaallaat politiini tjenestemandit kilitsissiatut atorneqannginnissaat, kisianni politiini atorfillit allat, piunasaqaatigineqartumik pinerluttoqarsimaneranik paasiniaanissamut piginnaaneqartut kilitsissiatut atorneqartarsinnaanissaat, taamaammatt Inatsiseqarnermut ministereqarfiup sinnersuutigaa.

Pinerluttuliornerup akiorneqarnissaanut politiini sulisut pillugit isumalluutit pitsaanerpaamik atorneqarnissaat aaqqissuussinerup siunnersuutigineqartup qulakkiissavaa, aamma pinerluttoqarsimaneranik paasiniaaneq tamatigut inunnit taamaaliornissamut naleqqunnerpaanit suliarineqarnissaa qulakkiissallugu.

Assersuutigalugu ilisimatusarfinni ilinniagaqarsimasutut tunuliaqutillit politiini atorfillit, suliassa qarfimmi aalajangersimasumi immikkut ittumik piginnaanillit, assersuutigalugu internettimi pinerluuteqarnerit pillugit pinerluttoqarsimaneranik paasiniaanerup nalaani, atorneqarnissaat taamaaliornerup periarfississavaa. Politiini sulisut ikittuinnaat inatsisissatut siunnersuut malillugu kilitsissiatut sulisinnaassapput, tassami assersuutigalugu politiini allaffimmi- aamma sullissinermi sulisut, ilinniartut ikiorterineqartut il.il. kilitsissiatut sulisinneqarnaviangillat.

Kilitsissiatut sulinissamut inuit, politiini tjenestemandiunngitsut, taamatut pinerluttoqarsimaneranik paasiniaanissamut, taakku politiitut ilinniagaqarsimanermik tunuliaquteqarnerat imaluunniit ilinniakkamik allamik tunuliaquteqarnerat apeqqutaatinnagu, politiini atorfeqarnissaat aammattaaq eqqortunik piginnaasaqarnissaat, piunasaqaataammatt maluginiarneqassaaq. Pineqartoq kilitsissiatut sulinissamut eqqortumik naleqquttumillu piunasaqaataasunik piginnaasaqarnersoq, pisuni ataasiakkaani tamani nalilerneqartassaaq.

Pineqartup politiitut ilinniagaqarsimanermik tunuliaqutaqarnera taamaammallu pinerluttoqarsimaneranik paasiniaanerup qanoq naammassineqartariaqarnera pillugu ilinniagaqarsimanermigut ilisimasaqarnera ilaatigut pingaaruteqarsinnaavoq. Illuatungaanili uani aamma politiini atorfillit politiitut ilinniagaqarsimanermik tunuliaquteqanngitsut, kilitsissiatut sulisinnissaannut immikkut ittumik tunuliaquteqarnissaannik imaluunniit ilisimasaqarnissaannik piunasaqaateqarnissaaq naatsorsuutigineqarpoq. Taakku assersuutigalugu

ilisimatusarfinni ilinniagaqarsimallutik misissueqqissaartartuusinnaapput “open souce-intelligence”-imik taaneqartartumik immikkut ilisimasaliullutik, imaappoq internettimi paasissutissiifinni ammasuni pinerluttoqarsimaneranik paasiniaanermik suliaqartartuullutik.

## **2.7 Inuit uniformeqaangitsut**

Paasissutissiisartut inuillu allat uniformeqaangitsut, ilungersunartumik pinerluttuliornerup paasineqarneqarnissaanut politiinik suleqateqarnissamut piareersimasut, atorneqarsinnaanerat annertuumik tulluurtumik kinguneqarsinnaasoq Rigspolitiit Rigsvokattillu ilisimatitsissutigaat.

Qallunaat inatsisissatut siunnersuutaata suliarineqarneranut atatillugu Inatsiseqarnermut ministereqarfik isumaqarpoq, malittarisassat ima oqaasertalertariaqartut, avatangiisini pinerluttuliorfiusuni politiini kilitsissiap ilisaritinneqarsinnaanissaa qulakkeerneqassalluni. Suleriaatsimi amerlanertigut inuk uniformeqaangitsoq, avatangiisini angalaartartoq aamma inunnut tunuliaqutaasunut attaveqarnermik ingerlatitseqqissinnaasoq, atorlugu ilisarititsineq taamaattoq ingerlanneqartarluni. Attaveqarnermik ingerlatsinerup taassuma inuup uniformeqaangitsup killilimmik annertussusilimmik inatsimmut unioqquatinneqartumut, pinerluttoqarsimaneranillu paasiniaaffigineqartumut, matumani nioqquattissiamut misiligummik inniminniineq ilanngullugu, peqataanera kingunerisinnaavaa. Eqqarsaatigisassat assingi ministereqarfiup isumaa malillugu malittarisassat Kalaallit Nunaanni atorneqarnissaannut atuupput.

Inuit uniformeqaangitsut kilitsissiatut atorneqarnissaannut periarfissap eqqunneqarnissaa Inatsiseqarnermut ministereqarfiup taamaammat siunnersuutigaa, taamaalilluni iliuutsit pingaannginnerusut ilaat, kilitsissianik atuinerup ataanniittut, inunnit uniformeqaangitsunit suliarineqarsinnaassallutik.

Qallunaat inatsisissatut siunnersuutaata suliarineqarneranut atatillugu inuit uniformeqaangitsut kilitsissivittut atorneqarnissaannut malittarisassanik eqqussisoqartariaqangitsoq Inatsiseqarnermut ministereqarfiup nalilerpaa. Inuit uniformeqaangitsut kilitsissivittut atorneqarnerat arlalinnik eqqarsarnartoqarpoq, matumani ingammik inuit uniformeqaangitsut inuttut annertuumik navianartorsiortinneqarnerat ilanngullugu. Tassunga ilaavoq, pisut ilaanni pineqartup nakkutigineqarnissaa ajornakusoorsinnaammat. Eqqarsaatigisassat assingi ministereqarfiup isumaa malillugu malittarisassat

Kalaallit Nunaanni atorneqarnissaanut atuupput. Kisianni – soorlu qallunaat eqqartuussisarnermik inatsisaanni kilitsissiat pillugit malittarisassat malillugit – politiini kilitsissiap pisariaqartinneqartumik ilisaritinneqarnissaanut inuit uniformeqaangitsut atorneqarsinnaanissaat periarfissaasariaqartoq Inatsiseqarnermut ministereqarfiup nalilerpaa, taamaattoqarneratalu inuup uniformeqaangitsup iliuitsit ilaannik tatiginninnermik pilersitsissutaasussanik suliaqarsinnaanera tamatuma kingunerissavaa, matumani nioqqutissiamut misiliummik inniminniineq ilanngullugu. Uani suliniutit aarlarniutaasut pineqarput, taakkulu kilitsissianik atuinermi suliaqaqarfiit pingaarnersaannut naleqqiullugu annikinneerakasiupput, kisianni aappaatigut politiini kilitsissiap suliaqarnissaata aallartinnissaanut pingaarutilimmik kinguneqartartut sulisaatsimi takuneqarsinnaalersimavoq.

§ 349, b, imm. 2, oqaaseqatigiit aappaanni aalajangersagassatut siunnersuutigineqartoq malillugu, inatsimmik unioqqutitsinermut naleqqiullugu ikiuineq taamaallaat annikitsuarakasiuppat, inuit uniformeqaangitsut politiinik isumaqatigiissuteqarlutik inatsimmik unioqqutitsinerup, pinerluttoqarsimaneranik paasiniaaffigineqartup, suliarineqarnissaanut imaluunniit ingerlatiinnarneqarnissaanut ikiuisinnaanerat, tamanna tunngavigalugu Inatsiseqarnermut ministereqarfiup siunnersuutigaa.

Ikiuineq kilitsissiatut inuit uniformeqaangitsut suliarissallugu matumuuna periarfissariligaat, pissutsinut politiit nammineerlutik suliniuteqarnermikkut kimulluunniit inatsimmik unioqqutitsinissamut imaluunniit inatsimmik unioqqutitsinerup nangiinnarnissaanut ikiuinissamut neqerooruteqarnerannut tunngassuteqarpoq (kilitsissiaq pillugu oqaatsip imarisaa siulleq). Pisumi tassani inuit uniformeqaangitsut sioqqutsumik politiinik isumaqatigiissuteqareerlutik, inuup tunuliaqutaasup imaluunniit akuusut allat pinerluutip, pinerluttoqarsimaneranik paasiniaaffigineqartup, suliarinissaanut imaluunniit ingerlateqqinnissaanut ikiuisinnaapput.

Inuup uniformeqaangitsup ikiuina aalajangersagassatut siunnersuutigineqartup § 349 b, imm. 2, oqaaseqatigiit aappaanni ilaatinneqassappat, ikiuineq kinaassusersiunngitsumik isigalugu pinerluttulerinermi inatsimmi § 13-imi peqataaneq pillugu oqaatsip imarisaa malillugu inatsit malillugu pinerluutaanissaa piunasaqaataavoq. Tamatuma saniatigut iliuseq pinerluttoqarnera pillaasoqarnissaalu pillugit inatsisini aalajangersakkat atuuttut malillugit inatsit malillugu pinerluutaassaaq. Iliuseq pinerluttoqarnera pillaasoqarnissaalu pillugit inatsisini



aalajangersakkat atuuttut pillugit suliassa qarfiup avataaniippat, unioqqutitsineq, ikiunerup kingunerisaa, taamaallaat annikitsuarakasiusutut pissuseqartutut nalilerneqarsinnaanersoq uani pingaaruteqassaaq.

Pissutsit kilitsissianik atuineq pillugu malittarisassanut ilaatinneqassappata, § 349 b, imm. 2, oqaaseqatigiit aappaanni aalajangersagassatut siunnersuutigineqartup, aamma kilitsissianik atuisarneq pillugu § 349 a-tut siunnersuutigineqartumi namminerimi nassuiaatip, inatsisip unioqqutinneqartup, pinerluttoqarsimaneranik paasiniaaffigineqartup, aamma peqataanerimi iliuuserineqartup, inuup uniforme qanngitsup suliarisaata akornanni kinaassusersisoqarnissaa aammattaaq malitsigaat. Tassunga atatillugu nioqqutissiamut misiliummik inniminniineq inatsimmik unioqqutitsinerimik annertunerusumik unioqqutitsinerimik peqataanertut isigineqassaaq (assersuutigalugu ikiaroorartumik nassiussineq/tunniussineq). Pinerluut naammassineqareersoq pillugu paasiniaaneq siunertaralugu ikiuineq, kilitsissianik atuineq pillugu malittarisassat siunnersuutigineqartut avataanniippoq.

Suliniutigineqartoq, kilitsissianik atuinerimut piumasaqaatit allatut naammassineqarsimappata – inuup uniforme qanngitsup inatsisit unioqqutinnagit suliarisinnaasaa (imaappoq inatsimmik unioqqutitsineq, ikiunerup kingunerisaa) – inatsimmut unioqqutinneqartumut pinerluttoqarsimaneranik paasiniaaffigineqartumut naleqqiunneqassaaq. Inuup ikiuinerimik (assersuutigalugu nioqqutissiamut milisiutip annertussusaa) inatsisimik unioqqutitsinerimik ilungersunartunik pinerluttoqarsimaneranik paasiniaanernit annertunerujussusinnaanera, assersuutigalugu ikiaroorartut annertoorujussuaq uani pineqarluni, tamatuma kingunerisinnaavaa. Ikiunerup annikitsuarakasiunissaata, inatsimmik unioqqutitsinerup pinerluttoqarsimaneranik paasinianeqartup paasineqarnissaanut naleqqiullugu ikiuunerup piviusumik pingaaruteqartuunnginnissaanik kisianni tamanna kinguneqanngilaq. Suliani ikiaroorartut pillugit pinerluuteqarnernik ilungersunartunik pinerluttoqarsimaneranik paasiniaasoqartillugu, ilisimatitsissutigineqartut malillugit amerlanertigut ima pisoqartarpoq, inuk uniforme qanngitsup siullertut nioqqutissiamut misiliummik inniminniisimatinnagu, inuk pisuunerpaaq, politiit peqataanerannik pasitsattarluni.

Inuit uniforme qanngitsup politiinik isumaqatigiissuteqarlutik inatsisimik unioqqutitsisinnaanerat § 349 b, imm. 2, oqaaseqatigiit aappaanni aalajangersagassatut siunnersuutigineqartup tunngaviusumik kinguneraa. Kisianni inuup uniforme qanngitsup ikiuinerimik kilitsissianik atuineq pillugu

malittarisassatut siunnersuutigineqartuni ilaatinneqassaaq. Politiit inummik uniformeqanngitsumik atuilersinnagit, assersuutigalugu nioqutissiamut misiliummik pisisutut, pasitsaassineq pillugu piumasagaat, ilisarnaatit pillugit piumasagaatit aamma pinerluttuliorneq pillugu piumasagaat naammassineqarsimassasut tamatuma kinguneraa, soorlu aamma § 349 c malillugu suliniutip aallartinneqannginnerani iliuutsit aallaaviatigut eqqartuussivimmit akuersissutigineqaqqaarsimassasut. Aalajangersagassatut siunnersuutigineqartoq malillugu taamaalillutik assersuutigalugu pinerluttoqarsimaneranik paasiniaanivimmut tunngavissaqarnersoq qulaajarniarlugu, politiit tuniniaasuni assigiinngitsuni nioqutissianut misiliutinik inniminniinermi paasissutissiisoq atorsinnaanngilaat.

Iliuutsit inuup uniformeqanngitsup § 349 b, imm. 2, oqaaseqatigiit aappaanni siunnersuutigineqartoq malillugu iliuuserisinnaasai, aamma kinaassusersiunngitsumik isigalugu inatsit aqcutigalugu pinerluutinngortinneqartut, politiit isumaqatigiissuteqarfigalugit iliuuserineqarput, taamaattoqarneralu materiel atypicitet<sup>1</sup>-imik imaluunniit pinerluttulerinermi inatsit malillugu pinerluttoqarnera pillaasoqarnissaalu pillugit inatsisini aalajangersakkat atuuttut malillugit pineqaatissiinerit atorineqannginnissaannik kinguneqarlutik.

§ 349 b, imm. 2, oqaaseqatigiit aappaanni aalajangersagassatut siunnersuutigineqartoq malillugu inuup uniformeqanngitsup kilitsissiatut inatsisit malillugit suliarisinnaasai, piviusumik kilitsissianik atuinernut killilerneqassapput, taakkumi sulii politiini tjenestemandinit aamma politiini atorfilinnit pinerluttoqarsimaneranik paasiniaanermi immikkut ittumik piginnaasalinnit taamaallaat suliarineqarsinnaapput. Ikiuineq inatsimmut unioqcutinneqartumut, pinerluttoqarsimaneranik paasiniaaffigineqartumut, naleqqiullugu annikitsuaqakasiusutut nalilerneqarsinnaanngippat, ikiuineq taamaallaat politiini tjenestemandinit aamma politiini atorfilinnit pinerluttoqarsimaneranik paasiniaanermi immikkut ittumik piginnaasalinnit suliarineqarsinnaavoq. Aammattaaq § 349 b, imm. 1-imi kilitsissianik atuinermi qutsinnerpaamik killiussa, aamma inuup uniformeqanngitsup ikiuuneranumut atuummat maluginiarneqassaaq. Inuup uniformeqanngitsup ikiuinerani inatsimmik unioqcutitsinerup annertusinnginnissaannik

---

<sup>1</sup> Materiel atypicitet: Tilfælde, hvor gerningsindholdet for så vidt er realiseret med den fornødne tilregelse, men hvor handlingen er af en helt anden beskaffenhed end den, lovgiver har villet kriminalisere. = Pisimasut, tassani suliat imarisaat pisariaqartinneqartumik akisussaaitaanissamat naammassineqarsimagaluartut, kisianni iliuuseqarneq inatsisiliortup pinerluutinngortinniagaanit allaanerujussusoq (Den Store Danske Lex.dk skrevet af professor emeritus, cand. Jur. Lars Bo Langsted-imit allanneqartoq).

imaluunniit sakkortusinninnissaanik kinguneqarnissaa, tamatuma kinguneraa.

## **2.8 Sioqqutsilluni eqqartuussivimmit aalajangiineq aamma unnerluussisoqartillugu illersuisumut nalunaarutiginninneq**

Kilitsissianik atuineq soorlu nalunaarutiginninnermi isertuussisussaataitanermut akuliunnertut ima annertuumik pinerluttoqarsimanernik paasiniaanermi iliuitsitut annertutigivoq, taamatut aallartitsinissaq eqqartuussivimmit akuerineqaqqaartariaqaraluarluni. § 349 c malillugu iliuusissat aalajangiiffigineqartut eqqartuussiviup aalajangiineratigut pissasut, taakkulu tunngavilersorneqarnissaat pillugit Kalaallit Nunaanni eqqartuussisarnermik inatsimmi aalajangersakkamik (§ 349 a-tut) ilanngussisoqassasoq, taamaammat Inatsiseqarnermut ministereqarfiup siunnersuutigaa.

Amerlanertigut sukkasuumik iliuseqartoqartariaqarmat, taamaattoq, *periculum in mora* pillugu<sup>2</sup> malittarisaq, nalunaarutiginninnermi isertuussisussaataitaneq pillugu malittarisassamut assingusoq (eqqartuussisarnermik inatsimmi § 391, imm. 3) taamaattoq ilaanngunneqassaaq, taamaalilluni eqqartuussiviup aalajangiinissaata utaqqineqarnera pissutigalugu siunertarinqartoq maangaannartinneqassagaluarpas, kilitsissianik atuineq sioqqutsilluni eqqartuussivimmit aalajangiisoqanngikkaluartoq politiinit aallartinneqarsinnaaniassammat. Taamaattoqartillugu politiit piaarnerpaamik aamma kingusinnerpaamik iliuuserineqartut aallartinnerisa kingorna nalunaaquttap akunnerisa 24-it iluanni, apeqqu pillugu eqqartuussivimmut saqqummiussissapput.

Ilaatigut suliniutigineqartup aallartinneqarnerani piumasaqaatit naammassineqarnerat imaluunniit naammassineqarsimanerat, ilaatigullu aalajangersimasumik qisuariartitsiniarnermik inerteqquteqarneq qaangerneqarsimansoq imaluunniit qaangerneqartussaansoq pillugit nalilersuinissaq eqqartuussivinnit nakkutilliinerup taamaattup siunertaraa. Iliuserineqartup inatsisitigut malittarisassat akuerisaasut malillugit naammassinnissimanerata isummerfigineqarnera, matumani aalajangersimasumik qisuariartitsiniaanermut inerteqquteqarneq qaangerneqassansoq imaluunniit qaangerneqarsimansoq ilanngullugit,

---

<sup>2</sup> *Periculum in mora*: Fare ved at vente, overhængende fare = Utaqqinissap navianaateqarnera, nukinginnartumik navianaateqarneq, Den store Danske Lex.dk

aamma taassuma aarlerinangitsumik ingerlanneqarnera, matumani kilitsissiap inuttut qinerneqarnerata eqqarsaatigineqarnera ilanngullugu, eqqartuussiviup nakkutilliinerani ilaatinneqassapput.

Aammattaaq kilitsissianik atuineq pillugu eqqartuussiviit nakkutilliinissaat pillugu malittarisassanut atatillugu, – soorlu qallunaat eqqartuussisarnermik inatsisaanni kilitsissiat pillugit malittarisassat malillugit – politiit kilitsissiamik ataatsimik atuisimatillugit illersuisup nalunaarfigineqarnissaa (§ 349 d-tut) malittarisassamik erseqqissumik ilanngussisoqarnissaa, Inatsiseqarnermut ministereqarfiup nalilerpaa.

## **2.9 Kilitsissiap eqqartuussivimmi nassuiaanera**

### **2.9.1 Politiini kilitsissiap kinaassutsimi isertuunnissaanut periarfissaa**

Avatangiisit pinerluttuliorfiusut ilaanni nakuusernerup sakkutut atorneqartarnera ilisimaneqarluarpoq, aamma kilitsissiap kinaanera paasineqarpat, kilitsissiamut imaluunniit taassuma qanigisaanut pillaatitut akiniaasoqarnissaa annertuumik aarlerinaateqartutut ilimagineqartariaqarpoq. Taamaammat kilitsissiap imaluunniit taassuma qanigisaasa isumannaatsumiitinnissaat eqqarsaatigalugu, kilitsissiap nassuiaasussaajunnaarsinneqarnissaa pisariaqarpoq.

Kisianni illuatungaani kilitsissiap eqqartuussivimmi nassuiaanera suliami uppersaataasutut pingaarutilittut isigineqartariaqarpoq. Taamaalilluni ilisimannittumik killisiuineq, tassani illersuisoq apersuinissamik periarfissinneqarluni, aamma tassani unnerluussap pisimasup ingerlasimaneranut nassuiaataata illuatungilerneqarnerat pissalluni, taamaalilluni kilitsissianik atuilluni suliniuteqarneq pillugu tamakkiisumik isiginnissinnaasoqarsinnaalissalluni.

Nangaassuteqanngitsumik nassuiaanissap anguneqarsinnaannginnera pillugu immikkut ittumik tunngavissaqartoq isumaqartoqarpat, eqqartuussisarnermik inatsimmi § 458-imi malittarisassat atuuttut malillugit, ilisimannittoq imaluunniit unnerluunneqataasup killisiorneqarnerani unnerluunneqartup ini eqqartuussiviusoq qimassagaa, eqqartuussivik aalajangersinnaavoq. Imm. 2 malillugu, inimi eqqartuussiviusumi unnerluunneqartoq isersimaqqilerpat, unnerluunneqartoq ilaatigut unnerluunneqartup peqannginnerani kina nassuiaasimanersoq pillugu paasitinneqassaaq.

Kisianni pisuni taanna eqqartuussivimmi nassuiaasussaattillugu, politiini kilitsissiap kinaassusaata isertuunneqarnerata qulakkeerneqarnissaanut periarfissat pitsaanerulersinneqarnissaat pisariaqartinneqarpoq. Taakku kinaassusaat ilisimaneqalerpat, politiini tjenestemandip imaluunniit politiini atorfillip pinerluttoqarsimaneranik paasiniaanermi immikkut ittumik piginnaanillip suliani allani kilitsissiatut atorneqarnissaa politiinut ajornakusuulersinnaavoq. Politiinut tamanna ajornartorsiutinik pilersitsissaaq, tassami politiini tjenestemandit imaluunniit politiini atorfillit pinerluttoqarsimaneranik paasiniaanermi immikkut ittumik piginnaasallit, kilitsissiatut atorneqarnissamut immikkut ittumik ilinniartinneqarsimasut, imaluunniit kilitsissiatut sulinerimik immikkut ittumik misilittagaqartut ikittuinnaapput.

Politiini tjenestemandi imaluunniit politiini atorfilik, § 349 a-tut siunnersuutigineqartumi taaneqartunik iliuutsinik suliaqarsimasoq, § 458, imm. 2-tut siunnersuutigineqartoq malillugu nammineq atini najukkanilu ilisimatitsissutiginaqit nassuiaateqarsinnaasariaqartoq pillugu § 458-imi immikkoortumik nutaamik ilanngussisoqarnissaa taamaammat siunnersuutigineqarpoq. Taasuma kingunerisaanik § 443-imi nutaamik immikkoortumik ilanngussisoqarnissaa siunnersuutigineqarpoq, tamatumalu kingorna politiini kilitsissiaq nammineq atiminit najukkaminillu allaanerusumik atilerlugu najugaqarfilerlugulu uppersaaitit nalunaarsuutaanni taaneqarsinnaalissaaq. Politiini tjenestemandi imaluunniit politiini atorfilik tamatuma kingorna piunasaqaatitaqanngitsunik ati alla atorlugu uppersaaitinut nalunaarsuiffimmi takuneqarsinnaalissaaq.

Sulisaaseq malillugu pinerluttulerinermik suliani ilisimannittup atia najugaalu uppersaaitinut nalunaarsuiffimmi allanneqartarnerat, soorlu aamma ilisimannittup atii tamakkerlugit – kisianni najugaa pinnagu – eqqartuussivimmi nassuiaaneq pisinnagu paasissutissiissutigineqassammata maluginiarneqassaaq. Politiini tjenestemandit eqqartuussivimmi nassuiaasussat sulisaatsit malillugit uppersaaitinut nalunaarsuiffimmi taaneqassapput sumilu sulineri ilanngunneqartussaallutik. Najugaq pillugu oqaatsip imaa ima paasineqassaaq, taamaalilluni politiini tjenestemandinut sulisaatsit malillugit sulinerimmi sumiiffik assigissallugu.

Politiini tjenestemandi kilitsissiatut atorneqarsimasoq pillugu paasissutissami suliffiup erseqqinnerusumik sumiinneranik taasisoq, pisuni politeeqarfimmi minnerusumi taanna suliillugu, taamaattoqarnerata

pineqartup kinaassusersineqarnissaa  
ajornannginneerarsuannngortissinnaavaa.

Unnerluussap, eqqartuussiviup imaluunniit illersuisup politiini kilitsissiap kinaaneranik ilisimannissinnaannginnerat, aalajangersakkat siunnersuutigineqartut kingunerissavaat. Eqqartuussiviup kilitsissiap pineqartup politiini tjenestemandiunera imaluunniit politiini atorfeqarnera, taamaalillunilu § 349 b, imm. 2, oqaaseqatigiit aappaannik naammassinninnera pillugu allakkatigut uppersaatinik eqqartuussivik piumasaqarsinnaammat maluginiarneqassaaq. Pineqartup atorfinitsinneqarsimaneranik politiini aqutsisut qullersaanit allakkatigut nalunaarut, tassunga atatillugu pisariaqartinneqartumik uppersaaticut isigineqassaaq. Kilitsissiaq nunanit allaneersoq pineqartillugu, nunani allani politiini oqartussaasut qullersaanit nalunaarutip naammattumik uppersaaticut isigineqarnissaa assigisaanik naatsorsuutigineqarpoq.

Tamassuma kingunerisaanik § 458, imm. 2-tut aalajangersagassatut siunnersuutigineqartumut § 153-imi innersuussisoqassasoq siunnersuutigineqarpoq, tamatumalu kingorna eqqartuussivik, ilisimannittoq killisiorneqalersinnagu, ilisimannittup kinaassusaa pillugu qularnaarinnissaaq.

Ilisimannittut nassuiaataasa imaannik, suliami unnerluutigineqartoq pillugu tunniunneqartunik, unnerluutigineqartup ilisimasaqalernissaata killilerneqarneranik malittarisassatut siunnersuutigineqartut kinguneqanngillat. Unnerluutigineqartoq nammineq politiitut tjenestemanditut siulianili ilisimasaminik, politiini tjenestemandip atianik allamik ilisimatinneqassaaq. Taamaallaat politiini tjenestemandip nammineq atia aamma najugaa (imaappoq suliffiata sumiinnera) unnerluutigineqartumut isertuunneqassapput, aamma Inatsiseqarnermut ministereqarfiup isumaa malillugu paasissutissat taakku unnerluutigineqartup illersorneqarnerani pingaaruteqartussaannngillat.

Tamanna politiini tjenestemandip imaluunniit atorfillip kinaassusaata isertuunneqarnissaa eqqarsaatigalugu, aamma § 458, imm. 4-tut siunnersuutigineqartoq malillugu unnerluunneqartup illersorneqarnerani pingaarutilittut isigineqarpat, politiini tjenestemandi imaluunniit politiini atorfilik, § 349 a-mi taaneqartunik iliuseqarsimasoq killisiorneqartussaaticutillugu, unnerluunneqartup eqqartuussivik qimassagaa, eqqartuussivimmi suliap ingerlanneqarnerani eqqartuussisup aqutsisuusup aalajangersinnaavaa.

Unnerluutigineqartup eqqartuussivimmit anisinneqarnissaanut politiini kilitsissiap kinaassusaata isertuunneqarnissaata eqqarsaatigineqarnera, siullertut piunasaqaatigineqarpoq. Pisumi politiini kilitsissiap unnerluunneqartumit takuneqarnerani, pineqartup politiinit kilitsissiatut atoqqinneqarsinnaajunnaarneranik kinguneqarnissaa uani pingaaruteqassaaq. Taassuma pinerluttoqarsimaneranik paasiniaanermut atatillugu unnerluunneqartoq arlaqanngitsunit amerlanerusumik naapittarsimappagu, taamaattoqarnera malittarisassap atorineqarnissaanut akerliuvoq. Aammattaaq politiinit politiini tjenestemandip imaluunniit politiini atorfillip pineqartup, matumani ingammik taanna kilitsissiaanissaminut immikkut ittumik ilinniartinneqarsimanera imaluunniit siusinnerusukkut kilitsissiatut atorineqarsimanerminit immikkut ittumik misilittagaqarnera ilanngullugit, suli kilitsissiatut atoqqinneqarsinnaanerata pingaaruteqassusaa aalajangissallugu pingaaruteqarpoq. Naggataagut – unnerluunneqartup eqqartuussivimmit anisinneqarnissaraluanut qinigassatut allatut – qanoq iliornissamut piareersaatit sularineqarsinnaannginnersut, taamaaliernerup politiini kilitsissiaq ilisarineqarsinnaajunnaarsinneqarluni, assersuutigalugu ilisarnarunnaarsarluni atisalersorneq ikiortigalugu, eqqarsaatersuutigisariaqarpoq.

Tulliullugu pisoq, unnerluunneqartup politiini kilitsissiamik takunnissimanninnerani, unnerluunneqartup illersorneqarneranut pingaarutilimmik kinguneqassanngilaq. Tassunga atatillugu illersuisup ilisimannittup nassuiaanerani isiginnaartuunissamik kiisalu ilisimannittumut apersuisinnaanermik pisinnaatitaaffia, malittarisassatut siunnersuutigineqartunit sunnerneqassanngillat. Taamaalilluni unnerluunneqartup peqannginnerani nassuiaatigineqartunik, unnerluunneqartup ilisimannittut nassuiaataasa imaannik piunasaqaatitaqanngitsumik ilisimatinneqarnissamik piunasaqaateqarsinnaanera pillugu aalajangersakkami pineqartumi (§ 458, imm. 2-imi imm. 7-nngortumi), allannguisoqanngilaq.

Aammattaaq § 488, imm. 1, nr. 6-imi § 458, imm. 4-mut innersuussuttip ilanngunneqarnissaa siunnersuutigineqarpoq, taamaalilluni unnerluussisussaataasunit, illersuisumit imaluunniit ilisimannittumit noqqaassuteqartoqarneratigut, politiini tjenestemandip imaluunniit politiini atorfillip, § 349 a-mi taaneqartunik iliuseqarsimasup killisiorneqarnissaani, unnerluussap eqqartuussivimmit qimagunnissaa,

eqqartuussiviup pingaarnertut isumaqatigiinniarneq sioqqullugu aalajangersinnaavaa.

## **2.9.2 Suliani politiini kilitsissianik atuisoqarsimatillugu matut matuneqartarnerat**

Eqqartuussisarnermik inatsimmi § 458-imi aalajangersagaq inatsimmi matup matuneqarnissaat pillugu aalajangersakkanik ilaneqarpoq. Politiini tjenestemandimik imaluunniit politiini atorfilimmik illersuineq, politiini kilitsissiap kinaassusaata isertuunneqarnissaa siunnersuutikkut anguneqarniarpoq aamma politiini kilitsissiap nassuiaateqarnerani unnerluunneqartup isiginnaarsinnaatitaannginnera, taamaalilluni unnerluunneqartumut attaveqartunik isiginnaartunik nassuiaaneq isiginnaarneqarsinnaappat aamma imaqarnersiorneqarsinnaappat, piviusuujunnaassaaq.

Politiini kilitsissiaq, § 349 a-mi taaneqartunik iliuuseqarsimasoq, nassuiaasussaataillugu, eqqartuussisarnermik inatsimmi § 115, imm. 3-mi, unnerluussisussaataitasut noqqaassuteqarnerisigut matut matuneqartarnissaat pillugu aalajangersakkamik ilanngussisoqassasoq, taamaammat siunnersuutigineqarpoq.

Matumuuna politiini kilitsissiap pineqartup nassuiaanerani unnerluussisussaataitasut matunik matusinissaq piunasaqaatigisinnaalerpaat. Politiini kilitsissiap kinaassusaata tusarnaartunit, unnerluutigineqartumut attaveqaateqarsimagunik attaveqateqartunit imaluunniit inunnit amerlanernit, ilisimaneqalinnginnissaata qulakkeerneqarnissaa matut matunerisigut periarfissaalissaq. Assersuutigalugu unnerluutigineqartup avatangiisini pinerluttuliorfusuni ikinngutaanit politiini kilitsissiap pillaatitut akiniuteqarfigneqarnissaanut taamaaliornerup illersorsinnaavaa, soorlu aamma politiini kilitsissiap kinaassusaata isertuunneqarnerata kingusinnerusukkut suliani kilitsissiatut pineqartup atorneqarsinnaaneranut pingaarutilimmik piunasaqaataavoq. Unnerluussisussaataitasut piunasaqaatitaqanngitsumik matut matuneqarnissaannik piunasaqaateqarsinnaanissaat pillugu siunnersuut, aaqqissuussaasumik pinerluttuliornerit akiorniarlugit sunniuteqarluartumik suliniuteqarnermut, politiini kilitsissiat atorneqarnerisa qitiusumik pingaaruteqassusiannik tunngaveqartinneqarpoq, kiisalu politiini kilitsissiap kinaassusaata tamanut saqqummiunneqarnissaanut, nalinginnaasumik politiit piviusumik politiini kilitsissianik atuinernannut pingaarutilimmik kinguneqartarneranut qularnaarinninnerulluni.



§ 115, imm. 3-tut siunnersuutigineqartup malitsigisaanik, eqqartuussisarnermik inatsimmi § 448, imm. 1, nr. 2 malillugu § 115 malillugu matunik matusinissamik noqqaassuteqarneq eqqartuussiviup pingaarnertut isumaqatigiinniarneq sioqqullugu aamma aalajangersinnaalissavaa.

Inunnut uniformeqaangitsunut, eqqartuussisarnermik inatsimmi § 349 b, imm. 2, oqaaseqatigiit aappaanni aalajangersagassatut siunnersuutigineqartumi ilaatinneqartunik iliuuseqarsimasunut, taanna suliap suliarineqarnerani tamanut ammasumik eqqartuussisoqartillugu, ilisimannittut isumannaatsuunissaanut aarlerinaateqalersitsisinaanera ilimagineqarpat, matut matuneqartarnerat pillugu qulaani taaneqareersutut matut matuneqartarnerat pillugu eqqartuussisarnermi inatsimmi § 114, imm. 2, nr. 2-mi aalajangersagaq, § 114, imm. 2, nr. 3-nngortoq, atuuttoq atuuppoq.

### **2.9.3 Ilisimannittunut peqqussutit**

Qallunaat inatsisissatut siunnersuutaata suliarineqarneranut atatillugu kilitsissiap eqqartuussivimmi killisiorneqarnissaa pillugu aalajangiisoqassatillugu, suliap inerneqarnissaanut pingaaruteqarsinnaasut pissutsit pillugit aarlerinangitsumik pissutsit tamaasa pillugit paasissutissiissuteqartoqarnissaa pinerluttulerinermi eqqartuussisarnermi innimigisassatut pingaartinneqartariaqassaaq – matumani kilitsissianik atuinermi aalajangersimasumik qisuariatitsiniarnermut inerteqquteqarnermut killissarititaasoq qaangerneqarsimanersoq ilanngullugu. Eqqarsaatigisassat assingi ministereqarfiup isumaa malillugu malittarisassat Kalaallit Nunaanni atorneqarnissaannut atuupput.

Kalaallit Nunaanni eqqartuussisarnermik inatsimmi – naak taanna imm. 2, nr. 3-mi nassuiaasussaajunnaarsitaanermut pissutissamik taasisoqarnera (nassuiaanerup ilisimannittoq imminut imaluunniit taassuma qanigisaanut pingaarutilimmik ajoqusissagaa) atuukkaluartoq – ilisimannittoq politiiunut kilitsissiatut atuussimappat, aamma suliap qanoq issusia akuusumullu pineqartumut pingaaruteqarnera imaluunniit inuiaqatigiinnit tamanna pissutissaqartutut isigineqarpat – ilisimannittup nassuiaateqaqqullugu eqqartuussiviup peqqusisinaanera pillugu eqqartuussisarnermik inatsimmi § 144-imi immikkoortutut nutaatut, immikkoortoq 4 ilanngunneqassasoq tamanna tunngavigalugu siunnersuutigineqarpoq.

Kilitsissiamik eqqartuussivimmi killisiuineq pissutsit atuuttut malillugit kilitsissiap navianartorsiortinneqarneranik kinguneqarsinnaavoq. Kisianni – soorlu qallunaat eqqartuussisarnermik inatsisaanni kilitsissiat pillugit malittarisassat malillugit kilitsissiap eqqartuussivimmi ilisimannittut qanoq annertutigisumik aamma qanoq ililluni ilisimannittut nassuiaanissamik peqquneqarsinnaanera eqqartuussiviup piviusumik naliliiffigissavaa.

Eqqartuussisarnermik inatsimmi ilisimannittut nassuiaasussaajunnaarsitaasarnerat pillugit aalajangersakkat aamma ilisimannittup nassuiaateqarnissaanik peqqusisinnaaneq siunnersuutigineqartoq, Inatsiseqarnermut ministereqarfiup isumaa malillugu kilitsissiap isumannaatsuunissaata aamma kilitsissiap ilisimannittut nassuiaatissaata pingaaruteqarnerata akornanni oqimaaqatigiissinneqarnerisa missingersuunneratigut pissaaq.

#### **2.9.4 Eqqartuussivimmi inuit uniformeqaangitsut killisiorneqarnerat**

Kilitsissiat atoqqinneqarnissaanik eqqarsaatiginnineq, inuit uniformeqaangitsut, § 349 b, imm. 2, oqaaseqatigiit aappaanni aalajangersagassatut siunnersuutigineqartumi iliuutsinik ilaatinneqartunik iliuuseqarsimasut, pineqartillugit assigisaanik atuutinngilaq. Inuk uniformeqaangitsoq taamaa ittoq, nalinginnaasumik avatangiisini pinerluuteqarfiusuni angalaartartoq, politiini kilitsissiatut, allamik kinaassusilerluni, sulineq ajorpoq.

Pisuni unnerluunneqartoq ilisimannittorlu imminnut ilisarimatillugit, kinaassuseq isertuullugu ilisimannittut nassuiaasoqarnissaanik akuersissuteqarnek pisarnermisut nangaanartoqarsinnaavoq. Ilisimannittoq immikkut ittumik pissuteqarsinnaavoq imaluunniit soqutigisaqarluni, taakkulu ilisimannittut oqaaseqaatai sunnersinnaavaat, aamma taakku avataaniittumit qulaajassallugit ajornakusoorsinnaapput.

Nangaassutigineqarsinnaasut taakku pingaartumik pisuni unnerluunneqartup ilisimannittullu avatangiisit pinerluuteqarfiusut ilaaffigippatigit, qallunaat inatsisissaattut siunnersuutaata suliarineqarneranut atatillugu, kinaassutsimik isertuussilluni ilisimannittup nassuaatinneqarnissaa inatsisitigut isumannaatsuuneq pillugu nangaanartoq, Inatsiseqarnermut ministereqarfiup nalilersimava. Ministereqarfiup isumaa malillugu Kalaallit Nunaanni malittarisassat atornissaannut eqqarsaatigisassat taakku aamma atuupput. Nassuiaat ilisimannittumut

imminermut imaluunniit taassuma qanigisaanut pingaarutilimmik ajoqusiissappat, inuup uniformeqaqqangitsup eqqartuussisarnermik inatsimmi § 144, imm. 2, nr. 3 malillugu ilisimannittut nassuiaasussaataainganneq pillugu malittarisassaq innersuussutigisinnaavaa, tamatumalu kingorna nassuiaateqarnissamik pisussaaffeerutissalluni. Taamaattoq suliap qanoq issusaa aamma akuusumut pineqartumut pingaaruteqassusaa imaluunniit inuiaqatigiit tamanna pissutissaqartippassuk, § 144, imm. 4 malillugu eqqartuussiviup pisuni taamaattuni ilisimannittoq nassuiaateqaqqullugu peqqusinnaavaa.

Tamatuma saniatigut tamanut ammasumik eqqartuussivimmi suliap suliarineqarnerata, ilisimannittup isumannaatsuunissaanut aarlerinaammik kinguneqarneqarnissaa isumaqarfigineqarpat, matut matuneqarnissaat pillugu aalajangersakkami § 114, imm. 2, nr. 2-miittumi aalajangersagaq atuuttoq malillugu, matut matuneqarnissaat aalajangerneqarsinnaavoq.

§ 114, imm. 2, nr. 2-tut siunnersuutigineqartup malitsigisaanik, eqqartuussisarnermik inatsimmi § 448, imm. 1, nr. 2 malillugu § 114 malillugu matunik matusinissamik noqqaassuteqarneq eqqartuussiviup pingaarnertut isumaqatigiinniarneq sioqqullugu aamma aalajangersinnaalissavaa.

## **2.10 Allatigut politiini tjestemandit eqqartuussivimmi nassuiaanerat**

Qallunaat inatsisissatut siunnersuutaata suliarineqarneranut atatillugu kilitsissianit suliniutiviit pineqartinnagit – politiini tjestemandip ilisimannittut nassuiaatinneqarnissaa pillugu aalajangersakkamik aalajangiisoqarnissaanik pisariaqartitsisoqarsinnaasoq Inatsiseqarnermut ministereqarfik isumaqarpoq, taamaalilluni pineqartup inuinnartut atia ilisimatitsissutigineqassanngimmat. Uani politiini tjestemandit pineqarput, taakkulu politiini immikkut atuuffinut pineqartup kinaassusaata ilisimaneqaqqanginnissaa apeqqutaalluinnarpoq. Uani ilaatigut politiini tjestemandit ikittuinnaat, isertortumik paasissutissiisartut suliaqarnissamik immikkut ittumik ilinniartinneqarsimapput. Aamma assersuutigalugu politiini tjestemandit, isertuussamik tusarnaarnissamut atortunik ikkussuisinnaapput imaluunniit inummik aalajangersimasumik isertortumik malersuisinnaallutik. Politiiini tjestemandit, taamatut immikkut ittumik atuuffillit, immikkut ittumik ilinniagaqarsimasuusarput aamma amerlanertigut sivisuumik misilittagaqarsimasarlutik. Qanoq ateqarneri ilisimaneqalerpata, aamma taamaattoqarsimappat, qanoq

isikkoqarneri ilisimaneqalerpata, amerlanertigut taakku immikkut ittumik suliassanut taakkununga atorneqaqqissinnaajunnaassapput. Ministereqarfiup isumaa malillugu Kalaallit Nunaanni malittarisassat atornissaannut eqqarsaatigisassat taakku aamma atuupput.

Tamanna tunngavigalugu eqqartuussisarnermik inatsimmi § 458-imi immikkoortumik nutaamik ilanngussisoqarnissaa siunnersuutigineqarpoq, tamatumalu kingorna ilisimannittup immikkut ittumik kiffartuussinermik ingerlatsinerannut pingaarutilimmik eqqarsaatigisassat tamanna pissutissaqartippassuk, aamma § 458, imm. 3-mi malittarisassat siunnersuutigineqartoq malillugu unnerluunneqartup illersorneqarneranut paasissutissat pingaaruteqanngitsutut isigineqarpata, politiini tjenestemandip, ilisimannittutut nassuiaasup, atiata aamma najugaata paasissutissiissutigineqannginnissaat eqqartuussivimmi suliap ingerlanneqarnerani eqqartuussisup aqutsisuusup aalajangersinnaavaa.

Ilisimannittup immikkut ittumik kiffartuussinermik ingerlatsineq tunuliaqutaralugu suliaqarnissaa uani taamaammat pingaaruteqarpoq – aamma tamanna tassunga pingaarutilimmik eqqarsaatigisassaavoq. Politiini tjenestemandi, politiit suliasaanik nalinginnaasunik suliaqartoq, taamaammat aalajangersagassat siunnersuutigineqartumi ilaatinneqarnaviangilaq.

Tamatuma saniatigut politiini tjenestemandip atia aamma najugaqarfia pillugu paasissutissat unnerluutigineqartup illersorneqarnerani pingaaruteqanngitsutut isigineqarnissaat piumasaqaataavoq. Uani unnerluutigineqartup ilisimannittup nassuiaataanut isummersinnaanissaanut periarfissaqarnissaata, unnerluutigineqartup politiini tjenestemandiusup nammineq atianik najugaanillu ilisimasaqannginneranik killilerneqarnissaa, pingaaruteqartussaassaaq. Politiini tjenestemandinut sulisaaseq malillugu najugaq pillugu oqaatsip imarisaa ima paasineqassaaq, sumiiffimmi suliffiata assigigaa.

§ 458, imm. 3-tut siunnersuutigineqartup kingunerisaanik, § 448, imm. 1-imi nutaamik normumik ilanngussisoqassaaq, taamaalilluni pingaarnertut isumaqatigiinniarneq sioqqullugu § 448, imm. 1 nr. 7-itut siunnersuutigineqartoq malillugu, unnerluussisussaataasut, illersuisup imaluunniit ilisimannittup noqqaassuteqarnerisigut, politiini tjenestemandip, ilisimannittutut nassuiaateqartup atiata najugaatalu paasissutissiissutigineqannginnissaat pillugu eqqartuussivik aalajangiisinnaangussaaq.

Aammattaaq § 458, imm. 4-itut siunnersuutigineqartup malitsigisaanik, § 448, imm. 1 nr. 6-itut siunnersuutigineqartoq malillugu, politiini tjenestemandi immikkut ittumik kiffartuussinermik ingerlatsisoq killisiorneqartussaattillugu, unnerluutigineqartup eqqartuussivik qimassagaa, eqqartuussivik sioqqutsisumik aalajangiisinnaasariaqartoq siunnersuutigineqarpoq.

Suli kingunerisat ilaattut aammattaaq § 443-imi nutaamik immikkoortumik ilanngussisoqarnissaa siunnersuutigineqarpoq, taamaalilluni politiini tjenestemandit immikkut ittumik kiffartuussinermik ingerlatsisut – politiini tjenestemandit, kilitsissiatut sulisimasut pineqartillugit siunnersuutigineqartut assigalugit – § 443, imm. 3-tut siunnersuutigineqartoq malillugu uppersaattit pillugit nalunaarsuiffimmi nammineq aterinngisaminnik allatut atilerlugit taaneqarnissaat aamma najugaqarfiisa taaneqannginnissaat siunnersuutigineqarpoq.

Ilisimannittoq killisiorneqartinnagu eqqartuussiviup ilisimannittup kinaassusaa pillugu qularnaarinninnissaa pillugu § 153-imi ilaatigut § 458, imm. 3-tut siunnersuutigineqartumut innersuussissummik ilanngussisoqarnissaa aammattaaq siunnersuutigineqarpoq.

Tamanna politiini tjenestemandip kinaassusaata isertuunneqarnissaata eqqarsaatigineqarneranut pisariaqartinneqarpat, aamma § 458, imm. 4-tut aalajangersagassatut siunnersuutigineqartoq malillugu unnerluussaasup illersorneqarneranut pingaaruteqanngitsutut isigineqarpat, politiini tjenestemandi immikkut ittumik kiffartuussinermik ingerlatsisoq killisiorneqartussaattillugu, unnerluussaasup eqqartuussivimmit qimagunnissaa pillugu, eqqartuussivimmi suliap ingerlanneqarnerani eqqartuussisoq aqutsisoq aalajangiisinnaavoq.

Politiini tjenestemandip kinaassusaata illersorneqarnissaa suli pitsanngorsarniarlugu, eqqartuussinermi tamanut ammasumi suliap sularineqarnerata politiini tjenestemandip immikkut ittumik kiffartuussinermik ingerlatsisup kinaassusaata paasisitsissutigineqarnissaa ilimagineqarpat, § 114, imm. 2-mi pinerluttoqarneranik suliat pillugit eqqartuussivik matut matuneqarnissaanik aalajangiisinnaasoq pillugu nutaamik normumik ilanngussisoqarnissaa siunnersuutigineqarpoq.

### **3. Pisortanut aningaasaqarnikkut kinguneri aamma atuutilersitsinerup kinguneri**

Inatsiseqarnermut ministereqarfiup suliassaqarfianut inatsisissatut siunnersuut killilimmik aningaasartuuteqarnerunermik kinguneqassasoq naatsorsuutigineqarpoq, taakkulu Inatsiseqarnermut ministereqarfimmut aningaasatigut killissarititaasut iluannit aningaasalersorneqarsinnaanerat naatsorsuutigineqarpoq.

### **4. Inuussutissarsiortunut il.il. aningaasaqarnikkut allaffissornikkullu kinguneri**

Inuussutissarsiortunut il.il. inatsisissatut siunnersuut allaffissornikkut kinguneqassanngilaq.

### **5. Innuttaasunut allaffissornikkut kinguneri**

Innuttaasunut inatsisissatut siunnersuut allaffissornikkut kinguneqassanngilaq.

### **6. Avatangiisinut kinguneri**

Inatsisissatut siunnersuut silaannaap pissusaanut avatangiisinullu kinguneqassanngilaq.

### **7. EU-mi inatsisinut pissutsit**

Inatsisissatut siunnersuut EU-mi inatsisitigut tunngasunik isiginniffinnik imaqanngilaq.

### **8. Oqartussat suleqatigiiffillu il.il. tusarniaaffigineqartut**

Inatsisissatut siunnersuummut missingiut piffissami ullormiit 16. maj 2023 oqartussaasuni suleqatigiiffinnilu il.il. tulliuttuni tusarniutigalugu nassiunneqarpoq:

Advokatrådet, Advokatsamfundet, Amnesty International, Avannaata Kommunua, Danske Advokater, Dansk IT, Datatilsynet, Den Danske Dommerforening, Det Kriminalpræventive Råd, Politiit pillugit Naammagittaalliuuteqartarfik Arlaannaannulluunniit

Attuumassuteqanngitsoq, Dommerfuldmægtigforeningen, Domstolsstyrelsen, Kalaallit Nunaanni illersuisut peqatigiiffiat, Foreningen af Advokater og Advokatfuldmægtige, Foreningen af Offentlige Anklagere, Foreningen af Offentlige Anklagere i Grønland, Foreningen af Statsadvokater, Fængselsforbundet, Grønlandske Advokater, Nunatta Eqqartuussisuuneqarfia, Grønlands Politiforening, Inuit pisinnaatitaaffii pillugit Siunnersuisoqatigiit, Institut for Menneskerettigheder, Justitia, Kommune Qeqertalik, Kommuneqarfik Sermersooq, Kommune Kujalleq, Sumiiffinni eqqartuussisut peqatigiiffiat, Kriminalforsorgsforeningen, Kriminalpolitisk Forening (KRIM), Landsforeningen af Forsvarsadvokater, Nunatta Illersuisuunera, Nunatsinni Advokatit, PiSiu (Kalaallit Nunaanni Pinerlutsaaliuinnermut Siunnersuisoqatigiit), Politiforbundet i Danmark, Retspolitisk Forening, Nunatsinni Eqqartuussivik, Rigsadvokaten, Rigspolitiet, Rådet for Digital Sikkerhed, Østre Landsret, Venstre Landsret aamma Qeqqata Kommunua.

## 9. Immersugaq eqikkaaffiusoq

	Pitsaasumik sunniutissai/aningaas artuutikinnerunerit (angeruit, annertussusaa allaguk/Naaggaaruit allaguk »Soqanngilaq«)	Ajortumik sunniutissai/aningaa sartuu- teqarnerunissaq (angeruit, annertussusaa allaguk/Naaggaaruit allaguk »Soqanngilaq«)
Naalagaaffimmut, kommuninut nunallu immikkoortuinut aningaasaqarnikkut kinguneri	Soqanngilaq	Inatsiseqarnermut ministereqarfiup suliassaqarfianut inatsisissatut siunnersuut killilimmik aningaasartuuteqarn erunermik kinguneqassasoq naatsorsuutigineqarp oq, taakkulu Inatsiseqarnermut ministereqarfimmut aningaasatigut

		killissarititaasut iluannit anigaasalersorneqa rsinnaanerata naatsorsuutigineqarp oq.
Naalagaaffimmut, kommuninut nunallu immikkoortuinut atuutilersitsinerup kinguneri	Soqanngilaq	Soqanngilaq
Inuussutissarsiortunut anigaasaqarnikkut kinguneri	Soqanngilaq	Soqanngilaq
Inuussutissarsiortunut allaffissornikkut kinguneri	Soqanngilaq	Soqanngilaq
Innuttaasunut allaffissornikkut kinguneri	Soqanngilaq	Soqanngilaq
Innuttaasunut allaffissornikkut kinguneri	Soqanngilaq	Soqanngilaq
EU-mi inatsisitigut tunngassuteqartut	Inatsisissatut siunnersuut EU-mi inatsisitigut tunngasunik isiginniffinnik imaqanngilaq.	
EU-mi inuussutissarsiornermut sammititamik malittarisassiornermi tunngaviusut tallimaasut atortuulersinneqarnissaannu t akerliuvoq/EU-mi malittarisassiuinermi minnerpaamik piumasaqaatinik qaangiivoq (X-ileruk)	Aap	Naagga  X



## Inatsisissatut siunnersuummi aalajangersakkanut ataasiakkaanut oqaaseqaatit

### *§ 1-imut*

Nr. 1-imut (§ 114, imm. 2)

Eqqartuussisarnermik inatsimmi § 114, imm. 2 malillugu pinerluttulerinermik suliani, pasisaq (unnerluussaasoq) 18-it inorlugit ukioqarpat, tamanut ammasumik eqqartuussisoqarnerani suliap arlaata isumannaatsuunissaa navianartorsiortissagaa ilimagineqarpat, imaluunniit tamanut ammasumik eqqartuussisoqarnerani suliap paasissutissinneqarnissaanut pingaarutilimmik akornusiinissaa ilimagineqarpat, eqqartuussivik matut matuneqarnissaa pillugit aalajangiisinnaavoq.

Eqqartuussisarnermik inatsimmi § 114, imm. 2, nr. 2-mi, nr. 1-ip kingorna qallunaat eqqartuussisarnermik inatsisaanni § 29, imm. 3, nr. 2-p assigisaanik normumik nutaamik ilanngussisoqarnissaa siunnersuutigineqarpoq, tamatumalu kingorna politiini tjenestemandi immikkut ittumik kiffartuussinermik ingerlatsisoq nassuiaasussaattillugu, aamma immikkut ittumik kiffartuussinermik ingerlatsinera taanna eqqarsaatigalugu kinaassutsip isertuunneqarnissaa pisariaqarpat, pinerluttulerinermik suliani matut matullugit eqqartuussinerup ingerlanneqarnissaa pillugu eqqartuussivik aalajangiisinnaavoq.

Politiini tjenestemandi immikkut ittumik kiffartuussinermik ingerlatsisoq pillugu oqaatsit imarisaat, ingammik politiini tjenestemandi, politiini immikkut ittumik atuuffianut inuttut kinaassusaata ilisimaneqannginnissaa apeqqutaasoq pineqarpoq. Tassani ilaatigut politiini tjenestemandit ikitsunnguit, isersortumik paasissutissiisartutut sulinissamik iliniagaqarsimasut pineqarput. Uani aamma politiini tjenestemandit, isertuussamik tusarnaarnissamat atortunik ikkussuisinnaasut imaluunniit inummik aalajangersimasumik isertortumik malersuisinnaasut pineqarsinnaapput.

§§ 443-imi aamma 458-imi aalajangersakkanik allannguineranut siunnersuutigineqartunut aalajangersagassatut siunnersuutigineqartoq ataqatigiissillugu isigineqassaaq.

Aammattaaq aalajangersagaq eqqartuussisarnermik inatsimmi § 448, imm. 1, nr. 2-mut ataqatigiissillugu isigineqassaaq, tamatumalu kingorna pingaarnertut isumaqatigiinniarnert sioqqullugit, unnerluussisunit, illersuisumit imaluunniit ilisimannittumilluunniit noqqaasoqarneratigut, §§ 114-imiit 115 ilanngullugu malillugit matut matuneqarnissaannik eqqartuussivik aalajangiisinnaavoq.

Aammattaaq oqaaseqaatini nalinginnaasuni imm. 2.10-mut aamma inatsisissatut siunnersuutip § 1, nr. 7-anut aamma § 1, nr. 8-aanut aamma 9-anut oqaaseqaatit innersuussutigineqarput.

Nr. 2-mut (§ 114, imm. 3)

Eqqartuussisarnermik inatsimmi § 114, imm. 2-p allanngortinneqarnissaannut siunnersuutip kingunerisaatut, § 114, imm. 3-mut innersuussineq, § 114, imm. 2, nr. 4-imut innersuussinertut allanngortinneqassasoq siunnersuutigineqarpoq.

Nr. 3-mut (§ 115, imm. 3)

Eqqartuussisarnermik inatsimmi § 115-ip imm. 2-p kingorna imm. 3-mik nutaamik, qallunaat eqqartuussisarnermik inatsisaanni § 29 a, imm. 3-p assinganik, ilanngussisoqarnissaa siunnersuutigineqarpoq.

Politiini tjenestemandi imaluunniit politiini atorfilik, § 349 a-mi taaneqartunik iliutsinik suliaqarsimasoq nassuiaasussaattillugu, unnerluussisussaataitaasut noqqaassuteqarnerisigut, matut matuneqartarnissaat aalajangersagassatut siunnersuutigineqartup malitsigaa.

Politiini tjenestemandi imaluunniit politiini atorfilik, eqqartuussisarnermik inatsimmi § 349 a-tut siunnersuutigineqartoq malillugu kilitsissiatut atuussimasoq nassuiaasussaattillugu, matumuuna unnerluussisussaataitaasut piunasaqaatitaqanngitsumik matut matuneqarnissaannik piunasaqaateqarsinnaalerput.

Politiini kilitsissiap kingusinnerusukkut kilitsissiatut atorneqaqqissinnaanerata qulakkeerneqarnissaa aalajangersagassatut siunnersuutigineqartup siunertaraa.

§§ 443-imi aamma 458-imi aalajangersakkanik allannguinernut siunnersuutigineqartunut aalajangersagassatut siunnersuutigineqartoq ataqatigiissillugu isigineqassaaq.

Aammattaaq aalajangersagaq eqqartuussisarnermik inatsimmi § 448, imm. 1, nr. 2-mut ataqatigiissillugu isigineqassaaq, tamatumalu kingorna pingaarnertut isumaqatigiinniarnert sioqqullugit, unnerluussisunit, illersuisumit imaluunniit ilisimannittumilluunniit noqqaasoqarneratigut, §§ 114-imiit 115 ilanngullugu malillugit matut matuneqarnissaannik eqqartuussivik aalajangiisinnaavoq.

Aammattaaq oqaaseqaatini nalinginnaasuni imm. 2.9-mut aamma inatsisissatut siunnersuutip § 1, nr. 7-anut aamma § 1, nr. 8-aanut aamma 9-anut oqaaseqaatit innersuussutigineqarput.

Nr. 4-imut (§ 144, imm. 4)

Eqqartuussisarnermik inatsimmi § 144-imi imm. 3-p kingorna, qallunaat eqqartuussisarnermik inatsisaanni § 171, imm. 4-p assigisaanik, imm. 4-imik nutaamik ilanngussisoqassasoq siunnersuutigineqarpoq. Nalinginnaasumik oqaaseqaatini imm. 2.9.3 aamma 2.9.4 kiisalu Nalunaaruteqartarnermi isertuussinissamat politiit akuliuttarnerat aamma kilitsissiat atornerat pillugu Pillaasarnermik eqqartuussisarneq pillugu ataatsimiititaliap isumaliutissiissutaani nr. 1023/1984-imi quppernerit 186-imiit 193 ilanngullugu aamma 204-imiit 205 ilanngullugu innersuussutigineqarput.

Nr. 5-imut (§ 153)

Eqqartuussisarnermik inatsimmi § 153, oqaaseqatigiit siulliit malillugit, ilisimannittup killisiorneqarnissaa sioqqullugu, ilisimannittup kinaassusaa eqqartuussiviup qulakkiissavaa, aamma ilisimannittup nassuiaanissaanut suulluunniit akornusiinnginnissaat qulakkiissallugu.

§ 153-imi § 458, imm. 2-tut aamma 3-tut aalajangersagassatut siunnersuutigineqartunut innersuussinerup ilanngunneqarnissaa siunnersuutigineqarpoq, tamatumalu kingorna politiit tjestemandi imaluunniit atorfilik, eqqartuussisarnermik inatsimmi § 349 a-tut siunnersuutigineqartoq malillugu kilitsissiatut sulisimasoq, atiminik najukkaminillu taasinani nassuiaateqarsinnaavoq, soorlu aamma ilisimannittup immikkut ittumik atorfimmini atuuffiata tamanna pissutissaqartippagu, aamma paasissutissat unnerluunneqartup illersorneqarneranut pingaaruteqanngitsutut isigineqarpata, politiini tjestemandip ilisimannittutut nassuiaasup atiata najugaatalu

taaneqannginnissaat pillugit eqqartuussiviup siullittaasua aalajangiisinnaasoq.

Politiini tjenestemandimit imaluunniit politiini atorfilimmit, kilitsissiatut atuussimasumit, imaluunniit politiini tjenestemandimit immikkut ittumik kiffartuussinermik ingerlatsisumit, tassani immikkut ittumik kiffartuussinermik ingerlatsinerup eqqarsaatigineqarnissaa pillugu kinaassutsip isertuuneqarnissaa pingaaruteqarpat, nassuiaasoqartussaaitillugu, pineqartup politiini tjenestemandiunera imaluunniit politiini atorfeqarnera pillugu allakkatigut uppernarsaatinik eqqartuussivik piumasqaarsinnaavoq.

Nalinginnaasumik oqaaseqaatini imm. 2.9 aamma 2.10 innersuussutigineqarput.

Nr. 6-imut

Eqqartuussisarnermik inatsimmi qallunaat eqqartuussisarnermik inatsisaanni § 754 a-miit 754 e ilanngullugu aalajangersakkat assigisaannik § 349 a-miit 349 e ilanngullugu aalajangersakkanik arlalinnik ilanngussisoqarnissaa siunnersuutigineqarpoq. Aalajangersakkani taakkunani politiit inatsisinik unioqqutitsinerit pillugit pinerluttoqarsimaneranik paasiniaanerminnut ilaatillugu kilitsissianik atuisinnaanerit pillugu piumasqaatinik erseqqinnersunik aalajangiinerit ilaatigut pineqarput.

*§ 349 a, imm. 1-imut*

Politiit inatsimmik unioqqutitsisoqarsimanera pillugu paasiniaanerminnut atatillugu, piumasqaatit imm. 1-imi nr. 1-imiit 3 ilanngullugu naammassineqarsimatinnagit, nammineerlutik suliniuteqarnermikkut kimulluunniit inatsimmik unioqqutitsinissamut imaluunniit inatsimmik unioqqutitsinerup nangiinnarnissaanut ikiuinissamut neqerooruteqassanngitsut, eqqartuussisarnermik inatsimmi § 349 a, imm. 1 aqqutigalugu siunnersuutigineqarpoq.

*§ 349 a, imm. 1, nr. 1-imut*

Politiit kilitsissianik atuinerrannut, inatsimmik unioqqutitsisoqalenera imaluunniit misiliisoqarsimanera pissutissaqartumik pasitsaanneqassasoq, eqqartuussisarnermik inatsimmi § 349 a, imm. 1, nr. 1-ikkut piumasqaataassasoq siunnersuutigineqarpoq.

Pasitsaassinnermik piusaqaat siunnersuutigineqartoq eqqartuussisarnermik inatsimmi § 359, imm. 2-imi pasisap tigummigallarneqarnerani, kiisalu eqqartuussisarnermik inatsimmi § 403, imm. 1 malillugu timip misissorneqarnerani, aamma eqqartuussisarnermik inatsimmi § 434, imm. 2 malillugu pinerluuteqarsimasutut ilimagineqartup assingata tamanut saqqummiunneqarnerani, pasitsaassinnermik piunasaqaatip assigaa.

Aammattaaq oqaaseqaatini nalinginnaasuni immikkoortoq 2.3.1 innersuunneqarpoq.

*§ 349 a, imm. 1, nr. 2-mut*

Eqqartuussisarnermik inatsimmi § 349 a, imm. 1, nr. 2 siunnersuutigineqartoq aqqutigalugu pinerluttoqarsimaneranik paasiniaanermi iliuuserineqartup pinerluttoqarsimaneranik paasiniaanermut pingaaruteqartumik kinguneqarnissaa ilimagineqassasoq, politiit kilitsissianik atuisinnaanerannut piunasaqaataavoq. Tamanna pinerluttoqarsimaneranik paasiniaanermi iliuuserineqarsinnaasuni periarfissani kisiartaappat, politiit taamaallaat kilitsissianik atuisinnaanerani, piunasaqaatip uuma kinguneraa. Politiit aamma piunasaqaat malillugu pisuni periarfissat allat atorineqarsinnaatillugit, kisianni periarfissat taakku assersuutigalugu nalorninaateqarpata, pinerluttoqarsimaneranik paasiniaanermik ingerlatitseqqinnissamut ajoqusiinissaat aarlerinaateqarpata imaluunniit isumalluutininik piunasaqaateqarpallaarpata, kilitsissianik atuisinnaassapput.

Ilisarnaatit pillugit piunasaqaatip eqqartuussisarnermik inatsimmi nalunaaruteqartarnermi isertuussinissamut akuliunneq pillugu § 384, imm. 1, nr. 2-tut oqaasertaliussat assigai.

Aammattaaq oqaaseqaatini nalinginnaasuni immikkoortoq 2.3.2 innersuussutigineqarpoq.

*§ 349 a, imm. 1, nr. 3-imut*

Eqqartuussisarnermik inatsimmi § 349 a, imm. 1, nr. 3-mi, pinerluttoqarsimaneranik paasiniaaneq inatsimmik unioqqutitsinnermut sakkortuumut tunngassuteqarnissaa pillugu, imaluunniit pinerluttoqarsimaneranik paasiniaaneq inuit 18-it inorlugit ukiullit assiininik imaluunniit atorinissanik taakkununga kinguaassiutitigut innarliinnermut tunngassuteqartunik siammarterineq pigisaqarnerlu (pinerluttulerinnermi inatsimmi § 85, imm. 1 aamma 2, peqquserlunneq, (pinerluttulerinnermi inatsimmi § 104), paasissutissat pillugit peqquserlunneq

(pinerluttulerinermermi inatsimmi § 105), pinngitsaaliilluni iliuuseqartitsineq (pinerluttulerinermermi inatsimmi § 108), tillitanik niuerneq (pinerluttulerinermermi inatsimmi § 111, imm. 1), imaluunniit aningaasatigut peqquserluutunik malunnarunnaarsaaneq (pinerluttulerinermermi inatsimmi § 111 a), inatsisinillu unioqqutitsineq internetti atorlugu unioqqutitsinerutillugu, Ikiaroomartut pillugit Inatsisartut inatsisaannik imaluunniit Sakkut pillugit Kalaallit Nunaannut inatsimmik unioqqutitsinermermik tunngassuteqarnissaat piumasqaataassasoq siunnersuutigineqarpoq.

Aalajangersakkanut inatsisinullu taagorneqartunut, eqqartuussisarnermik inatsimmi § 349 a, imm. 1, nr. 3-mi pineqartup aappaanut ilaatinneqartussatut siunnersuutigineqartunut, ataatsimoorussaasoq taamaalilluni tassaavoq, taakku aallaaviatigut, pisut immikkut ittumik sakkortuutut aamma ilungersunartutut taasariaqartut pineqartinnagit, immikkut ittumik sakkortussusilimmik inatsimmik unioqqutitsinertut pissuseqartutut taaneqarsinnaannginnamik.

Attaveqatigiinneq qarasaasiaq, oqarasuaat angallattagaq imaluunniit elektroniskiusumik attaveqatigiinnermut atortoq alla atorlugu pinera apeqqutaatinnagu, inatsisissatut siunnersuummi matumani paasisutissanik tunngavilimmik attaveqatigiinneq internettitut paasineqassaaq.

Politiit pasineqartullu aallarniutaasumik attaveqarnerat internetti atorlugu pisimatillugu, politiit pasineqartillugu akornanni ingerlatsinerup nalaani tamarmiusumi internetti atorlugu pisimanissaa piumasqaataanngimmat, tassunga atatillugu maluginiarneqassaaq.

Qulaani aalajangersakkanut pineqartunut innersuussutit pineqartillugu tulliuttut atuupput:

Suliani meeqqanik kanngunartuliornernik siammarterineq pigisaqarnerlu pillugit, pinerluttulerinermermi inatsisimmi § 85, imm. 1 imaluunniit 2 unioqqutinneqarsimanagera pillugu pinerluttuliorqarsimanageranik paasiniaaneq pillugu, unioqqutitsineq internetti atorlugu unioqqutitsinerusimappat, politiit siullertut aaqqissuussineq siunnersuutigineqartoq malillugu kilitsissianik atuisinnaapput.

Eqqartuussisarnermik inatsimmi § 349 a, imm. 1, nr. 3-tut aalajangersagassatut siunnersuutigineqartumi pinerluttulerinermermi inatsimmi § 85, imm. 1-ip innersuussutigineqarneqarnerani, taamaalilluni taamaallaat

pisup, tassani inatsimmik unioqqutitsinerup immikkut ittumik sakkortuutut taasariaqanngitsup, eqqorneqarnissaa siunertarineqarpoq, tassami immikkut ittumik sakkortuumik inatsimmik unioqqutitsinerit aalajangersakkami pineqartumi siullermi ilaatinneqassammata.

Suliani meeqqanik kanngunartuliornernik tunngassuteqartunik siammarterineq pigisaqarnerlu pillugit pinerluttoqarsimaneranik paasiniaanermi, ilaatigut internettimi pinerluuteqartunik oqaloqatiginninnissaq siunertaralugu, politiit isertortumik kilitsissianik atuisinnaanermik periarfissinneqarnissaat pinerluttulerinermi inatsimmi § 85, imm. 1-imut aamma 2-mut innersuussinermi siunertarineqarpoq.

Aaqqissuussineq siunnersuutigineqartoq atorlugu meeqqanik kanngunartuliornernik politiit paarlaasseqatigiissinnaanngillat imaluunniit allatigut ingerlatitseqqissinnaanngillat. Politiit meeqqap innarlerneqarneranik imaluunniit innarleqqinneqarneranik peqataasinnaannginnerat, kiisalu pissut una politiit meeqqanik kanngunartuliornernik taamaattunik ingerlatitseqqittoqarpat ingerlatitseqqinnermik nakkutilliisinnaanaviannnginnerat tassunga pissutaavoq. Taamaallitutik pisuni, politiit inuup taassuminnga oqaloqatiginnisinnaanissaanut, pasineqartup tamanna piumasarippagu, politiit meeqqanik kanngunartuliornernik paarlaasseqatigiissinnaanngillat.

Aaqqissuussineq siunnersuutigineqartoq malillugu suliani peqquserlunneq pillugu pinerluttulerinermi inatsimmi § 104-ip aamma paasissutissat pillugit peqquserlunneq pillugu § 105-ip unioqqutinneqarnerani pinerluttoqarsimaneranik paasiniaanermi politiit aappaattut kilitsissianik atuisinnaapput.

Aaqqissuussinermi siunnersuutigineqartumi pisuni inatsimmik unioqqutitsilluni peqquserlunnerit paasissutissallu pillugit peqquserlunnerit, immikkut ittumik sakkortuumik taaneqarsinnaanngitsut taamaallaat ilaatinneqarput. Kisianni inatsimmik unioqqutitsinerit immikkut ittumik sakkortuutut taaneqarsinnaappata, § 349, imm. 1, nr. 3-tut siunnersuutigineqartumi pineqartumi siullermi ilaatinneqassapput.

Aaqqissuussineq siunnersuutigineqartoq malillugu suliani pinngitsaaliilluni iliuseqartitsiniarneq pillugu pinerluttulerinermi inatsimmi § 108-p unioqqutinneqarsimanera pillugu pinerluttoqarsimaneranik paasiniaanermi pingajuattut politiit kilitsissianik atuisinnaassapput.

Aaqqissuussinermi siunnersuutigineqartumi taamaallaat pinngitsaaliilluni iliuseqartitsiniarnerit, immikkut ittumik sakkortuumik inatsimmik unioqutitsinermut taaneqarsinnaanngitsut ilaatinneqarput. Kisianni inatsimmik unioqutitsineq immikkut ittumik sakkortuutut taaneqarsinnaappat, inatsimmik unioqutitsinermik immikkut ittumik sakkortussusilimmik pinerluttoqarsimaneranik paasiniaaneq pillugu § 349, imm. 1, nr. 3-tut siunnersuutigineqartumi pineqartumi siullermi ilaatinneqassaaq.

Aaqqissuussineq siunnersuutigineqartoq malillugu, inatsimmik unioqutitsineq internetti atorlugu pisimappat, tillitanik niuerneq pillugu pinerluttulerinermi inatsimmi § 111, imm. 1-ip unioqutinneqarneranik pinerluttoqarsimaneranik paasiniaanermi sisamaattut politiit kilitsissianik atuisinnaapput.

Pinerluttulerinermi inatsimmi § 111, imm. 1-imi nalinginnaasumik tillitanik niuernerit, sakkortuumik aamma immikkut sakkortuutut pissusilimmik tillitanik niuernerit ilaatinneqarput. Pisut immikkut ittumik sakkortussusillit § 349 a, imm. 1, nr. 3-tut siunnersuutigineqartumi pineqartumi siullermi ilaatinneqassapput, akerlianilli internetti atorlugu pinerluuteqarneq pippat, pisut allat pinerluttulerinermi inatsimmi § 111, imm. 1-imi pineqartup aappaanut innersuussinermut ilaatinneqassallutik.

Aaqqissuussineq siunnersuutigineqartoq inatsisinik unioqutitsinernut annikitsuarakasiusunut atorneqarneqarnissaa eqqarsaatigineqanngilaq, tassani tillitat aningaasanik nalikitsuarakasiusutut nioqutigineqarneri pineqarlutik. Pisuni taamaattuni aaqqissuussinermi siunnersuutigineqartumi kilitsissiat pillugit malittarisassat politiit atorsinnaanaviannngilaat.

Pisinerup piviusumik tillinniarnernik nutaanik inniminniinertut isigineqannginnissaa politiit aammattaaq qulakkiissavaat. Tamanna assersuutigalugu politiit nioqutissiamik tuniniarneqartumik pisineq sioqqullugu, tillissimasumut nioqutissiap ingerlaannaq tunniunneqarnissaanik, imaluunniit tuniniaasup nioqutissiaq pillugu assinik ilassutaasunik politiinit erseqqinnerusumik ilitersorneqarluni nassiusinissaanik, piumasaqaateqarnikkut pisinnaavoq.

Suliani tillitanik tuniniaanermut tunngassuteqartuni pinerluttoqarsimaneranik paasiniaanermi – piumasaqaatit nalinginnaasut naammassineqarsimatillugit – qaqugukkut politiit kilitsissianik atuineq



pillugu malittarisassanik atuisinnaanersut pillugit assersuut tassaasinnaavoq, pisumi tassani tillitanik tuniniaaneq pillugu aalajangersakkap unioqquatinneqarsimanera pillugu, assersuutigalugu tillinniaq sinnerlugu nioqquutissianik tillitanik internettikkut tuniniaasoqartillugu, politiit inummik pasisaqarneranni, kilitsissianik atuneq pillugu malittarisassat atorineqarsinnaapput.

Politiit ilisaritsissut eqqunngitsoq atorlugu internettikkut oqallittarfinni, pisiniartup nioqquutissiamik tillitamik pisinissamik kissaateqarnera pillugu tillitanik tuniniaasumut isumaqatigiissuteqarnissaat siunertaralugu, tillitanik tuniniaasutut pasisaq oqaloqatiginninneranni, tassani ilaatigut politiit kilitsissianik atuinissaanut naleqquttuusinnaavoq. Pinerluttoqarsimaneranik paasiniaanermi eqeersimaartumi taamaattumi, politiit kilitsissianik atuinissamut malittarisassanik atuinissaanik piunasaqarfiusaaq, tassami taamaaliorneq politiit tungaanninngaanniit peqataanertut iliuuseqarnertut oqaatigineqarsinnaammat. Tassunga atatillugu pisimasoq assingusoq, Østre Landsrettip eqqartuussutaani 14. marts 2012-imi eqqartuussutigineqartoq aamma 2012-imi Ugeskrift for Retsvæsen qupperneq 2225-imiit siumut naqinneqartoq innersuussutigineqarpoq.

Illuatungaani pisuni politiit pinerluttoqarsimaneranik paasiniaaneq pillugu iliuusaat, taamaaliornerni ikiuinissamik neqerooruteqartoqarani imaluunniit kialluunniit inatsimmik unioqquutitsinissaa imaluunniit inatsimmik unioqquutitsineranik ingerlatitseqqinnissaa siunertaralugu kajumissaarneqarnissaa pillugu iliuutsinik aalajangiisoqarfiumngitsut, kilitsissianik atuiiffiumngitsutut oqaatigineqarsinnaapput. Maannamut pisartutut assersuutigalugu, inatsimmik unioqquutitsineq piffissami politiit pinerluttoqarsimaneranik paasiniaaneranni, naammassineqareersimanerani tamanna pissaaq.

Aaqqissuussineq siunnersuutigineqartoq malillugu suliani aningaasatigut peqquserluutinik malunnarunnaarsaneq pillugu pinerluttulerinermi inatsimmi § 111 a pillugu unioqquutitsinerit pinerluttoqarsimaneranik paasiniaaffigineqarneranni politiit tallimaattut kilitsissianik atuisinnaassapput.

Aaqqissuussinermi siunnersuutigineqartumi taamaallaat aningaasatigut peqquserluutinik malunnarunnaarsaaneq, immikkut ittumik inatsimmik unioqquutitsinertut ingasattuttut taaneqarsinnaanngitsut ilaatinneqarput. Kisianni inatsimmik unioqquutitsineq immikkut ittumik sakkortuutut

taaneqarsinnaappat, inatsimmik unioqutitsinermik immikkut ittumik sakkortussusilimmik pinerluttoqarsimaneranik paasiniaaneq pillugu § 349, imm. 1, nr. 3-tut siunnersuutigineqartumi pineqartumi siullermi ilaatinneqassaaq.

Aaqqissuussineq siunnersuutigineqartoq malillugu, suliani, inatsimmik unioqutitsineq internetti atorlugu pisimappat, Ikiaroorartut pillugit Inatsisartut inatsisaannik unioqutitsinerit pillugit pinerluttoqarsimaneranik paasiniaanermi politiit arferngattut kilitsissianik atuisinnaassapput.

Ikiaroorartut pillugit Inatsisartut inatsisaanni § 5 malillugu, inertequtiginartoq unioqutikkaanni pinerluttulerinermi inatsimmi malittarisassat malillugit pineqaatissiinermik kinguneqarsinnaavoq. Tassani ikiaroorartut aalajangersimasut eqqunneqarnerat-anninneqarnerallu, tuniniarneqarnerat, pisiarineqarnerat, tunniunneqarnerat, tiguneqarnerat, sananeqarnerat, suliareqqinneqarnerat aamma pigineqarnerat ilaatinneqarput.

Suliani internettikkut ikiaroorartunik tuniniaanerni, eqqartuussisarnermik inatsimmi § 349 a, imm. 2-tut aalajangersagassatut siunnersuutigineqartumi, ilaangitsunut aaqqissuussinerup siunnersuutigineqartup atorneqarnissaa eqqarsaatigineqarpoq.

Inatsisinik unioqutitsinernut annikitsuinnarnut aaqqissuussinerup siunnersuutigineqartup atorneqarnissaa eqqarsaatigineqanngimmat maluginiarneqassaaq. Pisuni taamaattuni politiit aaqqissuussinermi siunnersuutigineqartumi kilitsissianik atuineq pillugu malittarisassat atorsinnaanaviangilaat.

Inatsimmik unioqutitsinerup aalajangersimasup suliat annikitsuarakasiunissannut killiliussap ataanniissanersut nalilerneqarnerani, ilaatigut inatsimmik unioqutitsinerup annertussusaa navianassusaalu politiit pingaartissinnaavaat.

Ikiaroorartut pillugit Inatsisartut inatsisaannik immikkut ittumik sakkortuumik unioqutitsinerit, § 349 a, imm. 1, nr. 3-tut siunnersuutigineqartumi pineqartumi siullermi ilaatinneqassapput.

Aaqqissuussineq siunnersuutigineqartoq malillugu, inatsimmik unioqutitsineq internetti atorlugu pisimappat, suliani Sakkut pillugit Kalaallit Nunaannut inatsimmik unioqutitsineq pillugu

pinerluttoqarsimaneranik paasiniaanerminni politiit arfineq aappassaattut kilitsissianik atuisinnaapput.

Inatsimmi aalajangersakkanik arlalinnik kiisalu inatsit malillugu najoqqutassanik unioqqutitsinerit pinerluttulerinermi inatsit malillugit pineqaatissiinernik kinguneqarsinnaasut, Sakkut pillugit Kalaallit Nunaannut inatsimmi § 13-imi takuneqarsinnaavoq. Tassani Kalaallit Nunaanni politiinit akuersissummik peqqaarani eqqunneqarsinnaannginnerat, sananeqarsinnaannginnerat, pissarsinerineqarsinnaannginnerat, pigisaqarnerineqarsinnaannginnerat, sakkut, imassat aamma qaartartut ilaasa, tigummineqarsinnaanerit imaluunniit atorneqarnerat ilaatinneqarput.

Aaqqissuussineq siunnersuutigineqartoq internettimi sakkunik qaartartunillu il.il inatsisit unioqqutillugit tuniniaanermi, eqqartuussisarnermik inatsimmi pissutsinut § 349 a, imm. 2-tut aalajangersagassatut siunnersuutigineqartup ataaniinngitsunut, tunngatillugu atorneqarnissaa eqqarsaatigineqarpoq.

Inatsisinik unioqqutitsinernut annikitsuinnarnut aaqqissuussinerup siunnersuutigineqartup atorneqarnissaa eqqarsaatigineqanngimmat maluginiarneqassaaq. Pisuni taamaattuni politiit aaqqissuussinermi siunnersuutigineqartumi kilitsissianik atuneq pillugu malittarisassat atorsinnaanaviannngilaat.

Inatsimmik unioqqutitsinerup aalajangersimasup suliit annikitsuarakasiunissannut killiliussap ataanniissanersut nalilerneqarnerani, ilaatigut inatsimmik unioqqutitsinerup annertussusaa navianassusaalu politiit pingaartissinnaavaat.

Sakkut pillugit Kalaallit Nunaannut inatsimmik immikkut ittumik sakkortuumik unioqqutitsinerit, § 349 a, imm. 1, nr. 3-tut siunnersuutigineqartumi pineqartumi siullermi ilaatinneqassapput.

Inatsisissamut siunnersuutip nalinginnaasumik oqaaseqaatitaani immikkoortoq 2.3.3 aamma innersuussutigineqarpoq.

#### *§ 349 a, imm. 2-imit*

Inatsimmik unioqqutitsinermi pissutsit pingaarutillit tamatumuuna politiit sunningippatigit, kialluunniit inatsimmik unioqqutitsinissaanut imaluunniit inatsimmik unioqqutitsinerata ingerlatiinnarnissaanut

kajumissaarneqarnissaa siunertaralugu iliuutsit § 349 a, imm. 1-imi ilaatinneqannginnissaat pillugit, eqqartuussisarnermik inatsimmi, § 349 a, imm. 2 aqutigalugu piumasqaammik ilanngussisoqarnissaa siunnersuutigineqarpoq.

Suliniut § 349 a, imm. 1-imi kilitsissiap oqaasertaata imarisaanit ilaatinneqassanngitsoq tassaavoq, politiit aaqqissukkamut aaqqissuunneqareersumut ilaatillugu, kialluunniit inatsimmik unioqutitsinissaanut imaluunniit inatsimmik unioqutitsinerata ingerlatiinnarnissaanut kajumissaarneqarnissaa siunertaralugu iliuuserisaat (kilitsissiap oqaasertaata imaani pineqartup aappaa).

Ingammik tunniussinernik nakkutigineqartunik taaneqartartut aalajangersakkakut anguniarneqarput. Tunniussineq nakkutigineqartoq ima paasineqassaaq, assersuutigalugu ikiaroonartumik annertuumik eqqussisoqarnissaa pillugu politiit ilisimasaqalerpata, assersuutigalugu ikiaroonartumik aatsisup akitsuuserivimmi paasineqarneratigut, aamma angallassinermi inuit tunuliaqutaasut paasineqarnissaat siunertaralugu pineqartup tigusarineqarnissaagaluanut taarsiullugu naammassiniakkaminik ingerlatiinnarnissaa pillugu isumaqatigiissuteqarfigineqarnera.

Aatsisoq aqutigalugu – sioqqutsisumik pinerluttuliornermi aaqqissugaasumi politiit annikinnerusumik akuliussinnaanerat, matumuuna kilitsissianik atuineq pineqanngikkaluartoq – aalajangersagassatut siunnersuutigineqartup qulakkiissallugu siunertaraa. Politiit assersuutigalugu ikiaroonartunik tunniussinerup naammassineqarnissaanut annikinnerusumik sunniisinaanerat, suliniutit kilitsissianik atuineq pillugu malittarisassanut ilaatinngikkaluarlugit, matumuuna periarfissinneqarpoq. Taamaalillutik siunnersuut malillugu politiit assersuutigalugu ikiaroonartumik tunniussassat atortussamik navianaateqanngitsumik taarsersinnaalissavaat, aatsisoq hotelimi inississinnaassallugu kiisalu aatsisup inunnik tunuliaqutaasunik assigisaannillu oqaloqateqarnera isertortumik tusarnaarsinnaalissallugu.

Aatsisoq – politiit nakkutigineqartilluni – inunnit tunuliaqutaasunit peqqunneqarnini malillugu kisimiilluni suliaqartillugu, kilitsissianik atuineq uani pineqanngilaq, kisianni siunnersuut malillugu politiit kajumissaarinerisigut inunnik tunuliaqutaasunik, pinerluuteqarnerup naammassineqarnissaanut pingaaruteqanngitsunik aamma tekniskiunerusumik sunniisumik, immikkuualluttut pillugit oqaloqatiginnissinnaavoq. Inatsimmi unioqutitsinermi pissutsit

pingaarutillit aatsisumit matumuuna sunnerneqannginnerat uani pingaarnerpaavoq. Aatsisup assersuutigalugu naapinnissamut piffissaliussat sumilu naapiffissat kiisalu assartuinermit aqqut nutaaq pillugit allannguinerit isumaqatigiissutigisinnaavai, taamaalilluni politiit inuit tunuliaqutaasut kikkunerinik paasinnissinnaanissaat pitsaanerulersinneqassammat.

Ingerlatsinermit pilersaarutaareersumi allannguinerit annikinnerusut suliarineqarnissaanut aalajangersagassatut siunnersuutigineqartup politiit taamaallaat periarfississavai. Kisianni politiit iliutsinik, tassani pinerluuteqarnernik nutaanik suliniuteqartoqarluni, soorlu assersuutigalugu aatsisoq aqqutigalugu ikiaroorartumik nutaamik tunniussinerit, iliuseqarsinnaanngillat. Pisoq taamaattoq kilitsissianik atuineq pillugu § 349 a-mi killissarititaasut iluanniissaaq, aamma aalajangersakkami piunasaqaatit allat naammassineqarpata aatsaat suliarineqarsinnaalluni.

Aatsisup nammineq aallartitamik politiinut saaffiginnippat, imaluunniit pisut ingerlaneranni pineqartoq paasineqarpat aamma inuit tunuliaqutaasut kikkunerisa paasineqarnissaat siunertaralugu ingerlaqqinnissaminut akuersippat, siunnersuut malillugu pingaaruteqanngilaq.

Pisumi, pinerluutigineqartup paasineqarnissaanut aatsisup politiinik ikiuisimanerani, iliutsip politiinik attaveqarnek/isumaqatigiissut sioqqullugu iliuserineqartup, pinerluttoqarnera pillaasoqarnissaalu pillugit inatsisini aalajangersakkat atuuttut malillugit malersuisoqarsinnaaneranut pingaaruteqannginnera maluginiarneqassaaq. Pineqartup politiinik ikiuisimanagera pisimasoq, taamaattoq pineqaatissiinerup aalajangerneqarnissaanut pingaaruteqarsinnaavoq.

Aammattaaq § 349 a, imm. 2-mi ilaatitsinnginneq suli alla siunnersuutigineqarpoq, tamatumalu kingorna politiit kimulluunniit inatsisinik unioqqutitsinissamik imaluunniit inatsimmik unioqqutitsinerup ingerlaannartinneqarnissaanut kajumissaarinerat politiit pisinnaatitaaffinnik, pigisanik tigussaasunik imaluunniit atortussanik allanik, erseqqinnerusumik annertussusilimmik internettikkut tuniniarneqartunik pissarsinerannik taamaallaat kinguneqarpat, tamanna kilitsissianik atuinerussanngilaq.

Ilaatigut nioqqutissianik tillitanik, ikiaroorartunik, sakkunik qaartartunillu pisineq aalajangersagassatut siunnersuutigineqartup atuuffissaata iluaniippat. Aaqqissuussineq siunnersuutigineqartoq taamaattoq

taamaallaat pisinnaatitaaffinnut, pigisanut tigussaasunut atortussanullu killilerneqanngilaq, taamaammat aamma assersuutigalugu sukasaatinut atortut, qummoroortaatit inatsisunik unioqutitsisut, takussutissiat ilumuunngitsut, tusarnaartitsinermut billettit il.il. aamma ilaatinneqassapput, soorlu aamma nioqutissat, pigisat tigussaasut atortullu allat tigussaasuusinnaasut tigussaasuunngitsuusinnaasullu, matumani elektroniskiusumik tusagassiuutit, filit imaluunniit innersuussissutit ilanngullugit. Taamatutaaq assersuutigalugu inissiamik attartornissamut neqerorummik akuersissuteqarneq aamma immikkut aalajangersagassatut siunnertuutigineqartup atuuffissaani ilaatinneqassapput.

Piffissami politiit pinerluttoqarsimaneranik paasiniaanerat naammassereersimappat, ullumikkutut kilitsissianik atuineq pillugu malittarisassat atunngikkaluarlugit, politiit pigisanik tigussaasunik il.il. pissarsisinnaammata maluginiarneqassaaq. Taamaalilluni ilaatitsinnginnissamut periarfissatut siunnersuutigineqartoq pisuni taamaattuni naleqqutinngilaq.

Pisinnaatitaaffik, pigisaaq tigussaasoq imaluunniit atortussaaq erseqqinnerusumik annertussusilerlugu internetikkut tuniniarneqarsimanissaa ilaatitsinnginnissamut malittarisassap siunnersuutigineqartup atornissaanut piumasaaqaataavoq.

Assersuutigalugu tamanna ima paasineqassaaq, suussutsit tuniniaanermi takuneqarsinnaasasut aamma aallaaviatigut amerlassusaat, assersuutigalugu oqimaassusaat, qassiunerat imaluunniit suussusaat taaneqarsimassallutik. Taamaalilluni suup tuniniarneqarnera, tuniniakkap qanoq annertutiginera, aamma qanoq akeqarnera paatsuugassaassanngilaq. Taamaalilluni innuttaasup nalinginnaasup internettimi atisanik imaluunniit pequtinik niuerneranut, aamma tassani pisinermi nioqutissiaq suna tiguneqassanersoq qularutigineqarani, tamanna assingussaaq. Pisuni taamaattuni aqqissuussineq siunnersuutigineqartoq aqutigalugu politiit, kilitsissianik atuineq pillugu malittarisassat atunngikkaluarlugit, pigisanik tigussaasunik il.il. pissarsinissaminnut periarfissalissapput.

Internettikkut quppersakkami assigisaanniluunniit tuniniaanermi imaluunniit paarlaasseqatigiinnermi, pissarsineq sioqqullugu sioqqutsisumik pisinissamik taamatut soqutiginnittoqarnerata piumasaaqaatanera erseqqissumik takuneqarsinnaappat, politiit taamaallaat sivikitsuaqqamik aamma qulaajaaviusumik tuniniaaratarsinnaasumik oqaloqatiginninnermik naammassinnissinnaanerata akornuserneqanngilaq.

Oqaloqatiginninneq qulaajaanerusoq qaqugukkulluunniit pisinnaatitaaffimmut, pigisamut tigussaasumut imaluunniit atortussamut, internettikkut tuniniarneqartumut, tunngassuteqassaaq, aamma taamaalilluni pisinnaatitaaffinnut, pigisanut tigussaasunut imaluunniit atortussanut allanut, aallaqqaataani tuniniaanermi ilaatinneqanngitsunut tunngassuteqassanngilaq. Tamatuma saniatigut politiit naleqquttumik pissutissaqartillugit pinerluutinngortinneqartumik inatsimmik unioqqutitsisoqarneranik pasitsaassineranni oqaloqatiginninneq qulaajaanerusoq taamaallaat aallartinneqarsinnaavoq.

Pisuni pigisap tigussaasup tuniniarneqartup il.il. pissusaa taamaallaat tuniniaanermi takuneqarsinnaappat, aamma paasissutissat amerlanerusut, matumani suussusaat, oqimaassusaat, amerlassusaat imaluunniit akii, taamaallaat tuniniaasumik piviusumik oqaloqatiginninnikkut paasineqarsinnaatillugit, oqaloqatiginninneq qulaajaaviusoq assersuutigalugu pisariaqarsinnaavoq. Tassunga atatillugu, taassuma pisiarinissaa siunertaralugu, pigisap tigussaasup il.il. suussuaata, amerlassutsit pisiarineqarsinnaasut minnerpaaffissaata imaluunniit nalinginnaasumik akiata aalajangerneqarnissaanut oqaloqatiginninneq qulaajaaviusoq taamaallaat atorneqassaaq.

Pissarsinermi siunertarineqartoq taamaallaat tassaammat tuniniaasup imaluunniit tuniniaasup attaveqarfiini pinerluttuliortut kikkuunerisa paasineqarnissaat tassunga atatillugu isiginiarneqassaaq. Taamaalilluni nioqqutigineqartup pigisap tigussaasup suuneranik, suussusaanik, amerlassusaanik imaluunniit akianik sioqqutsisumik oqaloqatiginninnermi suugaluartumilluunniit sunniisoqannginnissaa pingaaruteqarpoq.

Assersuutigalugu internettikkut quppersagaq pineqarpat, tassani hash-imik isertuunngitsumik tuniniaasoaarluni, taava hash-imik ima annertutigisumik, pissutsit malillugit internettikkut quppersakkami pineqartumi annertussutsit minnerpaaffissaatut isumaqarfigineqartumik, pisinissamik soqutiginninnermut politiit sioqqutsisumik oqaloqatiginninnertik killilissavaat. Internettikkut quppersakkami pineqartumi annertussutsip minnerpaaffissaa pisiarineqarsinnaasoq imaluunniit nalinginnaasumik akigitinneqartoq politiit nalornissutigunikku, politiit assersuutigalugu tuniniaasumut saaffiginnissinnaapput apeqquteqaatigalugulu annertussutsit minnerpaaffissaat qanoq annertutigisoq tunniussinnaaneraa, imaluunniit taanna akinut allattuiffimmik nassiusisinnaannginnersoq, tamannalu

tunnngavigalugu annertussutsip minnerpaaffissaatut isigineqartumik piserusullutik imaluunniit nalinginnaasumik akilimmik piserusullutik.

Suliami pinerluttoqarsimanera pillugu paasiniaanermi kilitsissianik atuinissaq tunnngavissaqarnerseq pillugu politiit pitsaanerusequmik naliliisinnaanngornissaat, sioqqutsisumik oqaloqatiginninnerup qulaajaaviusup taamaalilluni aamma kingunerisinnaavaa.

Pissarsiarinninnerit tuniniaasup imaluunniit tuniniaasup attaveqarfiini pinerluttuliortut kikkunerisa paasineqarnissaannik siunertaqanngippata, aallaaviatigut aamma aalajangersagassatut siunnersuutigineqartumi killissarititaasut iluanni, tuniniaasumit taassuminnga pigisat tigussaasut tuniniakkat arlaleriarlutik pissarsiarineqarsinnaanngimmata maluginiarneqassaaq.

Tamanna assersuutigalugu tuniniaasup aatsisuata tigusarinqarnerani aamma politiit nakkutigineqarnerani, tassuuna tuniniaasup aatsisuata aappaata kinaassusersinissaanut pisariaqarpat, aamma suli piseqqinnissaq pisariaqarsinnaavoq. Aatsisup nammineersinnaajunnaarsitaasup iperagaanerani aamma taassuma tamatuma kingorna aatsisutut sulinerminik nangitseqqinnerani tamanna aamma atuutissaaq.

Pisinnaatitaaffinnik, pigisanik tigussaasunik aamma atortussanik allanik internettikkut tuniniaaneq amerlanertigut pisarmat, taamaalilluni tuniniaaneq internettikkut pisarluni, massa tuniniaanermi kiisalu tunisinerup naammassineqarnerani pissutsit erseqqinnerusut ilisaqqunnartumik internettip avataatigut pisarlutik, assersuutigalugu inuit naapeqatigiinnerisigut, oqarasuaatikkut oqaloqatigiinnerisigut il.il. maluginiarneqassaaq.

Pisinnaatitaaffiup, pigisap tigussaasup imaluunniit atortussap tuniniarneqarnera immini internettikkut pinissaa, ilaatitsinninnissamik malittarisassatut siunnersuutigineqartup atorneqarnissaanut pingaaruteqarpoq, tamatumali peqatigisaanik tunisinnermut tunnngasumik kingusinnerusukkat attaveqarneq aamma naammassinninnermut periaaseq, matumani tunisinnermut aallerneq ilanngullugu, pingaaruteqanngitsut.

Pasineqartumut attaveqarneq, assersuutigalugu pigisap tigussaasup atortussalluunniit aaneqarnissaanut atatillugu inuit naapissappata naapinnerat, pigisamat tigussaasumut imaluunniit atortussamat piviusumut internettikkut tuniniarneqarsimasumut taamaallaat tunnngassuteqassamat,



tassunga atatillugu maluginiarneqassaaq. Naapinneq taamaalilluni assersuutigalugu nutaanik inniminniinernut imaluunniit assigisaannut isumaqatigiissusiornernut imaluunniit oqaloqatiginninnernut tunngassuteqassanngilaq, tassami taamatut iliornerit, eqqartuussisarnermik inatsimmi kilitsissiat pillugit malittarisassatut siunnersuutigineqartup § 349 a, imm. 1-ip ataaniissammata, taamaammallu eqqartuussiviup sioqqutsisumik akuersissuteqarnissaanik piumasaaqateqarfiummata.

Soorlu pinerluttoqarsimaneranik paasiniaanernik suliat allat assigalugit, aamma ilaatitsinnginnissamik periarfissap siunnersuutigineqartup malitsigisaanik pissarsinerit tamaasa sioqqullugit, politiit pasitsaassineq pillugu piumasaaqatip eqqortinneqarnissaa qulakkiissavaat, imaappoq pinerluutinngortinneqarsimasumik inatsimmik unioqqutitsisoqarsimaneranik pasitsaassisoqarsimassaaq.

Pisuni ikiaroorartunik, sakkunik imaluunniit qaartartunik tuniniaasoqartillugu, pissutsit isertuannngitsumik inatsisunik unioqqutitsisuunerisa pasitsaassineq pillugu piumasaaqat naammassereerpaat.

Pisuni allani, matumani ingammik nioqqutissianik tillitanik tuniniaanermi, nioqqutissiamik tuniniarneqartumik taassuminnga pisisoqartinnagu, politiit aalajangiinermut tunngaviit arlallit ataatsikkut nalilersussavaat.

Nioqqutissiat tillitaanersut nalilernerneqarnissaannut paasinarsisitsissutsit tulluuttut ilaatigut pingaartissavaat: Nioqqutissiaq immikkut ittumik akikitsillugu tuniniarneqarpoq. Nioqqutissiaq tuniniaasumit, piaaraluni kinaassutsiminik isertuiniartumit, assersuutigalugu kinaassutsiminik isertuussilluni saqqummertup imaluunniit isertuannngitsumik ilumuunngitsumik ilisarititsissut atorlugu kinaassutsiminik isertuussisoq. Nioqqutissiap tuniniarneqartup tillitaanera pillugu innuttaasumit imaluunniit allatigut politiit ilisimatinneqartut. Tuniniaasup oqarasuaammut normua immertagaavoq nalunaarsorneqarsimannngitsoq. Tuniniaasooq siusinnerusukkut nioqqutissianik akikitsuarakasinnik tuniniaasarsimavoq. Tuniniaasooq nioqqutissiaq taannaqqissaaq amerlasoorujussuariarlugu internettikkut tuniniartarsimavaa. Tuniniaasup e-maili taannaqqissaaq atorpaa, kisianni ilisarisititsissutit oqarasuaatilluunniit normui allanngorartippai.

Piumasaaqatit piffissap ingerlanerani amerliartuinnavissut uani pineqanngimmata maluginiarneqassaaq. Paasinarsisitsissutit qulaani

pineqartut pingaartinneqarnerat politiit assigiinngitsumik oqimaalutarsinnaavaat, aamma naammattumik pasitsaassisoqarneraq pisuni tamani piviusumik naliliinermik taamaalilluni tunngaveqassaaq.

Aammattaaq inatsisissatut siunnersuummut oqaaseqaatini nalinginnaasuni immikkoortoq 2.2 aamma 2.4 innersuussutigineqarput.

*§ 349 b, imm. 1-imut*

Politiit kilitsissianik atuinermi atorsinnaasaminni sunniisinnaanerannut killiliusaaq ima aalajangerneqassaaq, pinerluuteqarnermi iliuitsip suliarineqarnerani imaluunniit ingerlatiinnarneqarnerani kilitsissiap sunniutaa, inatsimmik unioqquitsinerup annertussusaanik imaluunniit ingasassusaanik annertusisitsinermik kinguneqassanngitsoq, eqqartuussisarnermik inatsimmi § 349 b, *imm. 1-ikkut* siunnersuutigineqarpoq.

Kilitsissiap kilitsissiatut suliaqarnermini inatsimmik unioqquitsinerup, misileraaffimmiittup, naammassineqarnissamut qanillisinneqarnera, immaqalu taamaalilluni naammassineqarnera, killissarititaasup aalajangerneqarnissaannut siunnersuutigineqartumit akornuserneqanngilaq.

Illuatungaani kilitsissiap suliaqarnerata malitsigisaanik pinerluttuliortut akuusut allanngornerisa, aaqqissuusaasumik suliaq, aalajangersimasumik qisuariartitsiniarnermik inerteqquteqarnermut akerliutilersinnaavaa. Kilitsissianik atuneq inunnut, siuliani inatsimmik unioqquitsinermut attuumassuteqarsimanngisunut, sammitinneqarpat, taamaalilluni taakku pinerluuteqartut ilanngutitinneqarlutik, inunnut taakkununga tunngatillugu – kisianni aallaqqaataani pinerluttuliortunut tunngatinnagu – kilitsissianik atuneq, kilitsissianik atuinissap akuerisaasup avataaniissaaq.

Kisianni pissutsit nalaatsornerinnakkut pisut pissutigalugit, politiit suliaqarneranni inuup pingajuusup ilanngutitinneqarnera, aaqqissuussasumik suliap, qutsinnerpaamik killiussaaq qaangertissanngilaa. Assersuutigalugu inuup tunuliaqutaasup kilitsissiamik isumaqatigiissuteqarluni ikiaroornatup tunniussiffissamut aanniarlugu aatsisartoq nalinginnaasumik atortakkani atornagu aatsisumik allamik atuinissani qinersinerani, tamanna eqqarsaatigineqarsinnaavoq.

Aammattaaq nalinginnaasumik oqaaseqaatini imm. 2.5 aamma Pillaasarnermik eqqartuussisarneq pillugu ataatsimiititaliap

isumaliutissiissutaani nr. 1023/1984-imi quppernerit 162-imiit 168 ilanngullugu innersuussutigineqarput.

*§ 349 b, imm. 2, oqaaseqatigiinnut siullernut*

Politiini tjenestemandit aamma politiini atorfillit immikkut ittumik pinerluttoqarsimaneranik paasiniaanermik piginnaasallit eqqartuussisarnermi inatsimmi § 349 a, imm. 1-itut siunnersuutigineqartukkut kilitsissiatut sulisinnaasut, § 349 b, *imm. 2, oqaaseqatigiinni siulliit* atorlugit siunnersuutigineqarpoq.

Politiini tjenestemandit kilitsissiatut atorneqarnissaat aalajangersakkap periarfississavaa, kisianni tamatuma peqatigisaanik aamma assersuutigalugu inuit ilisimatusarfinni ilinniarsimanermik tunuliaqutallit, suliassaqrarfiup aalajangersimasup iluani piginnaasaqartut, aamma assersuutigalugu internettimi pinerluuteqarnerit pinerluttoqarsimaneranik paasiniaaffigineqarneranni atussallugit naleqquttuusinnaasut, atorneqarnissaat aalajangersakkap periarfississavai.

Inuit, politiini tjenestemandiunngitsut politiini atorfeqarnissaat, inuit taakku politiitut allatulluunniit ilinniagaqarnermik tunuliaqutaqarnerat apeqqutaatinnagu, aammattaq taamatut pinerluttoqarsimaneranik paasiniaanissamut suliaqarnissamik eqqortunik piginnaasaqarnissaat, kilitsissiatut sulinissamut piumasqaataammat maluginiarneqassaaq. Pineqartoq eqqortumik aamma naleqquttumik kilitsissiatut sulinissamut pisariaqartinneqartunik piginnaaneqarnerisooq, pisuni ataasiakkaani tamani naliliiffigineqartassaaq.

Pineqartup politiitut tunuliaqutaqarnera aamma taamaammat ilinniarsimanermigut pinerluttoqarsimaneranik paasiniaanerup qanoq ililluni nalinginnaasumik naammassineqartariaqarnera pillugu ilisimasaqareerana, ilaatigut pingaaruteqarsinnaavoq. Illuatungaanili atorfillit politiitut tunuliaquteqanngitsut kilitsissiatut atorneqarneranni immikkut ittumik tunuliaquteqarnissamik ilisimasaqarnissamilluunniit piumasqaateqartoqassasoq uani aamma naatsorsuutigineqarpoq. Taakku assersuutigalugu ilisimatusarfinni ilinniagaqarsimallutik misissueqqissaartartuusinnaapput “open souce-intelligence”-imik taaneqartartumik immikkut ilisimasaliullutik, imaappoq internettimi paasissutissiiffinni ammasuni pinerluttoqarsimaneranik paasiniaanermik suliaqartartuullutik.

Aamma inatsisissatut siunnersuummi nalinginnaasumik oqaaseqaatini imm. 2.6 innersuussutigineqarpoq.

*§ 349 b, imm. 2, oqaaseqatigiit aappaannut*

Ikiuunneq ikiutitigineqartoq inatsimmik unioqqutitsinerup naleqqiullugu annikitsuarakasiuppat, inuit uniformeqaqqangitsut politiinik isumaqatigiissuteqarlutik inatsimmik unioqqutitsinerup, pinerluttoqarsimaneranik paasiniaaffigineqartup, suliarinissaanut imaluunniit ingerlateqqinnissaanut ikiuussinnaanerit § 349 b, imm. 2, *oqaaseqatigiit aappattut* siunnersuutigineqartumi siunnersuutigineqarpoq.

Ikiuineq kilitsissiatut inuit uniformeqaqqangitsut suliarissallugu matumuuna periarfissariligaat, pissutsinut politiit nammineerlutik suliniuteqarnermikkut kimulluunniit inatsimmik unioqqutitsinissamut imaluunniit inatsimmik unioqqutitsinerup nangiinnarnissaanut ikiuinissamut neqerooruteqarnerannut tunngassuteqarpoq (kilitsissiaq pillugu oqaatsip imarisaa siulleq).

Pisuni inuup politiinik isumaqatigiissuteqarluni, politiini kilitsissiap ilisaritinneqarnissaa siunertaralugu, tassunga atatillugu inatsimmik unioqqutitsinerup, pinerluttoqarsimaneranik paasiniaaffigineqartumi inatsimmik unioqqutitsinerup suliarineqarnissaanut imaluunniit ingerlateqqinnissaanut ikiuunnissamik neqerooruteqarnermigut avatangiisini attavissanik ujarlernerani, aalajangersakkap atuunnissaa anguniarneqarpoq. Inuup politiit isumaqatigereerlugit pisiniartup ilumuunngitsup (politiit) ikiaroorartumik pisiniarnerani akunnermuliuttusaarnera aamma tassunga atatillugu nioqqutissiamut misiligummik inniminniinera assersuutigalugu uani pineqarsinnaavoq.

§ 349 b, imm. 2, oqaaseqatigiit aappaanni aalajangersakkap, aamma § 349 a-mi kilitsissianik atuinerup nassuiaatissatut siunnersuutigineqartumi imminermi, inatsisip unioqqutinneqartup, pinerluttuliorqarneranik paasiniaaffigineqartup, aamma peqataalluni iliuutsip, inuup uniformeqaqqangitsup iliuuserisaata, akornanni naapertuuttoqarnissaa malitsigaa. Nioqqutissiamut misiligummik inniminniineq tassunga atatillugu inatsimmik unioqqutitsinerup annertuumi, pinerluttoqarsimaneranik paasiniaaffigineqartumi, peqataanertut (assersuutigalugu ikiaroorartumik tunniussineq) isigineqassaaq.

Pinerluummik naammassineqareersumik ikiuunneq kilitsissianik atuineq pillugu malittarisassani ilaatinneqarnavianngilaq, tassami politiit pisumi

taamaattumi § 349 a, imm. 1-itut matumuuna siunnersuutigineqartoq malillugu, kialluunniit inatsimmik unioqqutitsinissaanut imaluunniit inatsimmik unioqqutitsinerata ingerlatiinnarnissaanut kajumissaarneqarnissaa siunertaralugu iliuuseqassanngimmata.

Suliniutigineqartoq, kilitsissianik atuinermut piumasaqaatit allatut naammassineqarsimappata – inuup uniformeqaangitsup inatsisit unioqqutinnagit suliarisinnaasaa (imaappoq inatsimmik unioqqutitsineq, ikiuinerup kingunerisaa) – inatsimmut unioqqutinneqartumut pinerluttoqarsimaneranik paasiniaaffigineqartumut naleqqiunneqassaaq. Inuup ikiuina (assersuutigalugu nioqqutissiamut milisiutip annertussusaa) inatsisunik unioqqutitsinernik ilungersunartunik pinerluttoqarsimaneranik paasiniaanernit annertunerujussuusinnaanera, assersuutigalugu ikiaroomartut annertoorujussuaq uani pineqarluni, tamatuma kingunerisinnaavaa. Ikiuinerup annikitsuarakasiunissaata, inatsimmik unioqqutitsinerup pinerluttoqarsimaneranik paasiniarneqartup paasineqarnissaanut naleqqiullugu ikiuunnerup piviusumik pingaaruteqartuunnginnissaanik kisianni tamanna kinguneqaangilaq. Suliani ikiaroomartut pillugit pinerluuteqarnernik ilungersunartunik pinerluttoqarsimaneranik paasiniaasoqartillugu, ilisimatitsissutigineqartut malillugit amerlanertigut ima pisoqartarpoq, inuk uniformeqaangitsuoq siullertut nioqqutissiamut misiliummik inniminniisimatinnagu, inuk pisuunerpaaq, politiit peqataanerannik pasitsattarluni.

§ 349 b, imm. 2, oqaaseqatigiit aappaanni aalajangersagassatut siunnersuutigineqartoq malillugu inuup uniformeqaangitsup ikiuunnera, piviusumik kilitsissianik atuinermut, suli politiini tjestemandinit imaluunniit politiini atorfilinnit pinerluttoqarsimaneranik paasiniaanissamut immikkut ittumik piginnaasalinnit taamaallaat suliarineqarsinnaasunut naleqqiullugu killilerneqassaaq. Inatsimmik unioqqutitsinermut, pinerluttoqarsimaneranik paasiniaaffigineqartumut, ikiuunneq annikitsuinnartut taaneqarsinnaanngippat, ikiuunneq taamaallaat politiini atorfilinnit suliarineqarsinnaavoq. § 349 b, imm. 1-imi qutsinnerpaamik killiliusaaq, aamma inuup uniformeqaangitsup ikiuunneranut aamma atuummat, tassunga aamma ilaavoq. Inuup uniformeqaangitsup ikiuunnerata inatsimmik unioqqutitsinerup annertusineqarneranik imaluunniit sakkortusineqarneranik kinguneqaanginnissaa tamatuma kinguneraa.

Inuit uniformeqaangitsut politiinik isumaqatigiissuteqarlutik inatsisunik unioqqutitsinnaanerat § 349 b, imm. 2, oqaaseqatigiit aappaanni

aalajangersagassatut siunnersuutigineqartup tunngaviusumik kinguneraa. Kisianni inuup uniformeqaangitsup ikiuina kilitsissianik atuineq pillugu malittarisassatut § 349 a-tut siunnersuutigineqartumi ilaatinneqassaaq. Politiit inummik uniformeqaangitsumik atuilersinnagit, assersuutigalugu nioqqutissiamut misiliummik pisisutut, pasitsaassineq pillugu piunasaqaat, ilisarnaatit pillugit piunasaqaatit aamma pinerluttuliorneq pillugu piunasaqaat naammassineqarsimassasut tamatuma kinguneraa, soorlu aamma § 349 c malillugu suliniutip aallartinneqaanginnerani iliuitsit aallaaviatigut eqqartuussivimmit akuersissutigineqaqqaarsimassasut.

Iliuitsit inuup uniformeqaangitsup § 349 b, imm. 2, oqaaseqatigiit aappaanni siunnersuutigineqartoq malillugu iliuserisinnaasai ilaatigut, aamma kinaassusersiunngitsumik isigalugu inatsit aqutugalugu pinerluutinngortinneqartut, politiit isumaqatigiissuteqarfigalugit iliuserineqarput, taamaattoqarneralu materiel atypicitet<sup>3</sup>-imik imaluunniit inatsisunik unioqqutitsisoqarsimaneranik tunngaviit malillugit pinerluttoqarnera pillaasoqarnissaalu pillugit inatsisini aalajangersakkat atuuttut malillugit pineqaatissiinerit atorineqaanginnissaannik kinguneqarlutik.

Aammattaaq oqaaseqatigiinni nalinginnaasuni imm. 2.7 innersuussutigineqarpoq.

#### § 349 c-mut

§ 349 a malillugu pineqaatissiinerimik aalajangiineq eqqartuussiviup aalajangerneratigut pissasoq, taannalu tunngavilersorneqassasoq, eqqartuussisarnermi inatsimmi § 349 c aqutugalugu siunnersuutigineqarpoq.

Kilitsissianik atuineq soorlu nalunaarutiginninnermi isertuussisussaataitanermut akuliunnertut ima annertuumik pinerluttoqarsimanernik paasiniaanermi iliuitsit annertutigivoq, taamatut aallartitsinissaq eqqartuussivimmit akuerineqaqqaartariaqaraluarluni.

Amerlanertigut sukkaasuumik iliuseqartoqartariaqarmat, taamaattoq, *periculum in mora* pillugu<sup>4</sup> malittarisaq, nalunaarutiginninnermi

<sup>3</sup> Materiel atypicitet: Tilfælde, hvor gerningsindholdet for så vidt er realiseret med den fornødne tilregnelser, men hvor handlingen er af en helt anden beskaffenhed end den, lovgiver har villet kriminalisere. = Pisimasut, tassani suliat imarisaat pisariaqartinneqartumik akisussaataitaanissamut naammassineqarsimagaluartut, kisianni iliuseqarneq inatsiliortup pinerluutinngortinniagaanit allaanerujussusoq (Den Store Danske Lex.dk skrevet af professor emerit, cand. Jur. Lars Bo Langsted-imit allanneqartoq).

<sup>4</sup> *Periculum in mora*: Fare ved at vente, overhængende fare = Utaqqinissap navianaateqarnera, nukinginnartumik navianaateqarneq, Den store Danske Lex.dk

isertuussisussaataaneq pillugu malittarisassamut assingusoq (eqqartuussisarnermik inatsimmi § 391, imm. 3) taamaattoq ilaangunneqassaaq, taamaalilluni eqqartuussiviup aalajangiinissaata utaqqineqarnera pissutigalugu siunertarineqartoq maangaannartinneqassagaluarpat, kilitsissianik atuineq sioqqutsilluni eqqartuussivimmit aalajangiisoqanngikkaluartoq politiinit aallartinneqarsinnaaniassammat. Taamaattoqartillugu politiit piaarnerpaamik aamma kingusinnerpaamik iliuuserineqartut aallartinnerisa kingorna nalunaaquttap akunnerisa 24-it iluanni, apeqqut pillugu eqqartuussivimmut saqummiussissapput.

Aammattaaq oqaaseqaatini nalinginnaasuni imm. 2.8 innersuussutigineqarpoq.

#### *§ 349 d-mut*

Politiit kilitsissiamik atuisimatillugit, illersuisup nalunaarfigineqarnissaa pillugu eqqartuussisarnermik inatsimmi § 349 d-kkut malittarisassamik erseqqissumik ilanngussisoqarnissaa siunnersuutigineqarpoq.

§ 349 d-tut siunnersuutigineqartoq malillugu nalunaarutiginninneq taamaallaat pisuni unnerluussisoqarnerani tunniunneqarsinnaavoq, aamma aatsaat tassunga atatillugu. Pissaanillit, naalagaaffiup isumannaatsuunissaa imaluunniit suliap paasineqarnissaa pillugit eqqarsaatigisassat imaluunniit § 349 d, oqaaseqatigiit aappaattut siunnersuutigineqartoq malillugu inuup pingajuusup eqqarsaatigineqarnissaata tamanna qaqutiguinnaq pisariaqartilerpagu, paasissutissat tiguneqartut ingerlateqqinneqaqqinnginnissaat pillugit politiit illersuisoq peqqusinnaagaat aammattaaq siunnersuutigineqarpoq. Illersuisumut nipangiusisussaatsineq taasuma pasineqartumut paasissutissanik ingerlatitseqqissinnaannginneranik kinguneqarpoq.

Tamanna pillugu paasissutissat allatigut nassaarineqarsinnaanngippata, eqqartuussisarnermik inatsimmi § 339 malillugu killisiuinerit pinerluttoqarsimaneranillu paasiniaanermi iliuutsit allat pillugit politiit piaarnerpaamik nalunaarusiussapput. § 340, imm. 1 malillugu illersuisoq suliami politiit paasissutissaataanik ilisimatinneqartussaavoq, aamma illersuisoq nalinginnaasumik paasissutissat assilillugit sanaqqinneqarnerinik pinissaminik pisinnaatitaavoq. Taamaattoq pissaanillit, naalagaaffiup isumannaatsuunissaa imaluunniit suliap paasineqarnissaa pillugit eqqarsaatigisassat imaluunniit § 340, imm. 4

malillugu inuup pingajuusup eqqarsaatigineqarnissaata tamanna qaqutiguinnaq pisariaqartilerpagu, § 340, imm. 1 saneqqunneqarsinnaavoq.

Politiit pinerluttoqarsimaneranik paasiniaanermittut atatillugu iliuutsit aalajangikkatik pillugit politiit nalunaarusiami allattuinnissat, aamma illersuisup paasissutissanik taakkuninnga pissarsisinnaanera, aalajangersakkat taakku kinguneraat.

Pisuni unnerluussisoqarsimatinnagu kilitsissiamik atuisimaneq pillugu illersuisumut nalunaarutiginnittoqarsimatillugu, Kalaallit Nunaanni eqqartuussisarnermik inatsimmi § 340, imm. 4 malillugu illersuisoq nipangiussisussaataa inermik peqquneqarsinnaassaaq.

Paasissutissat sulinermit tunngaviliisuusimappata, ilaatigut paasissutissiisartumut eqqarsaatiginninnertut illersuisumut peqqusineq pingaaruteqarsinnaavoq. Pineqartoq politiini kilitsissiap suliaqarnerani isiginiarneqarsimappat, pasineqartullu tamanna paasippagu – aamma avatangiisit pinerluttuliorfiusut allat – pisut ilaanni, politiit paasissutissat suminngaanniit pisimasinnaaneraat naatsorsorsinnaassavaat. Tamanna paasissutissiisartumut pillaatitut akiniuteqarnermik kinguneqarsinnaavoq, aamma pineqartup isumannaatsuunissaa navianartilersinnaavaa.

Peqqussut suugaluartorluunniit pillugu politiit illersuisullu isumaqatigiinngissuteqassagunik isumaqatigiinngissutaat eqqartuussisarnermik inatsimmi § 341 malillugu eqqartuussivimmit aalajangiiffigineqassaaq.

Oqaaseqaatini nalinginnaasuni imm. 2.8 aamma Pillaasarnermik eqqartuussisarneq pillugu ataatsimiititaliap isumaliutissiissutaanik nr. 1023/1984-imi quppernerit 180-imiit 181 ilanngullugu aamma 207-imiit 208 ilanngullugu innersuussutigineqarput.

#### *§ 349 e-mut*

Pinerluttulerinermi inatsimmi kapitali 7 aamma §§ 27-imiit 35 ilanngullugu unioqqutitsinerit pillugit pinerluttoqarsimaneranik paasiniaanerni §§ 349 a-miit 349 d ilanngullugu malittarisassatut siunnersuutigineqartut atorneqannginnissat eqqartuussisarnermik inatsimmi § 349 e-kkut siunnersuutigineqarpoq.

Suliat suussusaat sorliit malittarisassanut ilaatinneqassanersut pillugit, qallunaat inatsisissatut siunnersuutaata suliarineqarneranut atatillugu,



suliani naalagaaffiup namminersorsinnaaneranut isumannaatsuunissaanullu il.il. pinerluuteqarnerit (pinerluttulerinermi inatsimmi kapitali 7 aamma §§ 27-imiit 35 ilanngullugu) pineqartillugit, suliani taakkunani pinerluttoqarsimaneranik paasiniaanissami immikkut ittumik eqqarsaatigisassat atuuttut, Inatsiseqarnermut ministereqarfiup nalilerpaa. Eqqarsaatigisassat taamaattut Kalaallit Nunaanni suliani taamaattuni Inatsiseqarnermut ministereqarfiup naliliinera malillugu aamma atuupput. Suliani taamaattuni allakkut amerlanertigut sivisoorujussuusinnaasartuni, pinerluttoqarsimaneranik paasiniaanerup isertuulluinnarneqarnissaa pisariaqartarmat tassunga aamma ilaavoq. Malittarisassatut siunnersuutigineqartut – soorlu qallunaat eqqartuussisarnermik inatsisaanni kilitsissiat pillugit malittarisassat assigalugit – ima ilusilersorneqartariaqartut taamaalillunik § 349 e-tut siunnersuutigineqartoq malillugu, pinerluttulerinermi inatsimmi kapitali 7-imik aamma §§ 27-imiit 35 ilanngullugu politiit inatsisunik unioqqutitsisoqarsimanagera pillugu pinerluttoqarsimaneranik paasiniaanerat ilaatinneqassanngitsoq, Inatsiseqarnermut ministereqarfiup taamaammat inerniliuppaa.

Aammattaaq oqaaseqaatini nalinginnaasuni imm. 2.2 innersuussutigineqarpoq.

Nr. 7-imut (§ 443, imm. 3)

Eqqartuussisarnermik inatsimmi § 443-imi imm. 2-p kingorna imm. 3-mi aalajangersakkamik nutaamik, qallunaat eqqartuussisarnermik inatsisaanni § 837, imm. 3-p assigisaanik, ilanngussisoqassasoq siunnersuutigineqarpoq, tamatumalu kingorna politiini tjenestemandip imaluunniit politiini atorfillip, kilitsissiatut atorneqarsimasup, aamma politiini tjenestemandit immikkut ittumik kiffartuussinermik ingerlatsisut, tassani immikkut ittumik kiffartuussinermik ingerlatsineq taanna eqqarsaatigalugu kinaassutsip isertuunneqarnissaa pisariaqartinneqartillugu, uppersaatit pillugit nalunaarsuutini ati alla atorlugu, nammineq ateringissaat aamma najugaqarfiat taanagu, allanneqarsinnaapput.

Sulisaatsimi nalinginnaasumi politiini tjenestemandi imaluunniit politiini atorfilik, eqqartuussivimmi nassuiaasusaaq, sumi sulinerat ilanngullugu uppersaatit pillugit nalunaarsuiffimmi allanneqartarput. Politiini tjenestemandinut aamma politiini atorfilinnut najugaqarfik matumuuna suliffiup sumiiffiatut paasineqassaaq.

Taama tulleriillutik, § 458, imm. 2-mi, tamatuma kingorna politiini tjenestemandi imaluunniit politiini atorfilik, kilitsissiatut atorneqarsimasooq,

atini najukkanilu taanagit ilisimannittut nassuiaateqarsinnaavoq, aamma § 458, imm. 3, tamatuma kingorna ilisimannittup immikkut ittumik kiffartuussinermik ingerlatsisimanerata pingaarutilimmik eqqarsaatigineqarnissaasa tunngavissaqartippagu, aamma paasissutissat unnerluutigineqartup illersorneqarneranut pingaaruteqanngitsutut isumaqarfigineqarpata, politiini tjenestemandip atini najukkanilu ilisimatitsissutiginagit ilisimannittut nassuiaasinnaanera siulittaasup aalajangersinnaavaa.

Pineqartup atia najugaalu uppersaait pillugit nalunaarsuiffimmi allanneqassappata, § 458, imm. 2-mi aamma 3-mi aalajangersagassatut siunnersuutigineqartut pingaaruteqarnaviangillat. Allanguutissat siunnersuutigineqartoq atorlugu, uppersaait pillugit nalunaarsuiffimmi politiini tjenestemandip imaluunniit politiini atorfillip atorfiata taaguutaata aamma atiata allap (aamma taaneqartartoq) taamaallaat allanneqarnissaat periarfissaassaaq.

Aammattaaq oqaaseqaatini nalinginnaasui imm. 2.9.1 aamma 2.10 innersuussutigineqarput.

Nr. 8-mut (§ 448, imm. 1, nr. 5)

Uani § 1, nr. 10 malillugu § 448, imm. 1-imi normup tulliuttup (nr. 7-ip) ilanngunneqarnerata malitsigisaanik aaqqiinerit pineqarput.

Nr. 9-mut aamma 10-mut (§ 448, imm. 1, nr. 6 aamma 7)

§ 448, imm. 1-imi aalajangersagaq atuuttoq malillugu, pingaarnertut isumaqatigiinniarneq sioqqullugu unnerluussisussaataasut, illersuisup imaluunniit ilisimannittup noqqaassuteqarnerisigut, § 113, imm. 3 malillugu inuit imaluunniit inuit eqimattakuutaat aalajangersimasut peqataatinneqannginnissaat pillugit, §§ 114 aamma 115 malillugit matut matuneqarnissaat, § 120 malillugu imaqarniliornissamik inerteqquteqarneq pillugu, § 123 malillugu atit taaneqarnissaannik inerteqquteqarneq pillugu, § 155, imm. 3 malillugu meeqqap 15-it inorlugit ukiullip qanoq ililluni kimillu killisiorneqarnissaa pillugu imaluunniit, § 155, imm. 3 malillugu inuup video atorlugu killisiorneqartussap qanoq ililluni pinissaa pillugu, imaluunniit § 458, imm. 1 malillugu ilisimannittup killisiorneqarnerani unnerluunneqartup eqqartuussivimmik qimatsinissaa pillugu, eqqartuusivik aalajangersinnaavoq.

Eqqartuussisarnermik inatsimmi § 448, imm. 1, nr. 6-imi, § 458, imm. 4-tut aalajangersagassatut siunnersuutigineqartumut, qallunaat

eqqartuussisarnermik inatsisaanni § 845, imm. 1, nr. 6-p assigisaanik, innersuussummik ilanngussisoqarnissaa siunnersuutigineqarpoq, tamatumalu kingorna unnerluussisussaataasut, illersuisup imaluunniit ilisimannittup noqqaassuteqarnerisigut, politiini kilitsissiap imaluunniit politiini tjenestemandip immikkut ittumik kiffartuussinermik ingerlatsisup killisiorneqarnerani unnerluunneqartup eqqartuussivik qimassaneraa, eqqartuussiviup aalajangersinnaavaa.

Aammattaaq eqqartuussisarnermik inatsimmi § 448, imm. 1, nutaamik nr. 7-imik, qallunaat eqqartuussisarnermik inatsisaanni § 845, imm. 1, nr. 8-p assigisaanik ilanngussisoqassasoq siunnersuutigineqarpoq, tamatumalu kingorna eqqartuunneqarnissamik isumaqatigiinniarneq sioqqullugu, unnerluussisussaataasut, illersuisup imaluunniit ilisimannittup noqqaassuteqarnerisigut, § 458, imm. 3-mi aalajangersagassatut siunnersuutigineqartoq malillugu politiini tjenestemandip atia aamma najugaa taaneqassanngitsoq, eqqartuussiviup aalajangersinnaavaa.

§ 448, imm. 2 malillugu uppersaatit pillugit nalunaarsuiffiup tunniunneqarnerata peqatigisaanik illersuisumut eqqartuussivimmullu, apeqqummik imm. 1-imi taaneqartumik peqarnerisigut pillugu unnerluussisussaataasut nalunaarutiginnissapput.

Nr. 11-imut

Nangaassuteqanngitsumik nassuiaanissap anguneqarsinnaannginnera pillugu immikkut ittumik tunngavissaqartoq isumaqartoqarpat, eqqartuussisarnermik inatsimmi § 458-imi, imm. 1-imi malittarisassat atuuttut malillugit, ilisimannittoq imaluunniit unnerluunneqataasup killisiorneqarnerani unnerluunneqartup ini eqqartuussiviusoq qimassagaa, eqqartuussivik aalajangersinnaavoq. Unnerluunneqartoq inimi eqqartuussivimmeeqqilerpat, taanna imm. 1 imaluunniit § 141, imm. 5 malillugu aalajangiinerup malitsigisaanik ilisimannittup unnerluunneqataasulluunniit killisiorneqarnerani isiginnaartuusimangippat, imm. 2 malillugu unnerluunneqartoq unnerluunneqartup peqannginnerani kina nassuiaasimanersoq pillugu paasitineqassaaq. Aammattaaq nassuiaaneq unnerluunneqartumut tunngassuteqarpat, unnerluunneqartoq nassuiaatigineqartup imaanik paasitineqassaaq. Nassuiaanerup oqaluttuareqqinneqarnera unnerluussaasup nammineq nassuiaanissaa sioqqullugu imaluunniit kingoqqullugu pisinissaa, eqqartuussiviup aalajangissavaa.

Eqqartuussisarnermik inatsimmi § 458-imi imm. 2-miit 6 ilanngullugu nutaanik ilanngussisoqarnissaa siunnersuutigineqarpoq, taakkulu qallunaat eqqartuussisarnermik inatsisaanni § 856, imm. 5-imiit 6 ilanngullugu, 8, 9 aamma § 856, imm. 11-imi ilaasut naleqquttut assigissavaat.

*§ 458, imm. 2-mut*

Politiini tjenestemandi imaluunniit politiini atorfilik, § 349 a-mi taaneqartunik iliuseqarsimasoq (kilitsissiatut suliaqarsimasoq), atini najukkaniluunniit (imaappoq suliffini) taanagit nassuiaasinnaasoq eqqartuussisarnermik inatsimmi § 458, imm. 2 aqqutigalugu siunnersuutigineqarpoq.

Siunnersuut malillugu ati alla atorlugu politiini kilitsissiaq piunasaqaatitaqanngitsumik eqqartuussivimmi sassarsinnaasinnaalissaaq.

Politiini kilitsissiap kinaassusaata isertuunneqarnissaa aalajangersakkami siunertarineqarpoq, taamaalilluni pineqartoq suliani kingusinnerusuni kilitsissiatut atorneqaqqissinnaaniassammat.

Aalajangersagaq matut matuneqarnissaat pillugu § 115, imm. 3-tut aalajangersagassatut siunnersuutigineqartumut, uppersaait pillugit nalunaarsuiffimmi paasissutissat pillugit § 443, imm. 3-imut, kiisalu ilisimannittut nassuiaanerup nalaali unnerluunneqartup eqqartuussivimmiinnissaa pillugu § 458, imm. 4-mut atatillugu isiginiarneqassaaq.

Unnerluunneqartup, eqqartuussiviup imaluunniit illersuisup politiini kilitsissiap kinaassusaa ilisimalissanngikkaat, § 443-p allanngortinneqarnissaa peqatigalugu aalajangersagassatut siunnersuutigineqartup kinguneraa. Politiini tjenestemandi imaluunniit politiini atorfilik pineqartut kilitsisiaanersoq pillugu allakkatigut uppersaammik, taamaalillunilu § 349 b, imm. 2, oqaaseqatigiit aappaattut siunnersuutigineqartumi piunasaqaammik naammassinninnermik, eqqartuussivik piunasaqaateqarsinnaavoq. Pineqartup atorfinitsinneqarsimaneranik politiini aqutsisut qullersaanit allakkatigut nalunaarut, tassunga atatillugu pisariaqartinneqartumik uppersaaitut isigineqassaaq. Kilitsissiaq nunanit allaneersoq pineqartillugu, nunani allani politiini oqartussaasut qullersaanit nalunaarutip naammattumik uppersaaitut isigineqarnissaa assigisaanik naatsorsuutigineqarpoq.

Aamma oqaaseqaatini nalinginnaasuni imm. 2.9.1 innersuussutigineqarpoq.

*§ 458, imm. 3-mut*

Ilisimannittup immikkut ittumik kiffartuussinermik ingerlatsinerannut pingaarutilimmik eqqarsaatigisassat tamanna pissutissaqartippassuk, aamma § 458, imm. 3-mi malittarisassat siunnersuutigineqartoq malillugu unnerluunneqartup illersorneqarneranut paasissutissat pingaaruteqanngitsutut isigineqarpata, politiini tjenestemandip, ilisimannittutut nassuiaasup, atiata aamma najugaata paasissutissiissutigineqannginnissaat eqqartuussivimmi suliap ingerlanneqarnerani eqqartuussisup aqutsisuusup aalajangersinnaagaa siunnersuutigineqarpoq.

Aalajangersagassatut siunnersuutigineqartup politiini tjenestemandip, taassuma immikkut ittumik kiffartuussinermik ingerlatsineranut pineqartup kissaassusaata ilisimaneqalinnginnissaa apeqqutaatinneqarluni, kinaassusaata isertuunneqarnissaa siunertarivaa. Uani ilaatigut politiini tjenestemandit ikittuinnaat, isertortumik paasissutissiisartutut suliaqarnissamik immikkut ittumik ilinniartinneqarsimapput. Aamma assersuutigalugu politiini tjenestemandit, isertuussamik tusarnaarnissamut atortunik ikkussuisinnaapput imaluunniit inummik aalajangersimasumik isertortumik malersuisinnaallutik.

Taamaalilluni matut matuneqarnissaat pillugu § 114, imm. 2, nr. 2-tut aalajangersagassatut siunnersuutigineqartumut, uppersaatit pillugit nalunaarsuiffimmi paasissutissat pillugit § 443, imm. 3-imut, aamma ilisimannittutut nassuiaanerup nalaali unnerluunneqartup eqqartuussivimmiinnissaa pillugu § 458, imm. 4-mut atatillugu aalajangersagaq isiginiarneqassaaq.

Aalajangersagassatut siunnersuutigineqartoq malillugu, ilisimannittup immikkut ittumik kiffartuussinermik ingerlatsinerata eqqarsaatigineqarnissaata pingaaruteqartuunissaa piumasaqaataavoq. Inuup pineqartup taamatut immikkut ittumik kiffartuussinermik ingerlatsinersoq, aamma tassunga pingaarutilimmik eqqarsaatigisariaqartunik peqarnersoq, taamaalilluni nalilerneqassaaq.

Politiini tjenestemandip atia najugaalu pillugit paasissutissat unnerluunneqartup illersorneqarneranut pingaaruteqanngitsutut isumaqarfigineqarneri aammattaaq piumasaqaataavoq. Unnerluunneqartup

ilisimannittup nassuiaataanut isummernissaminik periarfissaataa, politiini tjenestemandip nammineq atianik najugaanillu ilisimasaqannginneranik killilerneqarnersoq, uani pingaaruteqarluinnassaaq.

Pineqartoq politiini tjenestemandiunersoq pillugu allakkatigut uppernarsaammik eqqartuussivik piunasaqarsinnaavoq. Pineqartup atorfinitsinneqarsimaneranik politiini aqutsisut qullersaannit allakkatigut nalunaarut, tassunga atatillugu pisariaqartinneqartumik uppernarsaatitut isigineqassaaq. Kilitsissiaq nunanit allaneersoq pineqartillugu, nunani allani politiini oqartussaasut qullersaannit nalunaarutip naammattumik uppernarsaatitut isigineqarnissaa assigisaanik naatsorsuutigineqarpoq.

Aamma nalinginnaasumik oqaaseqaatini imm. 2.10 innersuussutigineqarpoq.

*§ 458, imm. 4-imut*

Politiini tjenestemandi imaluunniit politiini atorfilik, § 349 a-mi taaneqartunik iliuuseqarsimasoq (kilitsissiatut atorneqartoq), imaluunniit politiini tjenestemandi immikkut ittumik kiffartuussinermik ingerlatsisimasoq, killisiorneqartussaatilugu, tamanna politiini tjenestemandip imaluunniit politiini atorfillip kinaassusaata isertuunneqarnissaa eqqarsaatigalugu aamma unnerluunneqartup illersorneqarneranut tamanna pingaaruteqanngitsutut isigineqarsinnaappat, unnerluunneqartup eqqartuussivik qimassagaa, siulittaasup aalajangersinnaagaa eqqartuussisarnermik inatsimmi § 458, imm. 4 aqqutigalugu siunnersuutigineqarpoq.

Politiini tjenestemandip imaluunniit politiini atorfillip killisiorneqarnerata nalaali unnerluunneqartup eqqartuussivimmit qimagutsinneqarnissaanut, politiini tjenestemandip imaluunniit politiini atorfillip kinaassusaata isertuunneqarnissaata eqqarsaatigineqarnera piunasaqaataassaaq. Pisumi unnerluunneqartup politiini tjenestemandimik imaluunniit atorfilimmik takunninnerata, § 349 a malillugu politiit pineqartumik politiini kilitsissiatut atuisinnaajunnaarneranik kinguneqarsinnaanera, imaluunniit politiini tjenestemandi immikkut ittumik kiffartuussinermik ingerlatsisinnaajunnaarneranik kinguneqarsinnaanera, assersuutigalugu immikkut ittumik nakkutiginnittuni ilaasinnaajunnaanera, uani pingaaruteqassaaq. Ingerlatsinernut taamaattunut politiini tjenestemandip imaluunniit politiini atorfillip pineqartup suli atorneqarsinnaanerata qanoq pingaaruteqartiginera pillugu aalajangiisoqarnissaa aammattaaq pingaaruteqassaaq, matumani ingammik pineqartoq taamaaliornissamut

immikkut ittunik ilinniagaqarsimanersoq imaluunniit immikkut ittunik misilittagaqarnersoq ilanngullugit. Naggataagut – unnerluunneqartup eqqartuussivimmit qimagutinneqarnissanut qinigassatut allatut – qanoq iliornissamut piareersaasoqarsinnaannginneresoq eqqarsaatersuutigineqartariaqarpoq, taamaaliornikkut politiini tjenestemandi imaluunniit atorfilik ilisarineqarsinnaajunnaarsinneqassalluni, assersuutigalugu assersuutigalugu ilisaritinniarani atisalersorneqarnera ikiortigalugu.

Politiini tjenestemandip imaluunniit atorfillip nassuiaanerani unnerluunneqartup isiginnaannginneranut, unnerluunneqartup illersorneqarneranut nassuiaanerup pingaaruteqannginnissaa piunasaqaataavoq. Illersuisup ilisimannittup nassuiaanerani isiginnaarnissamut pisinnaatitaaffia, malittarisassatut siunnersuutigineqartumit sunnerneqanngimmat tassunga atatillugu maluginiarneqassaaq. Ilisimannittup unnerluunneqartoq peqartinnagu nassuiaanerata imaanik ilisimatinneqarnissamik piunasaqaatitaqanngitsumik unnerluunneqartup piunasaqaateqarsinnaaneranut tamanna assigisaanik atuuppoq.

Aammattaaq nalinginnaasumik oqaaseqaatini imm. 2.9 aamma 2.10 innersuussutigineqarput.

#### *§ 458, imm. 5-imut*

§ 458, imm. 3-imi aamma 4-imi nutaatut aalajangersagassatut siunnersuutigineqartut malillugit, noqqaassutit saqqummiunneqartut pillugit sioqqutsilluni isumaqatigiinniarnep nalaani, unnerluussaasup eqqartuussivimmit qimagunnissaa pillugu, eqqartuussivimmi suliap ingerlanneqarnerani eqqartuussisoq aqutsisoq aalajangiisinnaasoq, eqqartuussisarnermik inatsimmi § 458, imm. 5-ikkut siunnersuutigineqarpoq.

#### *§ 458, imm. 6-imut*

§ 458, imm. 6-imi aalajangersagassatut nutaatut siunnersuutigineqartut malillugit politiini tjenestemandip imaluunniit politiini atorfillip atiata najugaatalu isertuunneqarnissaat pillugit aalajangiineq eqqartuussivimmit aalajangerneqassasoq, aalajangiinerlu tunngavilersorneqassasoq, eqqartuussisarnermik inatsimmi § 458, imm. 2 aamma 3 aqutigalugit siunnersuutigineqarpoq.

§ 458, imm. 2 aamma 3-mi aalajangersagassatut nutaatut siunnersuutigineqartut malillugit politiini tjenestemandip imaluunniit politiini atorfillip atiata najugaatalu isertuunneqarnissaat pillugit aalajangiinerup suliareqqitassanngortinneqarsinnaanera aammattaaq siunnersuutigineqarpoq.

Nr. 12-imut (§ 458, imm. 7, oqaaseqatigiit siulliit)

Eqqartuussisarnermik inatsimmi § 458, imm. 7, oqaaseqatigiit siullerni, § 458, imm. 4-imut, qallunaat eqqartuussisarnermik inatsisaanni § 856, imm. 10-p assigisaanik, siunnersuutigineqartumut innersuussummik ilanngussisoqarnissaa siunnersuutigineqarpoq, tamatumalu kingorna unnerluunneqartoq, taassuma § 458, imm. 4-imi aalajangersagassatut siunnersuutigineqartoq malillugu aalajangiinerup malitsigisaanik politiini tjenestemandip imaluunniit politiini atorfillip killisiorneqarnerani najuutinnginnerani, taassuma eqqartuussivimmut takkuteqqinnerani, unnerluunneqartup peqannginnerani kina nassuiaasimanersoq pillugu unnerluunneqartoq ilisimatinneqassaaq, aamma unnerluunneqartoq pillugu nassuiaammi imarineqartut pillugit aamma ilisimatinneqassalluni.

§ 458, imm. 2, oqaaseqatigiinni siullerni, imm. 7, oqaaseqatigiit siullinngortuni, § 458, imm. 4-tut siunnersuutigineqartumut innersuussisoqarnissaa taamaammat siunnersuutigineqarpoq.

#### *§ 2-mut*

Inatsisip ullormi 1. juli 2024-imi atuutilernissaa siunnersuutigineqarpoq.



# Inatsisissatut siunnersuutip inatsimmut atuuttumut ataatsimoortinneqarnera

*Oqaasertaliussat atuuttut*

*Inatsisissatut siunnersuut*

## § 1

§ 114. Eqqartuussisut aalajangersinnaavaat eqqartuussineq matoqqasumik ingerlanneqassanersoq (matunik matusineq),

1-3) ---

*Imm.* 2. Pinerlunnernik suliassani aammattaq matunik matusinissaq aalajangiiffigineqarsinnaavoq,

1-3) ---

*Imm.* 3. Eqqartuussutissap aalajangiiffiginiarnerani imm. 2, nr. 3 naapertorlugu matunik matusineq eqqartuussivimmi siullermeeriffiusumi taamaallaat pisinnaavoq aamma aatsaat ilimagineqartariaqarpat suliassap sularineqrnerani unnerluutigineqartut saniasigut inunnut allanut pisimasut taakkorpiaat pillugit kingusinnerusukkkut unnerluussissuteqartoqassaqaq asoq, aammalu pingaartitassat immikkut illuinnartut matunik matusinissaq pisariaqartippassuk.

Inatsimmik nalunaarut nr. 1581, 13. december 2016-imeersumi, kingusinnerpaamik inatsisikkut nr. 414-ikkut, 25. april 2023-imeersukku allanngortinneqartumi § 2 malillugu, Kalaallit Nunaanni eqqartuussisarnermik inatsimmi tulliuttut allanngortinneqassapput:

1. § 114, imm. 2-mi, nr. 1-ip kingorna normutut nutaatut ilanngunneqassaaq:

»2) politiit tjestemandimit immikkut ittumik kiffartuussinermik ingerlatsisumit, aamma tamanna immikkut ittumik kiffartuussineq eqqarsaatigalugu kinaassutsip isertuunneqarnissaa pisariaqartinneqarpat,«

Tamatuma kingorna nr. 2-3, 3-4-nngussapput.

2. § 114, imm. 3-imi, »imm. 2, nr. 3« ima allanngortinneqassaaq: »imm. 2, nr. 4«.

Eqqartuussutissamik  
isumaqatigiinniuteqarneq  
eqqartuussisut suliaannik  
allassimaffimmut ima  
sukumiitigisumik  
issuarneqartassaaq,  
eqqartuussutip  
nalunaarutigineqarnerani  
eqqartuussutissap  
isumaqatigiinniutigineqarnerata  
ingerlasimanagera avammut  
ilisimatinneqarsinnaalersillugu,  
matunik matusinermi  
siunertarisat annertussusaat  
naapertorlugu.

§ 115. ---

*Imm.* 2. ---

§ 144. ---

*Imm.* 2. Aamma  
nassuiaateqarnissaq  
pisussaaffiussanngilaq,  
nassuiaateqranikkut  
ilianassappat

1-2) ---

3) ilisimannittoq nammineq  
imaluunniit taassumap  
qaniginerpaasai annertuumik  
ajoquserneqassasut.

*Imm.* 3. ---

3. § 115-imi *imm.* 3-tut  
ilanngunneqassaaq:

»*Imm.* 3. Politiitut tjenestemandi  
imaluunniit politiini atorfeqartoq  
iliuutsinik § 349 a-mi taaneqartunik  
suliaqarsimatillugu,  
unnerluussisussaatitaasut  
piumasarippassuk, taassuma  
nassuiaanerani matut  
matuneqassapput.«

4. § 144-imi *imm.* 4-itut  
ilanngunneqassaaq:

»*Imm.* 4. Ilisimannittoq  
iliuutsinik § 349 a-mi taaneqartunik  
suliaqarsimappat, aamma suliap  
qanoq issusia pineqartumullu  
akuusumut imaluunniit  
inuiaqatigiinnut  
pingaaruteqarnerata tamanna  
naapertuuttutut isigisariaqartippagu,  
pisuni *imm.* 2-mi nr. 3-mi  
taaneqartuni eqqartuussiviup  
aammattaaq ilisimannittoq  
nassuiaateqaqqullugu  
peqqusinnaavaa.«

5. § 153-imi »ilisimannittup  
kinaassusaa«-ta kingorna

§ 153. Ilisimannittoq killisiorneqalersinnagu eqqartuussisut ilisimannittup kinaassusaa qularnaassavaat, aammalu ilisimannittup nassuiaateqarnissaanut sumilluunniit akornutissaqartoqannginnera. Tamatuma kingorna eqqartuussisut ilisimannittoq eqqortumik oqaloqqullugu ilungersortumik peqqussavaat aamma ilisimannittoq eqqunngitsumik nassuiaateqarnermi akisussaaffimmik ilisimatissavaat.

**Kapitali 34.** Paasiniaasarneq killisiuisarnerillu pillugit aalajangersakkat nalinginnaasut.

§§ 337-349. ---

ilanngunneqassaaq: », taamaattoq § 458, imm. 2 aamma 3 takukkit«

6. Kapitalip 34-ip kingorna ilanngunneqassaaq:

»Kapitali 34 a  
*Pinerluttoqarsimaneranik  
paasiniaanermi immimkkut ittumik  
iliuutsit*

§ 349 a. Inatsisinik unioqqutitsineq pillugu pinerluttoqarsimaneranik paasiniaanermut atatillugu, kialluunniit inatsimmik unioqqutitsinissaanut imaluunniit inatsimmik unioqqutitsinerata ingerlatiinnarnissaanut kajumissaarneqarnissaa siunertaralugu, ikiuinissamik neqeroorfigineqarnera imaluunniit iliuutsinik aalajangiisoqarnera, politiit peqataaffigissanngilaat, ima pisoqartinnagu:

- 4) inatsimmik unioqqutitsisoqalersoq imaluunniit inatsimmik unioqqutitsineq misilinneqarsimasoq pillugu pissutissaqartumik pasitsaassisoqartoq,
- 5) pinerluttoqarsimaneranik paasiniaanermi iliuuseq pinerluttoqarsimaneranik paasiniaanermi

pingaarutilimmik  
kinguneqartussatut  
isumaqarfigineqartoq,  
aamma

- 6) pinerluttoqarsimaneramik  
paasiniaaneq immikkut  
ittumik sakkortuumik  
inatsisinik  
unioqquitsinermut  
tunnngassuteqartoq  
imaluunniit  
pinerluttulerinermi  
inatsimmi § 85, imm. 1-ip  
imaluunnit 2-ip, § 104-ip, §  
105-ip, § 108-ip, § 111,  
imm. 1-ip, imaluunniit § 111  
a-p  
unioqquatinneqarnerannik  
tunnngassuteqartoq,  
inatsisinillu unioqquitsineq  
interneti atorlugu  
unioqquitsinerutillugu,  
Ikiaroorartut pillugit  
Inatsisartut inatsisaannik  
imaluunniit Sakkut pillugit  
Kalaallit Nunaannut  
inatsimmik  
unioqquitsinermik  
tunnngassuteqartoq.

*Imm. 2.* Kialluunniit inatsimmik  
unioqquitsinissaanut imaluunniit  
inatsimmik unioqquitsinerata  
ingerlatiinnarnissaanut  
kajumissaarneqarnissaa  
siunertaralugu iliuutsit, politiit  
inatsimmik unioqquitsisoqartillugu  
pissutsit pingaarutilimmik  
sunnii vigissanngippassuk,  
imaluunniit taamatut  
kajumissaarinninneq taamaallaat  
pisinnaatitaaffinnik, pequtinik

tigussaasunik imaluunniit  
atortussanik allanik,  
erseqqinnerusumik  
annertussusilinnik internettikkut  
tuniniarneqartunik taamaallaat  
pissarsineruppata, iliuitsit  
kialluunniit inatsimmik  
unioqqutitsinissaanik imalunniit  
ingerlatitsiinnarnissaanik  
kajumissaarinninnissaq  
siunertaralugu aalajangerneqartut,  
imm. 1-imi ilaatinneqassanngillat.

**§ 349 b.** Iliuitsit § 349 a-mi  
taaneqartut, inatsisinik  
unioqqutitsinerup annertussusaata  
peqqarniisaarnerulluunniit  
annertusineqarnissaanik  
kinguneqassanngillat.

*Imm. 2.* Politiini tjestemandinit  
aamma politiini atorfilinnit  
pinerluttoqarsimaneranik  
paasiniaanissamut immikkut ittumik  
piginnaasaqartunit iliuitsit  
taamaallaat suliarineqarsinnaapput.  
Taamaattoq, ikiuonneq  
tunniunniunneqartoq, inatsisinik  
unioqqutitsinermut naleqqiullugu  
killilerujussuuppat, inuit  
uniformeqanngitsut politiinik  
isumaqatigiissuteqarnikkut  
inatsimmik unioqqutitsinerup,  
pinerluttoqarsimaneranik  
paasiniaaffigineqartup,  
ingerlanneqarnissaanut  
nanginneqarnissaanulluunniit  
ikiuissinnaapput.

**§ 349 c.** § 349 a malillugu iliuitsit  
akuersissutigineqartut  
eqqartuussiviup aalajangerneratigut

pissapput, taamaaliernerlu  
tunnngavilersorneqassaaq. Tamanna  
pillugu apeqquq eqqartuussivimmi,  
unnerluussutip  
saqqummiunneqarfissaani  
imaluunniit  
saqqummiunneqarfissaatut  
naatsorsuutigineqartumi  
saqqummiunneqassaaq, imaluunniit  
sumiiffimmi allami iliuutsit  
naammassiniarlugit politiit  
aalajangiiffigisaanni pissalluni.

*Imm. 2.* Eqqartuussiviup  
aalajangiinerani suliami piviusuiit  
taaneqassapput, tassanilu iliuutsit  
naammassineqarnissaannut  
piumasaqaatit  
naammassineqarsimanerat  
taperserneqassaaq. Aalajangerneq  
qaqugukkulluunniit  
allannngortinneqarsinnaavoq.

*Imm. 3.* Iliuutsit siunertaat  
maangaannartinneqassappata,  
eqqartuussiviup aalajangernera  
utaqqineqassappat, iliuutsit  
naammassineqarnissaat politiit  
aalajangersinnaavaat.  
Taamaattoqarpat iliuutsit  
aallartinneqarnerannit  
piaarnerpaamik aamma  
kingusinnerpaamik akunnerit 24-it  
iluanni politiit suliaq  
eqqartuussivimmut  
saqqummiutissavaat. Iliuutsit  
akuerineqarsinnaanersut, kiisalu  
atatiinnarneqassanersut  
eqqartuussiviup aalajangernermigut  
aalajangiiffigissavai. Iliuutsit  
suliarineqarsimasussanngikkaluartu  
t eqqartuussivik isumaqarpat,  
eqqartuussiviup tamanna pillugu

Inatsiseqarnermut ministereqarfik  
nalunaaruteqarfigissavaa.

§ 349 d. § 349 a-mi iliuutsit  
taaneqartut pillugit  
aalajangiisoqarsimappat, aamma  
inatsisinik unioqqutitsineq pillugu  
unnerluussisoqarpat, iliuutsit  
pillugit illersuisumut  
nalunaarutiginnittoqassaaq.  
Naalagaaffinnut pissaanilissuarnut,  
naalagaaffiup  
isumannaatsuunissaanut, suliap  
paasinarsinneqarnissaanut,  
imaluunniit inummut  
pingajuusumut qaqtigoortumik  
tamanna pisariaqartissappagu,  
oqaaseqatigiit siulliit malillugit  
paasissutissat illersuisup  
tigusimasaasa  
ingerlateqqinneqannginnissaat  
politiit illersuisumut  
peqqussutigisinnaavaat.

§ 443. Unnerluussisummik  
tunniussaqaarnermut  
peqatigitillugu  
eqqartuussivimmut  
tunniunneqassapput suliasami  
uppernarsaatissatut allakkiat  
taakkualuunniit  
nuutsinneqarneri kiisalu  
ilisimannittut suliasap  
suliarineqarnerani  
uppernarsaatinneqartussat  
uppernarsaatissallu  
upatsisiginiarneqassamaartut  
allattorsimaffiat.

*Imm. 2. –*

§448. Matut matuneqrnissaat,  
issuaaqusinnginneq, atinik

§ 349 e. 349 a-miit 349 d  
ilanngullugu malittarisassat  
pinerluttulerinermi inatsimmi  
kapitali 7 aamma §§ 24-imiit 35  
ilanngullugu malillugit  
unioqqutitsisoqarsimanersoq  
pillugu pinerluttoqarsimaneranik  
paasiniaanermi  
atorneqassanngillat.«

7. § 443-imi imm. 2-p kingorna  
immikkoortut nutaatut  
ilanngunneqassaaq:

»Imm. 3. Politiini tjenestemandit  
imaluunniit pilitiini atorfillit, § 349  
a-mi iliuutsinik taaneqartunik  
suliarinnissimasut, aamma politini

taaseqqusinninneq pillugu  
aamma ilisimannittunik  
killisiuisoqartillugu  
unnerluutigineqartup inimiit  
eqqartuussiviusumiit  
qimagunnissaanik  
eqqratuussutissap  
isumaqatigiinniutigineqarnissaa  
sioqqullugu  
aalajangiisoqarsinnaavoq,  
tamanna politiinit, iolleruisumit  
imaluunniit ilisimannittumit  
noqqaassutigineqarpat

1-4) ---

5) § 155, imm. 3 malillugu  
meeqqap 15-it inorlugit ukiullip  
qanoq ililluni kimillu  
killisiorneqarnissaa imaluunniit,  
inuup video atorlugu  
killisiorneqartussap qanoq  
ililluni pinissaa, imaluunniit

6) § 458, imm. 1 malillugu  
ilisimannittup  
killisiorneqarnerani  
unnerluunneqartup inimi  
eqqartuussiviusumit aninissaa.

**§ 458.** Eqqartuussisut  
aalajangersinnaavaat  
unnerluutigineqartup ini  
eqqartuussiviusoq qimassagaa  
ilisimannittup imaluunniit  
unnerluutigineqataasup  
killisiorneqarnerani, immikkut  
tunnqavissaqarpat  
isumaqassallunilu  
taamaattoqanngippat  
nassuitsumik  
nassuiaasoqarsinnaanngitsoq.

tjenestemandit immikkut ittumik  
kiffartuussinermik ingerlatsisut,  
tassani immikkut ittumik  
kiffartuussinermik ingerlatsineq  
eqqarsaatigalugu kinaassutsip  
isertuunneqarnissaa  
pisariaqartinneqarluni, atimik  
allamik nammineq  
aterinngisaminnik  
taaneqarsinnaapput [aamma  
najugaqarfik taanagu].«

**8. § 448, imm. 1, nr. 5-imi, »§ 155,  
imm. 3, imaluunniit,« ima  
allanngortinneqassaaq: »§ 155,  
imm. 3,«**

**9. § 448, imm. 1, nr. 6-imi, »imm.  
1«-ip kingorna ilanngunneqassaaq:  
»imaluunniit 4, imaluunniit«.**

**10. § 448-imi nr. 6-ip kingorna  
nutaatut normutut  
ilanngunneqassaaq:  
»7) § 458, imm. 3 malillugu politiini  
tjenestemandip atia najugaalu  
nalunaarutigineqassanngitsoq.«**

**11. § 458-imi imm. 1-ip kingorna  
immikkoortut nutaatut  
ilanngunneqassapput:  
»Imm. 2. Politiini  
tjenestemandiusoq imaluunniit**



politiini atorfilik, § 349 a-mi  
taaneqartunik iliuitsinik  
suliaqarsimasoq, nammineq atini  
[najugaqarfinilu] taanagit  
nassuiaasiorsinnaavoq.

*Imm. 3.* Ilisimannittup immikkut  
ittumik sullissinerata  
pingaarutilimmik  
eqqarsaatigineqarnissaata tamanna  
tunngavissaqartippagu, aamma  
paasissutissat unnerluutigineqartup  
illersorneqarneranut  
kingunertussaannngitsutut  
isigineqarpata, politiini  
tjenestemandiusup immikkut  
ittumik kiffartuussinermik  
ingerlatsisup, ilisimannittutut  
nassuiaasup atiata  
[najugaqarfiatalu]  
paasissutissiissutigineqannginnissa  
at eqqartuussiviup siulittaasuata  
aalajangersinnaavaa.

*Imm. 4.* Politiini  
tjenestemandiusoq imaluunniit  
politiini atorfilik, § 349 a-mi  
taaneqartunik iliuitsinik  
suliaqarsimasoq, imaluunniit  
tamanna politiini tjenestemandip  
imaluunniit atorfillip kinaassusaata  
isertuunneqarnissaa  
eqqarsaatigalugu  
pisariaqartinneqarpat, politiini  
tjenestemandi immikkut ittumik  
sullissisoq killisiorneqartillugu,  
aamma unnerluunneqartup  
illersorneqarneranut tamanna  
pingaarutilimmik  
kinguneqartussaannngitsutut  
isigineqarpat, unnerluunneqartup  
eqqartuussinermi ini  
eqqartussiffiusoq qimassagaa,

*Imm. 2.* Unnerluutigineqartoq imm. 1 malillugu aalajangiinerup kingunerisaatut imaluunniit § 141, imm. 5 naapertorlugu ilisimannittumik imaluunniit unnerluutigineqataasumik killisiuinnermut najuussimanani eqqartuussiviup initaanut iseqqikkuni ilisimatinneqassaaq qimagusimanermini kina nassuiaateqarsimanersoq. Unnerluutigineqartoq tamatuma saniatigut nassuiaatigineqartunik ilisimatinneqassaaq, nassuiaataasut unnerluutigineqartoq nammineq nassuiaateqalersinnagu imaluunniit nassuiaateqareerneratigut isuuarneqqsanersut.

eqqartuussiviup siulittaasuata aalajangersinnaavaa.

*Imm. 5.* Imm. 3 aamma 4 malillugit noqqaassutit pillugit sioqqutsisumik isumaqatigiinninniarnertit nalaanni unnerluunneqartup ini eqqartuussiffiusoq qimassagaa, eqqartuussiviup siulittaasuata aalajangersinnaavaa.

*Imm. 6.* Imm. 3 aamma 4 malillugit politiini tjenestemandip imaluunniit atorfillip atiata najugaqarfialu isertuunneqarnissaat pillugu aalajangiineq, eqqartuussiviup aalajangiineratigut aalajangerneqassaaq, taannalu tunngavilersorneqassaaq. Aalajangiinerani suliami piviusuiit taaneqassapput, tassanilu isertuussinissamut piumasaaqatit naammassineqarsimanerat taparserneqassaaq. Aalajangerneq qaqugukkulluunniit allanngortinneqarsinnaavoq. Imm. 3 aamma 4 malillugit eqqartuussiviup aalajangernera suliareqqitassanngortinneqarsinnaavoq.«

Imm. 2 tamatuma kingorna imm. 7-ingussaaq.

**12. § 458, imm. 2, oqaaseqatigiinni siullerni, imm. 7-imi oqaaseqatigiit siullinnortumi, »imm. 1«-p kingorna: »imaluunniit 4« ilanngunneqassaaq.**

**§ 2**

Inatsit 1. juli 2024 atuutilissaaq.